


**DIUINA QUAEDAM  
S. EPHRAEM  
OPERA MILLE  
DUCENTIS IAM  
ANNIS E SYRA IN...**

---

Efrem santo (santo), Pietro  
Francesco Zini





Ex Bibliotheca  
majori Coll. Rom.  
Societ. Jesu

*post 27. f*

*16. 4. 46.*

*14 13*









*Coll. Rom. Soc. Scie. A. S. Cat. Inscr.*

# DIVINA

Q V A E D A M

S. EPHRAEM OPERA

MILLE DVCENTIS IAM

ANNIS E SYRA IN


GRAECAM LINGVAM,

NVNC AVTEM E GRAECA

in Latinam uersa,

PETRO FRANCISCO ZINO

Veronensi interprete.



*Ex Legato*

VENETIIS.

*Illustr. Cocini.*

APVD FRAN. RAMPAZETVM.

M D L X I.

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

PLATE

2

OPTIMO AC SAPIENTISSIMO VERONAE  
PONTIFICI D. HIERONYMO TRIVISANO.



PETRVS FRANCISCVS ZINVS S. D.



N MAXIMA & incredibili illa lætitia, quam patria mea celebri Ciuium atque ordinum omnium gratulatione, præ se tulit, cū te sibi à PIO IIII PONTIFICE OPT. MAX. ex lectissimo totius Reipub. Venetæ nobilitatis flore, datum esse sponsum atque pastorem intellexit: ego summum animi mei gaudium tantisper cœlare constitui, dum sanctissimum quēdam senem, qui multis iam seculis penè mutus ac sordidus in tenebris iacebat, excitarem: ut à me latinè loqui edoctus, & uesti-

mentis paulo elegantioribus exornatus, tibi meo nomine gratularetur. Hic est Ephræm ille, quem Nisibis clara Mesopotamiæ ciuitas genuit: Edeffa Diaconum habuit: Græcia suspexit: uniuerfa Christiana Resp: est admirata. Hunc Basilius Magnus unicè dilexit. Hunc D. Gregorius Magni Basili Prater luculenta ac bene longa oratione summis laudibus in coelum extulit. Huius doctrina tā pia, tam syncera, tam dulcis, tam grauis, atque frugifera ab omnibus semper est habita, ut eius opera mille ducentis iā annis è Syra in græcam linguā conuersa post sacrarum scripturarū lectionē B. Hieronymus in Ecclesijs legi consueuisse testetur. Per hūc ego diuinū senē ad te, pater optime, tanquā ad numen aliquod (quādo tu hac Diœcesi Dei personā ac



uicē geris) gratulabūndus & supplex<sup>3</sup>  
accedo. Ad Deū autē qui adeunt, &  
donare, & petere aliquid consueue-  
runt. Dono igitur tibi non aurū, nō  
gēmas, aut aromata, cuiusmodi mu-  
nera Regina Saba attulit Salomoni:  
Sed cū uidua illa paupercula ueluti  
minuta duo, quæ tu pro eximia ani-  
mi tui magnitudine auro, & gēmis,  
& aromatibus antepones: nēpe præ-  
clara ac diuina quædā huius uiri san-  
ctissimi Ephræm monumenta, qui-  
bus & tu nō mediocriter delecteris,  
& gregis filiorum'q; tuorū animi ac  
corda, quæ uiua ueri Dei sunt tēpla,  
decorentur, & bonus, ac suauis odor  
fiāt Deo, & Angelis, & hominibus.  
Atq; hoc quidē est munusculum no-  
strum. Quod si tibi, ut spero, & opto,  
nō ingratū accidisse, & prodesse cæte-  
ris intellexero: alia cōplura tum eius



dem auctoris, tūm aliorū Sanctōrū  
opera, quæ singulari humanitate no-  
bilissimi atq; ornatissimi uiri AN-  
TONII GIBERTI græcè scripta  
apud me conseruantur, labore ac stu-  
dio nostro in lucē latina prodibunt.  
Quod autē abs te peto, eiusmodi est,  
ut & tibi largienti, & accipiēti mihi,  
patriæq; meæ, atq; ipsi Deo sit futu-  
rū longè gratissimum: nimirū, ut spō-  
sam ipsam tuā, quæ & pulcherrima  
est, & tui, in quo uno uirtutes omnes  
amabili quodam mansuetudinis ac  
morum suauissimorū uinculo con-  
iunctas cernit, amātissima, quemad-  
modum amas, constanter ames: ut  
eam nullo unquam tēpore deferas:  
sed præsens omni officio, ac pietate,  
& amore perpetuo cōplectare. Vale.  
Ex Oppido Lonati VIII Kal. Iulij  
M D L X I.

# INDEX EORVM, QVAE HOC<sup>4</sup> volumine continentur.

<b>S</b> Ephraem animi sui timorem explicat.	5
<b>S</b> Preces.	7
De uirtutibus & uitiis.	8
De timore Dei.	9
De illo, qui expers est timoris Dei.	9
De Charitate.	9
De homine non habente charitatem.	10
De longanimitate.	10
De uirtutis huius experte.	10
De patientia.	11
De impatientia.	11
De benignitate.	11
De iracundia.	12
De mansuetudine.	12
De improbitate.	13
De ueritate.	13
De mendacio.	13
De obedientia.	14
De inobedientia & murmuratione.	14
De homine ab inuidia, & æmulatione alieno.	15
De inuidis, & æmulatoribus.	15
De homine abhorrente à maledictis, & cōtumelia.	16
De maledicis, & contumeliolis.	16
De temperantia, & continentia.	16
De intemperantia.	17
De gratia Dei.	18
De linguae morbo, & ceteris uitiis.	21
Deflet peccata sua, & Dei misericordiā implorat.	27
De poenitentia, & confessione.	28
Se ipsum reprehendit, & peccata sua confitetur.	29
De charitate.	43
De uita spirituali.	44
De exercitatione.	55

Eorum correctio, qui cum uiciosè uiuant honores pe-	
tunt .	56
De uirginitate, & castitate.	60
De castitate .	62
Beatitudines.	63
Beatitudines alię .	67
De recta uitę ratione .	70
De beatitudine, & miseria .	76
Vita S. Ephraim à Diuo Gregorio Nysseno compo-	
sita .	78
Vita eiusdem ex Historia Ecclesiastica Nicephori	
Callisti .	90

EX LIBRO B. HIERONYMI DE  
scriptoribus Ecclesiasticis.



PHRAEM Edesiense Ecclesię Dia-  
conus, multa Syro sermone compo-  
suit, & ad tantum uenit claritudi-  
nem, ut post lectionem Scriptura-  
rum publicè in quibusdam Eccle-  
siis eius scripta recitentur . Legi  
eius de Spiritu Sancto græcum uo-  
lumen, quod Quidam de Syriaca lingua uerterat,  
& acumen sublimis ingenii etiam in translatione co-  
gnoui. Decessit sub ualente Principe.

Plura de hoc Sancto Viro in fine  
uoluminis leges .





DIVINA QVAEDAM  
S. EPHRAEM OPERA  
MILLE DVCENTIS IAM  
ANNIS E SYRA IN

GRAECAM LINGVAM,

NVNC AVTEM E GRAECA  
in Latinam uersa,

PETRO FRANCISCO ZINO  
Veronenſi interprete.



*Animi ſui timorem explicat.*



GO EPHRAEM peccator, & in certamine ſpirituali, in quo propter negligentiam meã aſſiduẽ uincor, ignauus ac piger, uobis, ſtrenui pugiles, & Dei amantiſſimi fratres, ingentem animi mei timorem, qui me miſerum, & ſuperbum, atque inſipientem, ac deſidem die quodã inuaſit, uolo commemorare. Sedebam ſolus, tuto, & amœno, ac ſublimi quodam in loco: & inanes huiuſce mundi ſollicitudines, tumultus, perturbationeſq;

mecum ipse tacitus reputabam : considerans , quomodo uita nostra uelut umbra pertranseat , & tâquã cursor uelocissimus fugiat , ac matutini floris instar marcescat . Et cum dolore ac gemitu dicebam : ignauia , & negotiis , atque cogitationibus inutilibus distracti , quomodo seculum hoc prætereat , ignoramus . Hæc mecum ipse cogitans , oculos in cœlum sustuli . & stupore quodam affectus , tanquam extra me attonitus hæsi , magnaq; formidine totus horrescens , cordis oculis Dominum summa in gloria sedentem uidi , & animam meam sic alloquentem : Cur , ò anima cœlestem thalamum tuum immensa lucis & gloriæ pulchritudine illustrem , contemnis ? Cur , sponsa mea , odio prosequeris me purissimum sponsum tuum atque immortalem ? Cur ea despicias bona , quæ ego tibi , in lumine uitæ præparauì ? Cur te à me per occupationes uanas , & turpes cogitationes alienasti ? Cur , ò anima , cum omni studio & gaudio aduentum meum sedula non expectas ? Cur , cum lampade tua non uigilas , anima , uocem illam ut audias : Ecce sponsus uenit , exite obuiam ei cum lætitia ? o anima , cur decoram uestem ad nuptias tibi parare nõ festinasti ? Cur , cum gaudio in cœlestem & sanctum thalamum non ingrederis ? Cur , odisti me , qui bonus sum , teq; à morte in uitam uindicauì ? Ego , anima , mortem obii , ut te mihi sponsam asciscerem . Ego , amplissimum tibi regnum hæreditarium acquisiui . Ego , anima , omnia mea bona tibi , ut Rex præbui . Ego propter te factus sum homo , ut uitam tuam liberarem à corruptione . Ego , anima , cunctis operibus meis salutem tuam anteposui . Ego thalamum tibi in cœlis instruxi , Angelisq; præcepi , ut in eo coram te ministrarent . Tu autem , anima , me cœlestem sponsum , & incredibilia , quæ tibi parauì , bona contempsisti . Quem porrò prætulisti mihi , qui miserationibus meis genus humanum seruauì ? Quis pater uitā lar-

Matth.  
25.



gitur, ut ego, quem tu, anima, reliquisti? Tu, anima, tu pro me inimicum tuum omni odio dignissimum adamasti. His ego uerbis; fratres, coram Domino constitutus, magna animæ meæ turpitudine animaduersa, uehementer expaui, & præ timore deficiens contremui. Et quia tantum dedecus ferre non poteram, ubi me absconderem, cogitabam, dicebamq;: ò montes, me peccatorem & impium operite. Et demisso capite, præ pudore lugebam, magnaq; uoce lamentabar, cur ego, inquam, ex utero matris egressus sum, ut Dominum meum sanctum, & bonum, & misericordem ad indignationem prouocarem? Tu Domine, in utero matris me coagulasti. Tu corporis incrementum dedisti. At ego ingratus fui, & dona tuæ cœlestia, sanctaq; gratiæ tuæ remedia contempsisti. Flens tamen procidi, & cum dolore ac gemitu cordis mei illic crimans exclamaui: Exaudi, Domine, clamorem meum, & uerba suscipe deprecationis meæ, quæ ego peccator timore perterritus loquor. Domine clemens, & mitis, atque misericors, ne trahes me, ut meritis sum pro cunctis operibus meis: Nec memineris iniquitatum mearum, quibus ego gratiam tuam, benigne Domine, irritaui. Tantum mihi spatii concede, clementissime Domine, & humani generis amantissime, ut resipiscam, ut pœnitentiam agam. Gratia tua, quæ pertulit adolescentiæ meæ iniquitates, & senectutis meæ delicta ferat. Memini, benignissime Domine, iusiurandum tuum, quod iurasti per te ipsum, dicens: Vivo ego, dicit Dominus, quia Ez. 10. nolo mortem peccatoris & impii, sed magis ut conuertatur ab omnibus iniquitatibus suis, & uiuat. Humanissime Domine & clementissime, pro tuis miserationibus iurasti, te nolle mortem peccatoris, sed magis ut conuerteretur, & uiueret. Ignosce igitur mihi peccatori, qui adiuro te per uiscera misericordiæ tuæ, ut mihi propitius sis & placatus. Miserere

mei, Domine, & noli supplicis obtestationem ac preces aspernari. Tu, Domine, qui hominum corda scrutaris & renes, & nostras omnes perspicis cogitationes, nosti, me acerbo animi dolore compulsus, hæc ausum esse loqui in conspectu tuo. Respice, Christe seruator, fontes lacrimarum mearum, & contritionem, atque suspiria indignæ animæ meæ. Adueniat misericordia tua, & protegat me, antequam terribili iussu tuo imparatus ac fœdusprehendar. Gratia tua mihi exiguum ueræ pœnitentiæ tempus largiatur. Nequit, mitissime Domine, gratia tua peccatorem despicere lacrimantem. Ignoscit omni animæ, quæ supplex ad te confugit, & peccatorum, quæ commisit, ueniam petit. Exaudiuit sanctus & bonus Dominus uocem meam, & clamorem lacrimarum mearum, & misertus est mei, ut ego quoque fructum pœnitentiæ feram. Obsecro, Domine, ut mihi ueræ pœnitentiæ spatium concedas. Doce me, Domine, & duc per uiam uitæ, ut saluus fiam. Quoties mihi fratres charissimi, uenit in mentem illius diei, & illius horæ, in qua me repente hic timor inuasit, horreo, & lacrimor, & ingemisco. Rursus omnia simul obliuiscor, & preces, & lacrimas, & timorem, & pœnitentiæ tempus mihi gratiæ diuinæ munere concessum. Vnde mihi hæc duritia? hæc negligentia? hæc obliuio? Cur tam repente impudens fio, timoris expers, superbus, & iracundus? Cur mihi ante oculos nec timor Dei, nec iudicium futurum uersatur? Num iniustus Deus? Num dissimulat, aut non perspicit opera mea? Absit. Quæso obtestorq; uos, amici Dei, & fratres mei charissimi, ut pro me homine inutili & peccatore Deum benignum & misericordem deprecemini. Quæ mihi contigerint, ideò uobis patefeci, ut per uos à Deo misericordiam impetrem. Non dubito, si uolueritis, quin mihi apud Deum precibus & supplicationibus uestris auxiliū ferre ualeatis. Scio

multorum obsecrationem potuisse etiam Apostolos **Act. 12.** è carcere & uinculis & morte liberare. Quanto magis me peccatorem & impium à morte liberabitis? Accurrite, qui timetis Deum, pro me preces uestras effundite, ut in anima mea luceat diuina gratia, mentemq; meam tenebris circumfusam illustret. Ego autem uestre supplicationis auxilio dignus efficiar, qui poenitentiam agam, & ueniam obtineam. Et adueniente diuina gratia dulcescat amaritudo mea. Gratia enim presentia simul cum animi resipiscantis dolore dulcedinem affert & tranquillitatē. Exhilarat spiritus sancti gratia, facitq; ; ut anima rerum omnium caducarum & inutitium obliuiscatur. Gratia Dei in anima nostra similis est horto regio pulchris arboribus referto & fructibus bonis, qui & sapore, & odore, & pulchritudine mirificam omnibus sensibus afferunt delectationem. Eiusmodi sunt diuinæ gratiæ fructus. Splendorem, dulcedinem, lætitiā præbent. O beata illa anima, quæ gratiæ diuinæ presentia fruitur. Quanto illustratur splendore. Quanta afficitur suauitate. Quanto contemplationis gaudio perfunditur. Iterum dico: O beata illa anima, quæ diuinæ gratiæ muneribus decoratur. Nihil anima illa cernit in terra. Tota hæret in Deo. Neque enim illam sponsi suauitas & gratia discedere permittit. Ecce rursus ad fores Domini mei supplex accedo, obsecrans, adorans, ac dicens: Ignosce mihi, clementissime Domine, delicta mea. Expedit enim supplici seruo, posteaquam peccauit, non effugere manus Domini sui, sed potius cum omni summissione & humilitate cordis permanere. sic enim & homines seruis delinquentibus parcere consueuerunt. Quod si homines mortales & improbi conseruis ignoscunt suis: quanto magis Dominus sanctus & bonus, cuius misericordia, & mansuetudo, & clementia est infinita, iniquitates, & crimina remittet illis, qui ad be-



## P R E C E S

nignitatem ipsius supplices confugiunt? Thesaurus enim misericordiæ eius promptum resipiscentis ac dolentis animum requirit, statimq; profundit diuitias suas. Nam thesaurus ille uberrimo fonti uidetur similis, qui aquam haurientibus abundè tribuit. Facile cuius est explicare, quomodo fons diuinæ misericordiæ comparetur. Sicut enim fons ab aqua sua neminem arcet, sic gratiæ thesaurus nullum hominem prohibet, quo minus particeps illius fiat. Modò uoluntas adsit, statim totus gratiæ thesaurus patebit tibi. Haurite ex hoc fonte, fratres charissimi, fluenta munerum diuinorum, dum licet. Tempus enim adueniet, cum inde sitim extinguere non licebit. Obsecro uos, hæredes Dei, & Christi fratres, ut mei ne obliuiscamini, sed pro me Domino supplicetis, ut eripiar ab hoste, qui me singulis horis oppugnat. Sanctæ Trinitati sit gloria in secula seculorum. Amen.

### *Preces.*

PECCAUI in cælum & coram te, Domine Deus omnipotens, nec iam sum dignus, qui uocer filius tuus, aut oculos in cælum tollam præ multitudine peccatorum meorum, aut labiis meis impuris gloriosum inuocem nomen tuum. Me enim & cælo & terra indignum reddidi, quia te, mitissime Domine, ad iracundiam prouocaui. Obsecro, Domine, obsecro, ne me proicias à facie tua, ne ue recedas à me, ne miser peream. Nisi enim gratiæ tua me protegat, perii, ero tanquam puluis ante faciem uenti, & propè in nihilum redigar. Ex quo uiam tuam deserui, nullus mihi lætus illuxit dies. Nam si quis forte iucundior dies uisus est, is omnium fuit acerbissimus. Verum gratia tua confisus spero te mihi robur & uires largiturum ut consulam saluti meæ. Et nunc supplex ad te confugio, & quæso, ut me à iustitiæ semita pro-

cul aberrantem in uiam reducas. Ostende in me misericordie tuæ magnitudinem, ut olim in filium prodigum ostendisti. Ego gratiæ tuæ diuitias profundens ac perdens uitam meam coinquinavi. Miserere mei, Deus, & ne memineris iniquitates meas. Miserere mei, ut peccatricis & latronis, & publicani misertus es. Isti enim cum uersarentur in terra, ab omnibus ut perditī ac desperati despiciebantur. Tu autem illos suscipiens Paradisi deliciarum incolas effecisti. Suscipe igitur & pœnitentiam meam, inutilis serui tui, quoniam apud omnes despectus sum, & perditus, ac desperatus. Venisti enim, Domine, non ut iustos, sed peccatores uocares ad pœnitentiam. Tibi gloria in secula seculorum. Amen.

*De uirtutibus, & uitijs.*

EGO, fratres Christi amantissimi, uitam uestram beatam existimo, quia frugi est: meam uerò miseram duco, quia inutilis. Vos ego felices iudico, quos recta uiuendi ratio Deo & Angelis & amicos reddidit: uicem autem meam quis dignè lugebit, qui prauis operibus meis Deum ad iram prouocaui? Vos beati estis, qui casto uitæ instituto & eximia charitate paradisi hæreditatem acquiritis. Quis studium uestrum & animi alacritatem non admiretur, qui tā longi itineris laborem uirtutis causa suscepistis? Quanquam id mihi maiori admiratione dignum uideatur, quòd ad abiectum peccatorem conuenitis, ut ex eius sermone fructum aliquem percipiatis. Mirum profectò, eos, qui saturi sunt, ad fame confectum accedere. Qui rore abundant spiritali, ad eum, qui siti aridus est, proficisci. Qui uirtutum dulcedinem gustant, eum petere, qui uersatur in amaritudine peccatorum. Cur diuites ad pauperem? Cur sapientes ad imperitum? Cur mundi ad coinquinatum? Cur



# DE VIRTUTIB. ET VITIIS.

ualescentes ad ægrotum? Cur amici Domini ad eius inimicum? Cur studiosi ad ignauum accessistis? Vos enim estis uirtutibus conspicui: ego mendicus ac stultus. Vos temperantia uestra placetis Deo: ego nequitia mea illi displiceo. Vos bonis operibus & laudabili castitate suauis odor estis in Christo: ego inertia, & pigritia mea totus foeteo. Valde igitur mirandum est, uos, qui tam multis commodis affluitis, ad me uenisse, qui ne mihi quidem prodesse ualeo. Sed uos utique uoluistis à me desidiā expellere, & animum ignauum excitare, imbecillitatique meæ uires adiungere. Cum enim perfecti sitis, nulla in re deficitis. Quando igitur, quæ uestra humilitas est, à me homine inutiles sermonem aliquem frugiferum exigitis, ego, licet iussu uestro uita mea coarguatur, ut obedientiæ fructum capiam, loquar equidem, sed cum rubore. Quomodo enim uobis consilium, quin me ipsum reprehendam? Quomodo alios admonebo, quin me ipsum condemnem? Iure profecto in me dici poterunt uerba illa Domini seruatoris: Medice, cura te ipsum. Verum, quoniam idem Dominus & seruator ait: Quæcunque dixerint uobis, seruate & facite, secundum autem opera eorum nolite facere: quamuis immundus ego sim, rectè tamen aliis conabor consulere. Cum angelicam uitæ christianæ rationem considero, singula ipsius instituta afferre beatitudinem perspicio. Quis enim ex uirtute rectè, castèque uiuentem non beatissimum putet? Quis contrà non miserrimum arbitretur illum, qui negligentia sua & prauis operibus regnum cælorum amittit, & à diuino illo sponso repudiatur? Quæ cum ita sint, fratres charissimi, omni studio debemus in hoc angelico uiuendi instituto cum Dei timore uersari, & ueram humilitatem amplectentes sanctis Domini & seruatoris nostri Iesu Christi mandatis obedire.

Lu. 14.  
Matth.  
23.

# DE TIMORE DEI.

## *De timore Dei.*

BEATVS vir, in quo timor est Dei. Is enim aperte beatus appellatus est a spiritu sancto: Beatus, Psal. 3. inquit, vir, qui timet Dominum. Verè enim, verè, qui timet Dominum ab omni fraude inimici tutus est, & omnes illius insidias vitat. Is in quo Dei timor inest, omnibus astutissimi hostis fallaciis ac dolis superior est. Nam qui Dei timorem obtinet, carnis non sequitur voluptatem. Qui Deum timet, huc illuc minimè vagatur, sed Dominum suum expectat, ne veniat repente, seq; imparatum offendat ac diuidat. Qui Deū timet cum cura viuunt & sollicitudine, semper enim vigil ac sobrius est. Qui Deum timet, inertix & somno immodico non indulget. Vigilat enim; & aduentum Domini sui præstolatur. Qui Deum timet, nihil negligit, sed minima quæq; perpendit, ne Dominum suum offendat. Qui Deum timet, non est desidix deditus, sed omnia diligenter curat, ne a Domino suo plectatur. Qui Deum timet, cuncta diligenter explorat, & quæ Domino suo placere intelligit, ea complectitur & perficit, vt ab eo, cū aduenerit, laudetur. Innumerabilium igitur bonorum causa est timor Dei. Initium enim sapientix Psal. timor Domini. Intellectus bonus omnibus facienti- 110. bus eum. Et ad quem, inquit, respiciam nisi ad pau- Esa. 66. perculum, & contritum spiritu, & trementem sermones meos?

## *De illo, qui expers est timoris Dei.*

QVI Deum non timet, omnibus inimici dolis & insidiis patet. Is a quo Dei timor abest, superbia extollitur, nullum in rebus delectum habet, sine vlla cura & sollicitudine somno indulget, otio & desi-

## DE CHARITATE.

diæ vacat, in actionibus suis negligens est, voluptates, & quæcunq; sensibus iucunda sunt, aucupatur. Neque enim aduentum Domini reformidat. Itaque præceps ruit in omnia vitia, solatia & consolatiões conquirat. Ab afflictionibus & rebus asperis abhorret. Despicit humilitatem. Arrogantiam amplectitur. Quamobrem illum Dominus imparatum offendet, & diuidet eum, & proiciet in tenebras sempiternas. Quis hominem eiusmodi miserum non arbitretur?

### *De Charitate.*

BEATVS ille vir, in quo Dei charitas inest: quo  
 1. Io. 4. niam in se Deū gerit. Deus enim charitas est, & qui manet in charitate, in Deo manet, & Deus in eo. Qui charitate præditus est, cum Deo omnibus antecellit. Timor non est in charitate, sed perfecta charitas foras mittit timorem. Qui charitatem habet, inuidet nemini: Neminem vaq̃ contemnit, non paruum, non magnum, non gloriosum, non inglorium: non pauperem, non diuitem: sed omnium se infimū putat, omnes diligit, omnia sustinet. Qui charitatē habet, non extollitur aduersus quenq̃. Non inflatur. Neminī detrahit, sed detrahentes auersatur. Qui charitatem habet, fraude non utitur, nec fratrem supplantat suum. Qui charitatem habet ab æmulatione, inuidia, & odio alienus est. Non lætatur, cū aliquis cadit, nec cadentem opprimit, sed potius afflictos consolatur, & iacentes excitat. Non despicit fratrem in necessitate, sed illum defendit, & pro salute eius mortem oppetit. Qui charitatem habet, diuinæ obtemperat voluntati, & verus Dei discipulus fit. In hoc, inquit bonus præceptor noster, cognoscent omnes, vos meos esse discipulos, si mutuam inter vós habueritis charitatem. Qui charitatem habet, sibi nihil arrogat, nihil suum esse propriū dicit, sed quæ-

Io. 13.



cunque habet, omnium putat esse communia. Qui charitatem habet, aliena non negligit, sed tanq̃ propria curat. Qui charitatem habet, non irritatur, non intumescit, non ardet iracundia, iniustitia non delectatur, non gaudet mendacio, neminem existimat inimicum, præter Diabolum. Qui charitatem habet, omnia sustinet, benignus est, & mansuetus. Beatus igitur, qui charitate ornatus ad Deum tendit, quoniam in sinu eius excipietur, cum Angelis versabitur, & regnabit cum Christo. Charitas fecit, ut Deus verbum in terram descenderet. Charitas fecit, ut paradysus nobis patefieret, & reditus omnibus in cœlum ostenderetur. Charitas Deo, nos, cum inimici eius essemus, conciliauit. Itaque meritò scriptum est: **I. Io. 4.** Deus charitas est, & qui manet in charitate, in Deo manet, & Deus in eo.

*De homine non habente charitatem.*

**MISER** & infelix, qui procul abest a charitate. Is enim somnians, dies suos consumit. Quis non doleat vicem illius, qui est alienus a Deo? Qui lucis est expers & in tenebris versatur? Is in quo non est charitas, fratres, inimicus est Dei. Qui fratrem suum odit, homicida est, & in tenebris ambulat, & facile incidit in omne peccatum. Nam qui charitate caret, facile irascitur, facile indignatur, facile in odium labitur. Qui a charitate remotus est ex aliorum iniquitate lætitiā percipit. Cadentium non miseretur. Iacentibus non porrigit manum. Errantes nō corrigit. Labantes non fulcit neque confirmat. Qui charitate caret, mentis oculis captus est, amicus est Diaboli, totius inuentor improbitatis, rixarum studiosus, auctor contumeliarum, detractorum socius, comes maledicorum, inuidorum sectator, vas arrogantix, & satanæ (ut verbo cuncta complectar) instrumentum. **I. Io. 3.**

## DE LONGANIMITATE

In omni errore cæcus versatur, nec agnoscit miser, se  
1. Io. 4. in tenebris ambulare. Quamobrem perfectionis parentem, fratres charissimi, charitatem, quæ verus est Deus & Dominus noster Iesus Christus, amplectamur.

### *De longanimitate.*

VERE beatus ille, qui possidet longanimitatem.  
Pro. 14. Hunc enim & scriptura sancta collaudat, vir longanimus, inquit, multa prudentia gubernatur. Hoc autem quid præstantius? Longanimus semper in gaudio, in lætitia, in consolatione versatur. suas in Domino spes sitas habet. Procul abest ab iracundia, procul ab indignatione, procul a contumelia. Haud facile verbis inanibus mouetur iniuria affectus non dolet. Aduersantibus non contradicit. In omni negotio firmus constansque manet. Nullis fallaciis decipitur. Abhorret ab irritatione. Gaudet in rebus aduersis. Omnibus operibus bonis delectatur. Calumniatores & inuidos penitus fugit. Nihil respondet laceffitus. Si pungatur non dolet, sed cunctis vulneribus longanimitate medetur.

### *De virtutis huius experte.*

QUI longanimitate caret, caret & paciëntia. Qui enim longanimis non est, facile perturbatur. Ad iracundiam promptus est. Celeriter ad rixas impellitur. Affectus contumelia maledicit. Iniuria se laceffitus vlcisitur. Verbis inanibus altercatur. Illius actiones & opera tanquam a vento folia iactantur. In sermone sibi ipse non constat. Citò vna ex re ad aliam transilit. Qui longanimitatem non obtinet, constantiæ caret firmitate, iudicio caret, & celeriter immutatur. Cum improbis, & maledicis, & facinorosis ho-



## DE PATIENTIA. II

minibus uiuit. Myſteria non regit, ſed arcana omnia temere patefacit. Eiufmodi homine quid infelicius?

### *De patientia.*

**BEATVS** ille, fratres chariſſimi, qui poſſidet patientiam Patientia enim ſpē innititur, ſpes autem Rom. 5. non confundit. Itaque beatus ter, inquam, beatus ille, qui patientiam poſſidet. Nam qui ad finem uſque patientiam retinet, ſalutem aſſequetur. Chriſtus dux eſt patientium ac princeps. Quouſque autem pateat patientia, eſſi probè ſcitis, tamē ad vtilitatem noſtrā hac item de re aliquid dicam. Patientia non manet ſola, ſed multis cum virtutibus coniuncta eſt. Patiens enim omnibus virtutibus exornatur. Gaudet in rebus aduerſis, in calamitatibus probatur, exultat in tentationibus. Ad obedientiam promptus eſt. In longanimitate ſtabilis. In charitate perfectus. Maledicentibus benedicit. In bello pace perfruitur. In pace non eſt diſſolutus. In pſalmis impiger decantandis. Alacer in ieuniis. Frequens in orationibus. In actionibus integer, compoſitus in reſponſionibus. Obediēs in mandatis exequendis. Diligēs in vitæ ratione inſtituenda. Gratiſus in muneribus ſuis obeundis. In reditu tempeſtiuſ. In mutua conſuetudine iucundus. In conſilio dulcis. In vigilia lætus. In hoſpitem cura ſtudioſus. In ægrotantium miniſterio ſedulus. Velox ad ſubueniendum. Sobrius ad cogitandum. Ad omne denique negotium expeditus. Ad cuncta enim opera bona eſt paratiſſimus. Quamobrem magna cum fiducia ad Dominum exclamat, dicens: Expe- Pſal. 39. ctans expectaui Dominum, & intendit mihi, & exaudiuit preces meas.

### *De impatientia.*

**MISER** & infelix, qui patientia ſpoliatus eſt.

## DE BENIGNITATE

**Ecc. 1.** Nam eiusmodi homines miseros appellat scriptura, Væ, inquit, illis, qui patientiam perdiderunt. Væ illi nimirum, qui caret patientia. Qui enim virtutis huius est expers, ut folium a vento proicitur. Hic contumeliam ferre non potest. Animo pusillo est in calamitatibus. In bello facile superatur. In rebus aduersis conqueritur. Præcipientibus aduersatur. Ignauus in oratione. In vigilia dissolutus. In ieiunio tristis. In continentia negligens. In responsionibus arrogans. Improbis in actionibus. Inuictus in malitia. In mandatis superbus. In altercationibus strenuus. In negotio non bonus. In otio malus. Deliberantibus contradicit. Proficientibus inuidet. Qui patientia caret, multis afficitur detrimentis. Qui patientia caret,

**Heb. 12.** ad virtutem peruenire non potest. Per patientiam enim, ut inquit Apostolus, ad propositum nobis certamen currimus. Qui patientia caret, ab hac spe alienus est. Quapropter, omnes, qui sunt impatientes, ut ego sum, ad patientiam omni studio capeffendam cohortor, ut salui simus in Christo Iesu Domino nostro.

### *De benignitate.*

**BEATVS** vir, qui benignus est, nec facile ad iram & indignationem commouetur. Is semper in pace degit. Qui iræ & indignationis spiritum a se propellit, a bello & tumultu procul existens in perpetua animi tranquillitate versatur. Semper hilaritatem in fronte gerit: Vanis sermonibus non concitatur. Iustitiæ & veritatis studiosus est. Garrulos facile tum cohibet, tum etiam sustinet. Abhorret a contentionibus. Omnes enim amore beneuolentiæ complectitur. Rixas & altercationes odit. Nemini iniuriam facit. Morbis non afficitur, qui talis est, sed comoda semper fruitur valetudine. Quietem & patientiam

tiam diligit. Qui ab iracundiæ spiritu non vincitur, domicilium fit spiritus sancti. Non irritat spiritum sanctum, qui ab iracundiæ spiritu liber est. Hic ad humanitatem, ad charitatem, ad patientiam, ad humilitatem propensus est, & omnibus operibus bonis ornatus a Christo diligitur. O terq; quaterq; beatos, qui spiritum iracundiæ & indignationis a se propulsant q̄ longissimè. Horum & corpus, & anima, & mens perpetua fruitur sanitate.

*De iracundia.*

HOMO iracundus, qui sæpe & celeriter quavis de causa irascitur & indignatur, audiat Apostolum Iacobum ita dicentem: Ira viri iustitiam Dei nõ ope Iac. i. ratur. Verè miser & infœlix, qui hac animi perturbatione vincitur. Iracundus enim occidit animam suã. Quænam illius est vita, qui perturbationibus assiduè excrucietur? Iracundus & animi tranquillitate caret, & commoda corporis valetudine, semper enim & animus illius molestia angitur, & corpus morbo vexatur. Iracundia caro marcescit, pallor inurit, cogitatio distrahitur, mens ipsa turbatur, ratio fluminis instat errore cõfunditur. Iracundus omnibus est inuisus. A patientia & charitate remotus est. Vanis rumusculis permouetur. Leuicula de causa rixas pro uocat. Vbi non requiritur, eò se se ingerit, & ubique relinquit odium sui. Multiloquio, & rebus inanibus & conuiciis oblectatur. Ad humanitatem infirmus est, strenuus ad improbitatem. Quis hominem eiusmodi non deploret & commiseretur? Apud Deum certe & apud homines despectus est & nullius pretii. Nam omni in re inutilis & nequam est iracundus. Quod cum ita sit, iracundiam fugite.

*De mansuetudine.*

BEATVS, ter, inquam, beatus ille vir, qui mitis



## DE MANSVETVDINE

est & mansuetus. Quandoquidem hunc etiam **Serua-**  
**Matt. 5.** tor & Dominus beatum appellat, dicēs: Beati mites,  
 quoniam ipsi possidebunt terram. Quid hac præstan-  
 tius beatitudine? Quid hac promissione optabilius?  
 Quid hac læritia melius, cū quis Paradisi obtinet  
 possessionem? Proinde cū immensa huic virtuti  
 præmia sint proposita, fratres charissimi, ad eam to-  
 tis viribus contendite: Nemo illius se expertem esse  
 permittat, ne mox a paradisi possessione reiectus fru-  
 stra doleat & cōqueratur. Mansuetudini propositam  
 esse beatitudinem intelligitis. Ad eam igitur omni  
 studio festinate. Audite quid de illa Spiritu sancto af-  
**Esa. 66.** flatus loquatur Esaias Propheta: Super quem requie-  
 scam, dicit Dominus, nisi super mansuetum & quie-  
 tum & timentem sermones meos? Quid hoc pro-  
 missio admirabilius? Quid hoc honore præclarius?  
 Videtē, fratres, ne quis a tali excidat fœlicitate. Ne-  
 quis hoc infinito gaudio & læritia incredibili spolie-  
 tur. Mansuetudinem excolite & amplectimini. Vir  
 mansuetus ornamenti omnibus decoratur. Gaudet  
 in contumelia. Deum laudat in calamitate. Iratos mi-  
 tigat dulcedine sua. In afflictione fortis est. In pugna  
 tranquillus. Subalterius imperio lætus. Superbiæ sti-  
 mulo non premitur. Sub iugo triumphat humilita-  
 tis. Rectē factis minime extollitur. Pacificē cum om-  
 nibus viuit. Cum omnibus submisit se gerit. Ad om-  
 ne opus bonum promptus est. Omnibus in rebus  
 probatur. Laudatur ab vniuersis. A malitia remotus  
 est. Abhorret a simulatione. A fraude, ab inuidia, a de-  
 tractione, a garrulitate est alienissimus. Maledicos fu-  
 git. Calumniatores auersatur. O præclaras diuitias  
 mansuetudinis, quæ a cunctis collaudatur, & apud  
 omnes est admirabilis. Demus operam, fratres  
 charissimi, ut virtutem hanc obtineamus, quo præ-  
 mia illi proposita consequamur a seruatore no-  
 stro Deo.

*De improbitate.*

**E**os vero lacrimis & commiseratione prosequi debemus, qui mansuetudine vacui improbitati sunt addicti. Grauis enim in illos sententia lata est. Improbi, inquit, perdentur. Hos etiam sanctus Deus non **Matth.** **12.** **ro** cordis sui profert mala. Et propheta, insurgenti- **Psal. 91.** bus, inquit, in me malignantibus audiet auris mea. Graue improbitatis Dæmoniū est, fratres. Quamobrem, orate, nequis in ipsum incurrat. Improbis enim nunquā est in pace. Semper in perturbationibus versatur. Semper bile, & dolo, & ira plenus est. Semper despiciit proximū suum. Semper murmurat. Semper detrahit. Semper inuidet. Semper emulatur. Semper molestus est. Semper aduersatur. Semper contradicit. Iussa contemnit. Consilia despiciit. Instituta dissoluit. Diligentes se ludit. Laudantes spernit. Proficientes odit. Admonētes paruifacit. Fratres dirimit. Inuantes lædit. Mites expellit. Patientes irridet. Hospites auersatur. Alios alibi calumniatur. Inter omnes dissidia seminat. Rixas prouocat. Iracundiam inflamat ad vltionem impellit. Contumeliis, conuiciis, detractionibus delectatur. Ad loquacitatem, ad petulantiam, ad tumultus promptissimus est. In psalmis decantandis est imbecillus, in ieiuniis debilis, in omni opere bono infirmus & inutilis, in sermonibus spiritualibus segnissimus ac languidus. Omnis enim iniquitas os eius occludit. Magna profectō commiseratione digni sunt homines eiusmodi. Quocirca vos, fratres, cohortor & moneo, ut a maligna improbitatis peste caueatis.

*De veritate.*

BEATVS qui veritate vitam suam exornauit,

## DE MENDACIO

10.14.

& nullo in mendacio deprehensus est. Beatissimus, qui veritatem colit & obseruat, quoniam Deus veritas est, & mendacium non est in eo. Quis veritatis amantem non admiretur? Deum enim imitatur qui talis est. Veritatis studiosus Deo charus est, & hominibus utilis. Homo verax inter amicos iucundus, & in omni officio & munere rectus est. Personam hominis non respicit, nec inique iudicat. Dignitates & honores non admiratur. Pauperes & inopes nequaquam despicit. In responsionibus simplex est, in iudiciis sincerus, in omni actione diligens, in mutua consuetudine graciosus. Dolum ignorat, odit simulationem, omnia, quæ recta bonaque sunt, diligit, & cunctas virtutes amplexatur. Beatus igitur & foelix, qui sine simulatione semper inseruit veritati.

### *Demendacio.*

**I**N FOELIX ac miser, qui mendacio delectatur. Ab initio enim Diabolus mendax est. Qui autem assuescit mentiri, nullam in verbis suis obtinet auctoritatem. Inuisus etiam est Deo pariter & hominibus. Quis hominis mendaciis miseriam non lugeat? Hic nullo in negotio probatur, & in omni responsione suspectus est. Mendax inter amicos rixas prouocat, iurgia suscitatur, & in mutua familiaritate idem est, quod rubigo ferro. Cor habet audax, sed pertusum. Cupide audit arcana, sed ea reteggit. Facile domos recte institutas euertit. Facinora aggreditur, sequitur; auctorem esse dissimulat. Sine iureiurando nihil loquitur. Verborum multitudine conatur persuadere. Homo mendax callidus est & versipellis. Magnum animi vulnus hoc vitium est. Nullum maius est dedecus. Mendax ab omnibus despicitur, ab omnibus irridetur. Quod cum ita se habeat, fratres, ab omni abstineamus mendacio, ne cum mendacii parente Diabolo in æter-



num ignem coniecti calamitatem nostram frustra  
doleamus

*De obedientia.*

BEATVS, qui veræ & non simulatæ obedientię  
fruitur possessione, quoniam imitator est optimi præ  
ceptoris Domini nostri Iesu Christi, qui factus est Phil. 2.  
obediens vsque ad mortem. Vere igitur beatus est,  
quippe qui cum filii Dei sit imitator, cohæres etiam  
illius efficitur. Qui colit obedientiam charitatis vin  
culo cum omnibus coniunctus est. Qui obedientiæ  
virtute ornatus est, præciosam habet possessionem,  
magnas diuitias obtinet. Vir obediens iucundus est  
omnibus. Ab omnibus laudatur. Probatur ab omni  
bus. Vir obediens celeriter exaltatur. Magnos in om  
ni virtute & pietate progressus facit. Vir obediens  
præcipientibus non contradicit. Iubentibus non ad  
uersatur. Reprehendentibus non irascitur. Ad omne  
opus bonum promptissimus est. Haud facile capitur  
ab iracundia. Si castigetur, a bono proposito non re  
cedit. Si contumelia afficiatur, non excandescit. In  
ærumnis & molestiis gaudet. In afflictionibus Deo  
gratias agit. Non migrat ex vno in alium locum. Nec  
sedem & habitationem frequenter mutat. Correctio  
nibus non indignatur. Vbi vocatus est, manet. Nemi  
nem lædit. Patrem non despicit. Fratrem minime con  
temnit. Eorum, quibus cum viuit, non carpit viuen  
di rationem & institutum. Otium fugit. Aeris & lo  
corum non quærit amœnitates, sed, vt sanctus Apo  
stolus iubet, in qua vocatiōe vocatus est, in ea ma  
net. Multi sunt igitur fructus obedientiæ. Quare  
qui possidet eam, beatus est. 1. Cor. 7

*De inobedientia & murmuratione.*

DETESTANDVS ac miser est homo contu-

## DE INOB. ET MVRMV.

max & fufurro. Magna enim in quauis familia plaga  
 eft inobedientia & murmuratio. Vbique parit offen  
 diculum. Charitatem euertit. Cōcordiam diftrahit.  
 Pacem difturbat. Contumax & murmurator repu  
 gnat præcipientibus. Ad omne negotium & opus ine  
 ptus eft. Nihil enim vlla in re habet gratiæ, nihil ve  
 nuftatis. Inobediēs & piger idem funt. Pigritia enim  
 fufurationis eft foror coniunctiffima. Itaque in ea  
 dem incidit mala, quæ pigro tribuit facra fcriptura.

Pro. 10. Sicut acetum, inquit, dentibus, & fumus oculis, fic pi

Pro. 20. ger iis, qui miferunt eum. Siquo enim mittatur, di  
 cit: Leo eft in via, in medio platearū occidendus fum.

Pro. 26. Item: ficut oftium vertitur in cardine fuo, ita piger  
 in lectulo fuo. Denique fapientior fibi videtur feptē  
 viris loquentibus fententias. Homini inobedienti &  
 fufurroni femper excufationes in promptu funt. Si  
 quod illi opus imponitur, murmurat, & alios etiam  
 peruertit, & auocat ab incēpto. Quorſum, inquit,  
 hoc? Cur non illud potius? Fruſtra labor hic ſumi  
 tur. Si aliquò delegetur, damnum, inquit, ex hoc iti  
 nere proueniet. Si vocetur ad pfalmos decantandos,  
 dicit ſe ſtomachi aut capitis dolore torqueri. Si illū  
 admones, adnōne, inquit teipſum, de me erit, quod  
 placuerit Deo. Siquid eum docere vis vtinā, inquit,  
 iſtuc ſcires, quemadmodum ego. Nullum vnq̃ opus  
 ipſe ſolus aggreditur. Socios ſibi ſemper adiungit.  
 Quicquid facit homo contumax & murmurator,  
 ingratum eſt, & inuenuſtum, & a veritate ſeiunctū.  
 Conuiuiis delectatur. Ieiunia contemnit. Rumores  
 couſingit. Dolos ac fraudes comminiſcitur. Loquax  
 eſt, & verborum multitudine inuiſtus. Modo hunc,  
 modo alium calumniatur. In actionibus rectis triſtis  
 eſt. In ſuſcipiendis hoſpitibus inhumanus. In amici  
 tia ſimulator. In odio vehemens. Quamobrem ca  
 uendum eſt, fratres, ne ſimus inobedientes & contu  
 maces, aut in exequendis mandatis queruli & fuſur

rones, neve nos exquisitis & argutis responſionibus tanq̃ peritiores imperantibus defendamus.

*De homine ab inuidia & æmulatione alieno.*

BEATVS, qui ab inuidia & æmulatione liber eſt. Aemulatio & inuidia coniunctæ ſunt. Qui vnam habet, habet & alteram. Vere igitur beatus, qui in hæc vitia non incidit, nec ab eorum altero vulneratus eſt. Qui æmulatur fratrem in rebus iniuſtis, cum Diabolo condemnatur. Vincitur æmulator, odio laborat, & inimicitia. Bonis aliorum progreſſibus angitur. At qui ab hoc alienus eſt vitio, alienis virtutibus non cruciatur. Siquis honorem aut dignitatem aſſequitur, minime dolet. Sibi enim omnes præfert. Sibi cūctos antepone. Se indignum, ſe omnium infimum arbitratur. Omnes meliores ſe iudicat, omnes præſtantioreſ. Honores nō quærit. Non ambit magiſtratus. Non appetit dignitates. Gloriam non arrogat ſibi. Gaudet cum gaudentibus, cum proficientibus proficit. In virtutis ſemita progredientes approbat. Rectè viuenteſ laudibus extollit. Siquem laudabiliter viuenteſ aſpexerit, eum non impedit, ab inſtituto non deterret, ſed adiuuat, & ad meliora cohortatur. Si quem repulſum aut deiectum viderit, eum nō mordet, ſed conſolatur. Si fratrem cecidiſſe animaduertit, eum nō lacerat & affligit, ſed excitat ac ſuſtinet. Cum aliquem iratum cernit, ardentem illius animū mitigat, nō inflammat. Cum charitate ad pacem & concordiam dirigit. Mœſtoſ & calamitoſoſ non deſpicit, ſed dulci oratione ſubleuat & confirmat. Erranteſ, & imperitoſ non ſpernit, ſed amanter inſtituit, & in rectam reducit viam. Quoſ tempore precationiſ dormienteſ offendit, ſedulus excitat, & ad orationem inuitat. Nulla denique in re



## DE INVI. ET AEMVLA.

deludit aut irridet fratrem suum, sed omnibus aliorum virtutibus & rebus secundis lætatur.

*De invidis & æmulatoribus.*

**Sap. 2.** **QVI** autem laborat his vitiis, infœlix est, & socius Diaboli, cuius invidia mors in mundum introiit. Invidus & æmulus omnibus est inimicus & aduersarius. Neminem sibi in honore vult anteferri. Probos & laudatos viros insectatur. Recte incedentibus ponit offendicula. Bene honesteq; viuentes vituperat. Pios & religiosos contemnit. Ieiunantes appellat gloriæ cupidos. Diligentes in psalmis canendis, ambitiosos. Sedulos in ministerio, gulæ deditos. Alacres in bonis operibus, simulatores. Occupatos in studio sacrarum literarum, inertes & otiosos. Modestos in responsionibus, ignauos. Omnia denique peruerit, dicēs bonum malum, & malum bonum: tenebras lucem, & lucem tenebras. Rebus aliorum secundis ac prosperis affligitur. Quem negligentem videt, non corrigit, sed ad malum impellit. Quē orationis tempore dormientem aspicit, non excitat, sed torpentem fouet. Siquem necessaria quiete se recreantem cernit, calumniatur. Siquem in errorem collapsum audit, vbique prædicat. Væ homini inuido, quia perpetuo cordis cruciatu laniatur. Facies eius liuida nube palloris semper obducta est. Corpus viribus destitutum languescit. Omnibus se acerbum præbet. Omnibus est inuisus & inimicus. Omnibus insidias struit. Hodie huius, cras illius se partibus adiungit. Fingit se obsequi cuiuslibet voluntati, & omnes carpit, omnes deserit. Hunc apud illum, illum apud alium rodit, ac vellicat. Ex hoc pestifero inuidiæ & æmulationis veneno detractio, odium, cædes, & innumerable mala proficiuntur. Vos ergo qui ciues estis sanctorū & domestici Dei hæc deterrima vitia pro-

**Es. 5.**

DE HO. ABHOR. A MALE. 16  
cul a vobis expellite, ne ad numerum Diaboli satel-  
litum ascribamini.

*De homine abhorrente a maledictis & contumelia.*

BEATVS & foelix, qui maledictis & contume-  
liis non maculat linguam suam, nec lingua male-  
dica cor suum contaminat. sed cum omnes sciat ali-  
quo vicio laborare, a conuiciis abstinet, & neminem  
afficit ignominia, sed ab hoc petulantiae crimine q̃  
maxime abhorret. Qui aliis non maledicit, seipsum  
seruat inculpatum. Is nihil offendit, nusq̃ incurrit,  
in nullum incidit offendiçulum. Huius conscientia  
non inquinatur. Qui procacitatis & contumeliae spi-  
ritum vitat, is a malorum concursu tutus est, & Dæ-  
monum exercitum profligat ac superat. Qui linguā  
in aliorum ignominiam non exacuit, thesaurum pos-  
sidet, quo nequit spoliari. Qui maledictis alios non  
incessit, is fratricidio non obstringitur, & a nemine  
male audiet. Qui contumeliae spiritui nō succumbit,  
is plane nouit, se ex carne constare, & seipsum purū  
integrumq; conseruat. Qui recedit a familiaritate  
maledicorum, is cum Angelis versabitur. Cuius au-  
res & lingua contumeliae veneno non sunt imbutae,  
is cibo pascitur charitatis. Cuius labia maledictis nō  
sunt infecta, eius os fructum redolet spiritus sancti.  
Beatus igitur, vere, inquam, beatus est ille, qui a con-  
tumeliis & maledictis abstinet, quoniam in eo spiri-  
tus sanctus habitabit.

*De maledicis & contumeliosis.*

QVI pergit alios maledictis insectari, iis, quæ in  
alios confert, se obnoxium esse declarat. Nam qui in  
alterum contumeliosus est, seipsum condemnat. Car-  
ni enim addictus est, & mundi laqueis implicatus.

## DE TEMPE. ET CONTI.

Maledicus & odii & susurrationis morbo laborat. Et qui eiusmodi est, fratricida & crudelis, atque humanitatis expers iudicatur. At cui timor Dei semper ante oculos versatur, & qui mundo corde præditus est, alterius non gaudet ignominia, nec testā cuiusq̃ aperit turpitudinem, neque in proximi labentis casu ruina'ue conquiescit. Quamobrem miser ac deplorandus est ille, qui conuiciis & maledictis in alios conferendis assuescit. Itaque sanctus Apostolus inter eos, qui excludentur e Paradiso, maledicos etiam numerat.

1. Co. 6. neque maledici, inquires, neque rapaces regnum Dei possidebunt.

### *De temperantia & continentia.*

BEATVS & vere fœlix, qui temperantiæ virtute ornatus est. Præclara profecto & ampla virtus est temperantia. Quàm late autem pateat, & quibus in rebus sita sit, benigne, quæso, fratres, attendite. Temperatus & continens in lingua dicitur, qui nec pluribus verbis utitur, q̃ necesse est, nec inutilibus: Qui prudentiæ freno linguam moderatur: Qui a contumeliis, & execrationibus abstinet: Qui nec vaniloquio, nec calūnia, nec obtreptione delectatur: Qui mysteria cœlat, & silentio contegit arcana. Temperatus autem & continens in auditu is intelligitur, qui sic auribus imperat suis, ut eas nec verbis inanibus, nec turpibus, nec impiis patefaciat, nec maledicis, aut mendacibus, aut detractoribus accommodet. Oculis vero temperans appellatur, qui eos continet, nec finit passim impudentes vagari, aut omnia prospicere, quæ iucunda sunt, aut quæ nefas est intueri, quæ'ue possunt ad libidinē incitare. Iam animo temperatus vocatur, qui sic eum regit, ut iracundia non efferatur. In gloria cernitur hominis temperantia, cum nec honores, nec dignitates, nec laudes aucupatur, nec



tur, nec, si vltro deferantur, superbia extollitur & intumescit. In cogitationibus etiam temperantia consideratur, cum quis timore Dei frenat & cohibet blandas atque ardentes cogitationes, nec illis nisi bonæ honestæq; sint, assentitur. In cibis verò temperantia seruatur, cum nec delicatas aut sumptuosas epulas requirit: nec præfinitum vescendi tempus aut horā anteuerit: nec dapium pulchritudine aut varietate delectaris. In potu item est temperantia, cum sobrietatem colis, nec comotationibus gaudes, nec temere merum hauris, nec poculis variis & suauibus oblectaris: nec plus non solum vini, sed ne aquæ quidem sumis, quæ necessitas postulat. In cupiditatibus autem & voluptatibus temperantia maxime perspicitur, cum sensibus nostris imperamus, nec ipsis cupiditatibus indulgemus, nec, quæ iucunda suauiaq; sunt, cogitationibus venamur, nec odores conquirimus, vt ad libidinem incitemur, nec volûtati carnis obsequimur, sed eam simul cum vitiis Dei timore coercemus. Ille enim vere continens est & temperatus, qui bonorum cœlestium & immortalium cupidine incensus, ad eaq; rectis animi studiis & totis viribus contendens, caducam & breuem carnis voluptatem vt vmbra despiciat, & ab omnibus abhorret libidinibus, nec vlla corporis specie, aut fœminarum consuetudine delectatur. Nullis blanditiis capitur, assiduas mulierum etiam probarum familiaritates fugit. Vir vere temperans, & fortis, seq; ad immensam illam cœlestem quietem ac beatitudinem seruans, omnem libidinem & cupiditatem venturi seculi formidine propellit ac superat.

*De intemperantia.*

H O M O intemperans ab omni vitio facile superatur. Intemperatus est voluptatis studiosus. Intem-

## DE INTEMPERANTIA

peratus multiloquio gaudet, & sermonibus iucundis, inanibus, otiosisq; delectatur, suauitate capitur epularum. Ad vescendum & bibendum strenuus est. Stultitia incenditur voluptate. Impuris cogitationibus oblectatur. Libidine corrumpitur. Gloriæ studio torquetur. Ambitione insanit. Falsâ, quasi iam adeptus dignitatem: imagine luditur. Fœminarum consuetudine detinetur. Suauis corporum colore & pulchritudine irietitur. Præstigiis vititur. Mulierum obtutu & risu liquefcit. Eorum, quæ vigilans aut in somno vidit, recordatione lætatur. Vultus fœmineos pingit in mente sua, manuum contrectationes, complexus corporum, implicationes membrorum, dulcedinem sermonum, risus oblectamenta, nutus oculorum, ornamente vestium, cutis colores, blanditias adulationû, motionum ac gestuum illecebras, contractiones labiorum, totius corporis iucunditatem, loca & tempora congressionum, omnia denique, quæ ad cupiditates ac libidines explendas pertinent, intemperatus in animo suo tanq̃ pictura exprimit & effingit, in eaq; cogitatione fixus heret atq; immoratur. Quod si sacram aliquam tabulam modeste pictam, & ad pietatē & pudicitiam excitantem aspexerit, mœret. Si librû aliquem de virtute, de pudore, de continentia disputantem audiuerit, tristis est. Si grauem seniorum de rebus vtilibus & honestis colloquentium cœtum viderit, aliò se conuertit. Patrum seueritatem fugit. De ieiunio sermones auersatur. Fratrum consuetudinē congressumq; declinat. At si fœminas conspexerit, statim exhilaratur, frontem exporrigit, sursum deorsum cursitat ad ministrandum. Tunc in psallendo vocalis est. Tunc strenuus, & vrbane, atque argutus, vt fœminis illis se gratum iucundumq; præbeat. In quiete & silentio mœstus est & imbecillus. Quàm miser igitur infœlixq; sit, qui temperantia spoliatus, est facile apparet. Itaque, fratres charissi-

mi, cū temperantię fructus & pulchritudinem, in-  
 temperantię dānum ac dedecus perspexerimus, hanc  
 fugiamus, illam totis viribus complectamur. Magna  
 sunt temperantię pręmia, & amplitudinis eius non  
 est finis. O beatos ac felices homines illos, qui tempe-  
 rantię splendore decorantur. Beatissimos verò ac fe-  
 licissimos, qui virtutibus sunt omnibus ornatī. Qui  
 iustitię operibus excellunt. Qui nihil gerunt occul-  
 te, quod Deo displicet. Qui semper inseruiunt veri-  
 tati. Quorum actiones omnes rectę sunt. Qui nulli  
 consentiunt improbę cogitationi. Ego verò, qui vir-  
 tutes omnes laudibus effero, cū earum nullam co-  
 luerim, sed in omnibus vitiis annos meos transege-  
 rim, quid faciam miser? Nonne quadrabit in me il-  
 lud, quod scriptum est? Væ vobis, qui oneratis homi-  
 nes oneribus, quę portare non possunt, & ipsi vno di-  
 gito vestro non tangitis sarcinas. Quamobrem obse-  
 cro obtestorq; vos omnes, fratres, Christianissimi, &  
 Paradisi ciues, vt Deum pro me infelici peccatore de-  
 precemini. Hortor autem vos, vt Christo, qui mili-  
 tię suę vos ascripsit, placere studeatis. Nemo vestrū,  
 qui Dei gratia, iugum Christi subire voluistis, vt  
 ignauus ac negligens reiiciatur. Nolite obsequi car-  
 nis voluntati, ne sine defensione deprehendami-  
 ni ante horrendum tribunal ipsius, vbi pro suis quisque  
 virtutibus ornabitur, & eorum, quę gesserit, siue bo-  
 na, siue mala, mercedem accipiet. Me miserum, qui  
 nullam eo tempore fiduciam sum habiturus. Quid  
 faciam infelix in eo necessitatis, quę vitari non po-  
 test, articulo? Beati, qui cum fiducia tunc ante iudicē  
 fistentur, & de manu Domini pręmia percipient. Væ  
 illis, qui tunc minimis propē ac leuibus de causis con-  
 fundentur. Quam enim afferet excusationem, qui  
 vel inanis glorię, vel arrogantię, vel contumacię, vel  
 inobedientię, vel gulę, vel petulantię, vel loquacita-  
 tis, vel superbıę, vel inhumanitatis, vel iactantię, vel

Luc. 2.



## DE GRATIA DEI

inuidentiæ, vel contentionis, vel iracundiæ, vel contumeliæ, vel calumniæ, vel detractiōis, vel incontinentiæ condemnabitur? Quod nobis in præsentia lucrū aut voluptas ex his, quæ tam leuia caducaq; sunt, esse potest? At quæ supplicia, qui cruciatus tunc inde consequentur? Proinde, fratres charissimi, nequis nostrum eo tempore grauissimam & acerbissimā damnationis sententiam audiat, omni studio vigilandum est, vt non solum a magnis & grauibz vitis & criminibus temperemus, quod mihi quidem de vobis exploratum est, verum etiam ab iis, quæ parua videntur & leuia. Callidus enim hostis noster Diabolus per hæc, quæ homines vt minimi ac nullius momenti fere negligunt, eos in maxima & grauissima præcipites trahit. Omni igitur diligentia minimis etiā in rebus astutissimi aduersarii dolos & insidias caute, vt beati cum Christo gloria fruamini sempiterna. Amen.

### *De gratia Dei.*

**D**A operam, vt diuinam gratiam habeas in mente tua, ne irridearis. Obserua illam, vt custodem tuā, ne molestia affecta deserat te. Honora illam, vt magistrā tuam, ne si abs te discesserit, in tenebris ambules. Sine præsidio ipsius, prælium ineas, caue, ne turpi ter pereas. Virtutis iter sine illa duce & comite ne ingrediare, draco enim insidiabitur tibi. Sine consilio eius, ne tractes ea, quæ ad animā pertinent, sunt enim multa, quæ sub specie boni mētem distrahunt. Hæc si tibi nauiganti non affuerit, inanes erūt labores tui. Nisi ab hac aduersus inimicos vnctus fueris, cū ignominia victus lugebis. Hæc nisi tibi præstò fuerit, serpentis dolos ignorabis. Prompto igitur animo illi obtempera, & omnia tibi perspicue demonstrabit. Studiose audi præcepta eius, & celeriter ab omni sol

licitudine liberaberis. Adhibe illam tibi contubernalem, et familiaritatem eius honorificam experiere. Assume illam sororem tibi, ut inquit scriptura, & patris tui semitam ostendet tibi. Efficiet te filiū Altissimi, si tu in sororem illam acceperis. Tanq̃ mater vbera sua porriget tibi, & ab insidiis te velut infantem custodiet. Te paruulum incautum gubernabit, & virum perfectum reddet. Crede illius beneuolentie, est enim principium omnis creaturæ. Ignoras adhuc ipsius erga te amorem, quoniam & lactentes filiolī matris ignorant sollicitudinem. Illius te consilio trade, atque ita beneficia eius intelliges. Ignorant & pueri, quomodo nutriantur. At ubi paulatim crescendo euaserint viri, naturæ vim admirantur. Tu itidem si in Dei gratia perstiteris, peruenies ad perfectionem. Id ex Ioseph facile poteris intelligere, cū oues pasceret. Neque enim statim ad summum peruenit, sed multis exercitationis gradibus permittens ab ea se gubernari, cū quid fieret, ut puer, penitus ignoraret, tum demum, ad quantum dignitatis fastigium prouectus esset, animaduertit, cū illi tanq̃ Regi coronam imposuit. Tunc utilitatem ipsius intellexit, cū in regio est ab ea solio collocatus. Tunc ideò se fuisse captiuum cognouit, ut exploraretur. Quemadmodum mater filio artem tradit, sic illum gratia Dei per patientiam docuit pietatem. Sicut magister proprium instruit filium, sic illum gratia exercuit in seruitute. Sicut mater filium verberat, ut sapiens fiat, sic eum laboribus obiecit. Ille bonis eius consiliis paruit, & ab ea tanq̃ filius primogenitus honoratus est. Ostendet illi gratia cuius esset naturæ, & filium effectum, regem constituit. Simul cum ipsa regnauit, & iccirco ad finem vsque recte se gessit. Non deseruit eum in principatu, quia nec ipse ab ea discesserat, cū tentaretur. Honoris ac dignitatis eius studiosa fuit, quoniam & ipse in rebus aduersis eam di-

## DE GRATIA DEI

lexerat. Illius veluti matris cupidus atque amans fuit, & pulchritudinis eius hæres exitit. Ipsi tanquam magistræ pertulit reprehensionem, & ab ea, rerum, quæ oculis cerni non possunt, didicit sapientiam. Singularia, & quæ sua erant propria, nesciebat, & illi obtemperans percepit ea, quæ ad homines pertinet vniuersos. Quid faceret, ignorabat, & ad extremum Regibus, quæ facerent consuluit. Vbi nam esset, vix intelligebat, & quid omnibus esset hominibus euenturum prænuntiavit. Quandiu alieno sibi parendum esset imperio, nesciebat, & quàm acerba, & longa futura essent tempora, prædixit. Nam quod sine gratia nemo videt ea, quæ sub aspectum non cadunt, ex iis, quæ ab illo gesta sunt, planè intelligi potest. Sapientes appellabantur Aegyptii, sed cùm essent sine gratia, erant insipientes. Videbantur & rerum, quæ oculis cerni uequeunt, vt incantatores, tenere sciētiam, sed ipsorum scientia erat inscitie plena & tenebrarum.

- Eph. 6.** Dixit & Paulus esse spiritualia nequitie, vt intelligamus eos habere sciētiam inuisibilem, sed impropriam & incertam, quippe qui nihil planè norunt. Illud præterea patet ex Ioseph, quòd gratia diuina rebus omnibus inuisibilibus antecellit. Hanc nihil latet, ideò qui illam possidet, temptationibus non succubet. Ipsa verò latere non potest. Est enim lux, quæ a tenebris comprehendi non potest. Spiritualis homo, vt inquit, Paulus, de illis, qui Ioseph sunt similes, loquens, omnia iudicat, ipse autem a nemine iudicatur. Qui Dei iudicium nouit, mundi iudicia contemnit. Magistri stultorum erant Aegyptii, quos Ioseph ne bonos quidem esse discipulos demonstrauit. Si magistri sunt insipientes & imperiti, multo magis tales erunt ipsi discipuli. Qui nullam habent vim, verbis vtuntur bene sonantibus. Et meretrices ad decipiendos homines fucum adhibent. Ioseph iuuenis sine literis adiuuante gratia senes Aegyptios superauit. Apostoli
- I. Co. 2.**



quoque sine literis erant & idiote, sed tamen Phari-  
seos, qui multa loquebantur, vicerunt, dicentes: Si iu- Act. 4.  
stum est in conspectu Dei vos potius audire, q̄ Deū,  
iudicate. Non enim possumus, quę vidimus & audi-  
uimus non loqui. Eadem gratia in sanctis fuit. Io. 16.  
Spiritus sanctus docebit vos, inquit Christus, omnia quę  
ventura sunt. Et Apostolus habere nos, ait, spiritum  
Dei, per quem omnia scimus. Non habemus spiritū  
mundi, quo quidem spiritu Aegypti sapientes edocti  
nihil sciebant. Nec mirum, quod & mundi spiritum  
appellarit. Quandoquidem & homines & bestię ha-  
bere animam dicuntur. Nomen, nullum gratiæ Dei  
preiudicium facit. Neque enim ex nominibus actio-  
nes, sed ex actionibus nomina censentur. Ex iusto Io-  
seph intelligite, per tentationes oportere nos ad pul-  
chritudinis gratię cognitionem peruenire. Gratię fi-  
lii cupiunt esse permulti. Verum quid prodest volun-  
tas, nisi opera accedant? Multi per fidem gratię filii  
sunt appellati, qui tamen illam præ negligentia non  
assequuntur. Non omnes, cum viri euaserint, matres  
suas obseruant & colunt. Itidem gratia quanuis vbe-  
ra sua multis præbuerit, a paucis tamen vt mater ho-  
noratur. Pariendi dolores & labores educationis non  
omnes cōsiderant. Sic & in nobis pauci sunt, qui gra-  
tię beneficia perpendant. Si, quid agat gratia, scire cu-  
pitis, id vobis ipse Ioseph declarabit. Omnium & bo-  
norum & malorum vt mater curam gerit. Quamo-  
bre & Aegyptios sustentauit. Paucos habet heredes,  
quorum consuetudine delectatur. Hos, si ab officio re-  
cesserint, auersatur. Nec tamen claudit viscera sua, ne  
moriantur. Quod si aduersus ingratos talis est, cur  
eius amicitiam fugimus? Si aduersus contumaces be-  
nigna est, nonne totas bonitatis suę diuitias in ami-  
cos effundet? Si quando latet, inertię ac desidię ne suc-  
cumbamus. Cum permittit, nos tentari, animos ne  
despondeamus. Quid nobis expediat, non ignorat.

## DE GRATIA DEI

Naturam & mensuram cuiusque cognitam haber. Quantum cuique satis est, tribuit'. Benignitatem videtur aliquando suppressere, quia nobis ita conducit. Sinit nos conqueri, ut solent medici, cum ægrotantibus vinum aut cibum subtrahunt. Intelligite, quæ dico, ne perspicuis in rebus tempus consumam. Quæ sit gratia, quæ natura, quæ cognitio, quæ electio, quæ induratio, quæ communicatio, non ignoratis. Et Paulus affirmat esse gratiarum diuisiones, easque ad utilitatem tribui. Quando non accipimus, ne desistamus. Cum accipimus, similia ne requiramus. Varietas non debet efficere, ut quod nobis datur, gratiam non putemus. Tempora, & naturas hominum, & mores perpendamus. Nec copia diffluit Aegyptius, nec fame conficitur Chanaanæus. Nonne Iacob iustus est? Nonne genus Israel egressum erat ex Aegypto, ut terræ Chanaan susciperet hereditatem? Nonne fratres pastores? Mercatores Madianitæ? Ioseph coniector somniorum? Et hanc ex scriptura gratiam esse credimus, & fidem ipsam. Si omnia essent eiusdem generis & similia, res non providentia, sed natura disponi arbitramur. Abel affecutus est gratiam, qui per proprium sanguinem moriens adiunctus est Deo. Enoch translatus est, ne videret mortem. Noë in gratia seruatus a diluuiio. Magna in præsentis vitæ statu varietas est, quia diuersa etiam est electio. Ex gratia, probationis quoque discrimen intelligemus. Non eisdem omnes tentationibus subiecti sunt, quia nec eodem sunt omnes ingenio præditi. Vna quidem est omnibus corona proposita, sed variis ad eam certaminibus contendimus. Id quod ex nauigantibus possumus intelligere. Vnum est mare, sed nauigationum cursus est varius. Naues sunt similes. Attamen aliæ prosperis etiam ventorum flatibus utentes submerguntur: Aliæ summis periculis iactatæ conseruantur. Multæ ab vno eodemque vento varie commouentur. Scopuli enim, & promonto

ria, ventos fluctusq; mouent, & gubernatorum arte nunc adiuuant, nunc impediunt. Magni etiam refert, quæ nauis sit forma, quæ vela, quæ gubernacula. Huc, siquid deest, vosmet adiungite. Ego enim vt artifex imperitus parendi cupiditate adductus protuli, quæ sciebam, paulo fortasse arrogantius, quod tamen vos boni cōsuletis. Imbecillitatem meam veritus excusare, quæstionis partem aggressus sum, quam cum accuratius vellem exponere, succubui. Vos errores meos emendate. Quæ desunt orationi nostræ, quæ vitæ speculum esse debuerat, ea vos bonis operibus explete. Bonam suscipite voluntatem, & imperitiæ facile ignoscetis. Et quoniā ego vobis ex paupertate mea, quod potui, libenter exhibui, vos ex diuitiis vestris precationis & paternæ charitatis munus nobis impertite. Pauper ego diuitibus mutuum dedi. Non sortem, sed fœnus exigo. Non laudes, sed preces requiro. Nō mercedem, sed amorem exposco. Onus hoc mihi imposuistis, non quòd admonitione indigeretis, sed vt in me essetis liberales. Gutta non egent, qui fontem habent. Lacte non indigent, qui gregem pascunt. Qui mel conficiunt, iis nō est opus, vt quærāt, quis mellis sit sapor. Qui possident margaritam, iis obolum vt acquirant, non est laborandum. Vos ex agro, quem colitis, fructum nobis aliquem præbete. Animæ cibum largimini, qui vitæ lignum possidetis. Vt quæ videntur, caduca sunt, ita verba sunt nostra: sed ea vos operibus implentes reddite sempiterna.

*De lingue morbo & cæteris vitij.*

VARIÆ in omnibus hominibus sparsæ sunt cupiditates, vt aliquod vnusquisq; certamen habeat, in quo mentem assidue suam exerceat. Sunt qui gula delectentur, ab adulterio abhorreant. Quidam arrogantia tument, a furto sunt alieni. Alius avaritia deti-



## DE MORBO ET VITIIS.

netur, corporis spernit voluptates. Nonnulli luxuria diffuunt, elegantiam negligunt vestimentorū. Sunt alii vino dediti, a superbia remoti. Quidam a libidine procul absunt, sed conditam in animo simulationem gerunt. Delicias aliqui spernunt, sed obrectatione capiuntur. Est qui vitio aliquo superior existit, cū in alio misere volutetur. Hic ab vna est reprehensione remotissimus, in alia autem turpiter versatur. Qui laqueum vnum euadit, in alium se se penitus induit. Vitia quippe sunt innumerabilia. Porro paulatim homines decipiuntur, & ex paruis principiis in magna crimina præcipites ruunt. Cū in seruitutem redigere studet aliquem inimicus, considerat, in quod vitiū pronior inclinet natura ipsius, vt cū vinculis propriis oblectetur, perpetuo maneat in seruitute. Scit enim versutus & callidus aduersarius, si nos ingratissimis vinculis obstrinxerit, fore, vt illis celeriter cōfractis, in libertatem nos vindicemus. Quamobrem iucunda cuique iniicit vincula, vt in illis libentius conquiescat. Potest enim adiuuante diuina gratia mens ex inimici retribus se se explicare. Nunc autem obstricti vincula nostra diligimus, atque osculamur, & seruitute ipsa superbi sumus, & tanq̃ liberi gaudemus. Qui enim inuidiæ vitio contabescit, quoniam a libidine remotus est, se liberū putat. Et calūniator, quia rapinas odit, se bonum existimat. Sua plerique vincula ignorant, nec quomodo vincti teneantur, animaduertunt, ebriorum instar, qui vino oppressi nec vinciri se sentiunt, nec vincula ipsa perspiciunt. Neque tamen Dei benignitas finit, vt maiora nobis onera tationis imponantur, q̃ possimus sustinere, sed viriū, quas nobis tribuit, rationem habet. Itaque pro sua quisque virili niti debet. Quo tempore tabernaculū ad Hebræis constructum fuit, ab omnibus tam diuitibus q̃ pauperibus aliquid offerebatur. Pro suis quisque copiis afferebat, alius aurum, alius margaritas,

alius lapides pretiosos. Pauper pilos, aut pelles. Fœminæ locupletes sericum, inopes viduæ tincta vellera. Atque ita totus tabernaculi apparatus ex omnium muneribus constans omnes commendauit. Dominus enim vota singulorum tam pauperum quàm diuitum suscipiebat. Volebat enim ostendere se, quemadmodum accipiebat ea, quæ pro suis quisque facultatibus ad tabernaculi constructionem offerebat, sic etiam pro cuiusque actione preces & vota singulorum nulla personarum habita ratione suscipere. Vt enim inimicus noster variis nos occasionibus ad perniciem trahere conatur, sic diuersis Dominus occasionibus studet ad salutem perducere. Et quemadmodum latro vnico confessionis verbo Paradisi factus est ciuis, sic vno blasphemix verbo aliquis fit obnoxius gehennæ. In vno obrectationis verbo deprehensa Maria niuis instar facta est leprosa. Quod si Maria, quæ erat Prophetissa, tales linguæ maledicæ pœnas dedit, quomodo puniétur ii, qui tot blasphemis & maledictis incûbunt. Et quemadmodum Maria quauis id, quod erat, diceret, tamen quia obrectâdo loquebatur, damnata est, sic etiâ si vere cuiquam maledixeris, tamen veritas illa tua iniustitiæ condemnabitur. Si meritò reprehendis, ne clam maledicas. Aut libere & aperte fratrem argue, aut tace, nec illi in occulto detrahe. Inutilis enim euadit iustitia, cum illi dolus & improbitas admiscetur. Sanctitas improbatur, quæ cum immunditia coniuncta est. Inanis est illa castitas, quæ in deliciis versatur. Et fides ea negligitur, quæ præstigiis & diuinationibus vacat. Vana est illa confessio, in qua cernitur simulatio. Despicitur liberalitas cuius est superbia comes. Inutile ieiunium redditur, si detractiōnem adiunctam habeat. Inanis redditur & dilectio, quæ zelo confusa est & rerum naturalium affectione. Deformis efficitur veritatis pulchritudo, quando super improbitate versatur. Interficat cibis, in quo la-

Nu. 12.

## DE MORBO ET VITIIS.

titat aconitum. Caro, quę munda est, communis immundaq; ducitur, propterea quod sacrificiis & immolationibus inquinatur. Ex iis, quę manifesta sunt, occulta debent intelligi. Aperte lepra Marię corpus occupauit, quia clam tota illius anima peccato erat infecta. Ex perspicuo eius supplicio, crimen patuit, quod latebat. Per foetidam ipsius lepram didicimus, quę graue vitium ac detestabile sit obrectatio. Corpus lepra infectum veluti speculum animę, quę non perspicitur, maculam indicauit. Ex carnis corruptione patefactum est, quomodo detractoris animus corrumpatur. Ex homine exteriori interiorem suum hominem intellexit. Quemadmodum enim ipsa defecerat a fratre suo, ita corpus eius ab ea defecit, vt ex semetipsa disceret charitatem. Discamus & nos, quę grata Deo sit concordia & mutua beneuolētia. Sicut enim Maria doluit ob corporis mutationem, sic indignatus erat Deus, quod ipsa a fratre proprio esset ab alienata. Ideo corpus hominis ob diuersa vitia variis morbis afficitur & immutatur. Membra enim corporis nobis fiunt inimica, quia nos a Deo & proximis nostris alienamur. Mutuam igitur inter nos concordiam & pacem complectamur. Totis castris vulgatum est, Mariam repente lepra correptam esse, quod linguam in fratrem mitissimum, qui pro ipsa Dominum deprecabatur, exacuisset. Iustus igitur iudex de Prophetissa propter eius obrectationem meritas poenas sumpsit. Detestatur enim linguę petulantiam, qua insipientes homines delectantur. Plurima Moses ipse signa & miracula ediderat, & tamen modico linguę lapsu excidit ē terra promissionis. Ingens & horrendū mare iter illi prohibere non potuit. At verbum vnū inique prolatum ei tanquā murus obstitit, ne progrediretur. Si Mosē, qui quasi Deus extitit Pharaoni, vnica vox exclusit a terrę promissę possessione, quanto magis petulantia linguę, quam in Deum atque homi-



nes exacuimus, a Paradiso nos arcebit? Ignis sanctos **Leu. 10.**  
 deuorauit sacerdotes, qui cum factis essent iusti, ver-  
 bis erant coinquinati. Si tales ac tanti viri talia per-  
 pessi sunt, quæ nos manent supplicia, nisi ab hoc lin-  
 guæ vitio temperauerimus? Fratres igitur nostros  
 contumeliis afficere desinamus. Impiis & impuris  
 omiſſis, maledicos terra deuorauit. Aegyptios mare  
 deglutiuit. Dux exercitus verbum protulit, & meri-  
 tas pœnas luit, cum populi pedibus in porta concul- **4. Reg. 7**  
 careretur. Quod si, vt Dñs ait, de omni verbo otioso **Matth.**  
 reddenda est ratio, quid fiet de contumelioso? Varios **12.**  
 igitur occasionum laqueos miseris mortalibus tendit  
 inimicus. Alius vt ere alieno obrutus detinetur. Alius  
 vt spõsor pro altero trahitur. Videmus quotidie alio-  
 rum nomine alios interire. Et qui nihil debent, non  
 minus, q̃ debitores decoquere. Quo quidem exẽplo  
 iustorum & iniustorum crimina pateſcunt. Iustus in  
 rebus propriis inſons est, in alienis autem obnoxius  
 inuenitur. Siquis enim eo præſente veritatem oppu-  
 gnet atque irrideat, aut bonum aliquem maledictis  
 infectetur, ipse autem taceat, nonne taciturnitas illi  
 vertetur in crimen? Silentio enim suo maledicta com-  
 probat tanq̃ vera. Id magnorum ex principum licet  
 intelligi potestate. Siquis enim in Regẽ, iure an iniu-  
 ria nihil refert, inuehatur, qui adſunt, ea, quæ in Regẽ  
 dicuntur, renuunt audire. Quod si quis intẽreſſe per-  
 git & audire, idem in vtũque supplicium consti-  
 tuitur. Interit vnus propter linguam, alter propter  
 auditum. Narrat aliquid calumniator, tu verò illi te  
 præbes auditorem. Et quam ille ore suo molitur cẽdẽ,  
 tu eam excipis aurium ſinu. Et acerbum mẽdacii fer-  
 mentum in animo tuo commiſces. Vnde mors prin-  
 cipium reperit? Non ne per aures Euæ, dum illam ſer-  
 pens alloqueretur, ſibi aditum patefecit? Poſteſt enim  
 hoſtis noſter loquentis oratione tacentes occidere.  
 Et quos proprio ipſorum ore nunq̃ læderet, eos per

## DE MORBO ET VITIIS

- aures interimmit . Et quos actione insontes videt , eos occidit cogitatione . Demones clamoribus confitentes veritatem Dominus iussit obmutescere . Neque enim ipse , qui erat veritas , opera ipsorum sibi fidem haberi voluit , sed quæ vera sunt , per veros nuntios promulgari . Cur Dæmonem , a quo collaudabantur ,
- Luc. 4.** Audire Apostoli recusarunt ? ne aures mundæ impuris eorum vocibus contaminarentur . Si Diaboli laudes vt maxima probra vitauerunt homines sancti , quantopere calumniæ & maledicta vitanda sunt ? Veritatis specie decipere audientes versipellis Diabolus
- Act. 16.** consuevit . Idcirco Dominus ne vera quidē a Dæmonibus audire voluit . Eadem pluuia irrigantur herbe , tam bonæ , q̃ malæ . Forsitan & pluuia , quæ natura bona est , in herbarum malitia agit . Et serpens , licet dulcissima comedat , ea protinus vertit in amaritudinē , quam si cuiusā asperferit , vix illi . Sic ex veritate mendacium confingitur vti cicuta mortiferum . Sub eius sermonibus suauissimis exitiosa latet amaritudo . Ad simplices decipiendos lingue dulcedinem adhibet serpens antiquus . Huiusce rei sit exemplum Iudas Iscariotes , qui sub oris osculo , & lingua pacem assimulante dolum cœlans , in Dominum , qui cordis intima penetrat , struxit prodicionem . Quod si in ipsum creatorem talis deprehensus est mendax , qualis in te erit ? Quis mendace sceleratior , nisi is , qui verbis eius aures accommodat ? Morti vltro se obtulit Seruator , & orationi mendaci noluit aurem præbere . Os suū aperuit & acetum cum felle suscepit , qui scelesti verbum aure suscipere recusauit . Os proditori exhibuit osculandum , & mendaci noluit respondere . Præbe tu quoque os tuum maledicis osculandum , aures autem minime . Nam si os illis tuum præbueris , osculum eos condemnabit . Sin aurem illis accommodaueris , te verborum gustus occidet . Satius autem erit , si venenū & odorem & gustum euitaris . Cur fumum celeriter

fugis, mendacem autem libenter audis? Abhorres a  
 foetore, & iuxta maledicum sedes? Singula corporis  
 membra a rebus, quæ nocere possunt, seruanda sunt.  
 Si corpus a libidine remotum est, a detractiōe lin-  
 guam custodi. Qui enim libidini nequit indulgere,  
 mentiri potest & calumniari. Si tuis ē membris vnū  
 valeat, aliud ægrotet, totum corpus dicitur ægrotare.  
 A militibus exemplum sume. Nonne totum militis  
 corpus munitur ferro? At si per tenuem aliquam ri-  
 mulam iaculum ingreditur, strenuo militi mortem  
 affert. Quanto magis per apertas aurium fores mors  
 ingredi poterit? Ingens est enim auris fenestra. per  
 eam quippe mors in mundum ingressa cunctas gen-  
 tes & nationes deuorauit, & adhuc insatiabilis ma-  
 net. Claustris igitur ac vestibis obstruendæ sunt au-  
 rium fores, ne calumnia & obrectatio. valeat introi-  
 re. Magna vis est huius vitii, nec ideo contempnenda,  
 tanquā interficere nequeat. Ex volucrum aucupio di-  
 sce, quæ parua videntur, haudquaquē esse spernenda.  
 Contingit enim, vt auis in laqueum incidēs paruula  
 capiatur vnguicula, nec illi quicquid prosint alarum vi-  
 res. Summa vnguicula, quæ nullius momēti videtur,  
 capulo est comprehēsa, totum autem corpus reliquū  
 extra laqueum est, & tamen totum detinetur. Et Di-  
 uus Apostolus vnā & eandem in fures, adulteros,  
 & maledicos sententiam tulit. Nemo inquiring, isto-  
 rum regnum Dei possidebit, sed pariter iusto Dei iu-  
 dicio omnes cœlesti hæréditate priuabuntur. Iam vt  
 par omnibus supplicium deberi scias, qua de causā  
 Chanaam in execrationem æternā incurrit? Nōne  
 quia iustum irrisit? Neque vllō alio grauiore facino-  
 re damnatus est, sed ob leuem irrisiōem in horrendā  
 illam sententiam incidit. Et propter linguæ petulan-  
 tiam tam acerbas pœnas dedit. Non aliud scelus, sed  
 os ipsius, hominem miserum perdidit. Si propter ri-  
 sum exiguum in tantam ille decidit calamitatē, quis

1. Co. 6.

Gen. 9.



## DE MORBO ET VITIIS

non contremiscat, & irrisiones ac ludibria fugiat, ex quibus tales execrationes proficiſcuntur? Iustus enim ille a benedictionibus excludens Chanaam, & maledictionibus tradens, iudicium deſcripſit, quod ſubitu ri ſunt illi, qui ludibriis vacant, & irriſionibus delectantur. Si calūniator ſub amici perſona fingit ſe hilaritatem amplecti ac riſu gaudere, & Chanaam, dum hilaris eſt, ac riſu ſe ſe oblectat, maledictionem inuenit. Sapientiſſimum audi Salomonem, quid in irriſione & calumnia latitet enarrantem. Qui calumniatur egentem, exprobrat factori eius. Hominiſ enim deriſio tendit in creatorem. Tu quod in riſu cernitur, ſimpliciter animaduertis. Quid autem in illo fraudis ac doli ſit conditum, ignoras. Iuſtus ille Noe dolū agnoscit, eumq; minimē aperiens ignorātī Chanaam excluſit a benedictione, vt cognita riſus perniciē, fratrē

2. Reg. deſinas irridere. Semei in virum innocentē maledicta cōiecit. Et Apoſtolus terribilem in maledicos ſententiam tulit. Nos, quid lucri maledici faciant, videamus. Non in adulterio, aut furto deprehenſus eſt Semei, ſed maledictis uſus eſt, ex quibus calumnia conſuitur, qua facta infectaq; pronuntiantur. Animus enim dolore ſtimulatus parit contumeliā. Sic animo affectus Semei, conuiciis Regem innoxium oneravit, eum accuſans vt Saulis interfectorem, qui ſæpius a morte Saulem eripuerat. Et quoniam falſo crimine Regem incuſabat, meritō a iuſto damnatus eſt iudice. Cū enim terminos ſibi a Salomone præſcriptos tranſiliſſet calumniator, pœnas luit, & qui linguam iuſtum in homine exacuerat, acutum in ſe gladium expertus eſt, atque ita tum in hoc ſeculo, tum etiam in futuro ſupplicium pertulit. Quis igitur a petulantia nō abſtineat, ne duplici ſupplicio afficiatur?
1. Co. 6 Eodem iudicio Paulus molles, adulteros, fures, & maledicos condemnauit. Eſau propter intemperantiā vendidit primogenita. Habes & tu primogenita tua.

Vide,

Vide, ne illa perdas. Magnum enim quiddam est homo. Qui superat omne pretium, re minima & vili se ipsum prodat. Etenim si veritatem abieceris, stultus fies & similis Esau, Audi rem admirandam, quomodo verba factis præstiterint, & fides naturam superauerit. Primogenituræ munus, quod videtur eripi nō posse, oratio se se insinuans ademit. Quod Esau naturaliter possidebat, id Iacob fidei studio est assecutus. Fides & iusiurandum mutuo cōsensu generationis vim declarauerunt. Et primogenita, quæ per carnem tribuuntur, per Spiritū accepta sunt. Quæ iusiurandum exiit, ea fides suscepit. O rem admirabilem, quæ inter primogenituræ venditorem & emptorem est consecuta. Ille damnum neglexit, hic autem innocens permanfit. At quomodo Esau primogenita exiit, quæ deponi non possunt? aut quomodo induit illa Iacob, quæ adiungi nequeunt? Quod si mercatura, quam isti pueri exercuerunt, adeo naturam superat, vt nequeat explicari, quis audeat aggredi quæstionem illam, qua infabibilis Vnigeniti generatio continetur? Dic mihi rursum, cur Iacob a Manassæ in Ephraim trāstulerit primogenita? Nonne vt illi gloria & decus accresceret. Primogenitura muneribus eximiis & innumerabilibus cumulata est. In hac baptisma descriptum est. In hac fides est ob signata. Hæc fortitudinem significat. Hæc gloriosæ virginittis figuram gerit. Hanc pretio Iacob mercatus fuerat, & eā gratis tribuit Ephraim. Qua quidem in re nec Manassæ culpandus est, nec largientis auctoritas vituperanda. Quis igitur gentiū primogenituram reprehēdat? Quod si Iudæi audeāt id facere, reprehēdant prius, quod Manassæ adempta fuerit. Qui enim abstulit illam ab eo, non peccauit. Quod si iure accusari non potest Iacob, quamuis a Manassæ, qui erat innocens, primogenituram transtulerit, quomodo quisq̃ ausit illum reprehendere, qui vt iustus iudex, primogenituram a Iudæis abstulit,

## DE MORBO ET VITIIS

qui Dominum interfecerant? Si iurifurandi vis tanta fuit, vt ab Esau auferret primogenita: cum enim iureiurando se se obstrinxisset, noluit se se periurio contaminare: quibus afficientur suppliciiis, qui frangunt fidem, & periurio violant iusiurandum? Esau ab iis, quæ cum detrimento suo pepigerat, recedere noluit, & tu fœdera, quæ pro salute tua pepigisti, audes violare? Herodes quod in perniciem suam promiserat, obseruauit, & tu quod æternæ vitæ gratia promisti, nõ obseruabis? Cædis instar est contumelia. Et lingua non minus nocet, q̃ gladius. Cogitatio & sermo impudicus inquinat, vt adulterium. Occulta simulatio tanq̃ laqueus tendit insidias. Prauum consilium veneno perniciosius est accipientibus. Improbæ deliberatio perinde atque opus malum damnatur. Iracundia, vt gladius ferit. Inuidia telo grauius vulnerat. Exitii foueam calumnia struit. Malas cogitationes fugiamus. Cogitata non aliter ac facta censentur. Bonis igitur cogitationibus incumbamus, quibus operum merces proposita est apud eum, qui consilia cordium explorat. Operis instar consilium est, in eo enim arbitrii nostri ratio nititur. Suum quæque res contrariũ habet. Lux tenebris contraria est, amaritudini dulcedo, vigilia somno. Qui fecit hæc omnia, nihil reliquit, cui non adiunxerit aduersarium. Si mortalis homo arte sua contraria inter se componit, & aduersus laborem quietem admouet, remediaq̃, & medicamenta terra mariq̃; conquirat, ac suam cuique morbo, vt res tempusq̃; postulat, prudenter adhibet curationẽ, quanto magis immortalis ille rerum omniũ procreator ordine suo cuncta disposuit, atque ita moderatus est, vt in promptu sint, quibus se quisque ab inimicis defendat? Habes igitur arma, o homo, quibus aduersus omnes hostes & aduersarios tuos vtaris. Hæc tibi ad salutem data si spreueris, victus, in iudicii die, quomodo te excuses, non habebis. Adsunt nobis contra



illius machinas varia armorum genera. In nos ille si  
 tela ignita contorserit, habemus & nos orationis cly  
 peum inexpugnabilem. Si libidinis bellum intulerit,  
 sociam in pugna animi dilectionem assumemus. Si  
 nos iniquitate captiuos ducere conabitur, ad iustitiā  
 confugientes salutis nostrae consulamus. Si te per ma  
 litiā vulnerare studuerit, ad fraternam accurrito  
 charitatem. Si te per arrogantiam oppugnet, humi  
 litatem opponito. Si aduersus te corporis cupiditate  
 incitarit, temperantiæ thoracem induito. Si te lasci  
 uiæ sagittis petiuerit, sume galeam castitatis. Si nos  
 diuitiarum cupidine stimulauerit, paupertatis habemus  
 beatitudinem. Si gulæ vitio nos adoriatur, ieiunii  
 alas assumemus. Et quoniam inuidia euerfionis  
 est causa, præsto aderit charitas, si volumus, quæ cor  
 rigere possit & ædificare. Vt enim illi sua sunt arma  
 ad oppugnandum, sic nostra nobis adsunt ad defenden  
 dum. Si nos Pharaon persequatur, adest mare, quod eū  
 submerget. Si vt Sisara elatus intumuerit, per eccle  
 siam è medio tolletur. Si vt Senacherib bello nos pre  
 met, sacco & cinere superabitur. Si tyrannum Babylo  
 nicum fuerit imitatus, sanctus non deerit Daniel. Si  
 luxuriæ flammam accenderit, aderunt qui castum Io  
 seph imitentur. Nullus eius conatus a nobis non dis  
 soluetur. Nulli sunt morbi, nulla vulnera, quibus sua  
 non adsint remedia & medicamenta. Quam ille rubi  
 ginem obducet, cui discutiendæ non sit fornax præpa  
 rata? Ecquod ille damnum intendet, cui repellendo  
 non adsit auxilium? Quas parabit insidias, quæ no  
 bis non sint manifestæ? Quam machinam molietur,  
 cui euerendæ non sint idonei vel idiotæ? Quas affe  
 ret vires, vt eas nequeant vel fœminæ superare? For  
 naces instruxit, at pueri illas extinxerunt. Lacum ef  
 fodit, at eum Daniel contempsit. Epulas parauit, at  
 eas neglexit Ananias. Superbiam seuit, at illam Mo  
 sis humilitas cōculcauit. Auro Naaman adulatus est,

## DEFLET PECCATA SUA,

at illud spreuit Elisæus. Simon pecuniam obtulit, sed meritam in illum Petrus sententiam pronuntiavit in Christo Iesu Domino nostro, cui gloria & imperiū in secula seculorum. Amen.

*Deflet peccata sua, & Dei misericordiam implorat.*

EDESSE NORYM ex vrbe, quodam die diluculo duobus cum fratribus egressus sum. Et sublatis in cælum oculis, stellarum splendorem ac pulchritudinem, & cælum ipsum sideribus ornatum, quod veluti speculum nitidissimum super terram cum gloria fulgebat, tacitus contemplabar. Mox cum admiratione, si hæc, inquam, tanto cum decore splendent, quanto magis homines iusti & sancti, qui Dei obtemperant voluntati, in illa hora, cum Dominus ad iudicandum venerit, incredibili luce fulgebunt in gloria Saluatoris? Repente vero cum mihi terribilis illius aduentus in mentem venisset, animo & corpore totus exhorruī, & contremuerunt omnia ossa mea, atque ita fractus ac perturbatus magno cum dolore cordis, vim lacrymarum effudi, & cum gemitu, quomodo, inquam, ego peccator in illa hora formidanda consistam? Quomodo ad horribile incorrupti iudicis tribunal astabo? Quomodo miser hædus cum ouibus ad Christi dexteram collocabor? Ego ne arbor infructuosa sisti poterō cum iustis illis, qui in hac vita iustitiæ fructus tulerunt? Cum sese in aula cæli vicissim agnoscent iusti, & ingenti cum gloria muruo cōplectentur, quid faciam infelix? Quis me cognoscet? In cæli regia iusti gaudebunt. Aeterno in igne impii cruciabuntur. Cum sui martyres ostendent tormenta, virtutes suas confessores, quid ego ostendam, nisi pigritiam & negligentiam meam? O anima superba. O peccatrix anima. O anima stupida. O anima, quæ vitam tuam odio semper es persecuta, quandiu humi te affligent

vanæ cupiditates? Quandiu malæ te oppriment cogitationes? Quandiu improba consuetudo dominabitur tibi? Nonne intelligis prauis cogitationibus fieri, vt ignorantix tenebris & cæca quadam caligine circumfusa viam reperire non queas, qua te conuertas ad Dominum Deum tuum? An ea te spes fortasse sustentat, quòd cœlestem sponsum haud ita celeriter credis esse venturum? Noli errare in otio noli propterea marcescere. Appropinquat sponsus, iam iamq; aderit. Vt fulgur horribile, è cœlo subito improuisus adueniet. Quamobrem vigila, ne te in illa hora formidanda imparatum offendat. alioquin in luctu versaberis sempiterno. Aliena peccata ne respice, sed tua luge. Cur in fratris oculo festucam cernis, ac non potius trabem eiicis è tuo? Cùm ex oculo tuo trabem exemeris, tunc ex fratris etiam oculo festucam eripito. Quòd si tibi mederi non potes, desle cæcitatem tuam. Quomodo potes aliis, cùm cæca sis, lumen afferre? Prius egritudinem tuam cura, postea me dicam alienis morbis manum adhibe. Negligentiæ tuæ nullam excusationem inuenies. Iudicium enim tibi, & prudentiam, & spiritalem cognitionem, & alia dona largitus est Deus. Ea, quæ tibi profunt, amplectere. Tum fratres illi duo, qui mecum erant, cùm me sic affectum conspicerent. Lacrymantes & ipsi his verbis interpellarunt: Cur tã acerbe luges, o pater? Quibus ego respondens, propter desideriam meam, inquã, o filii charissimi, lugeo. Cũ enim benignissimus Deus mihi cognitionis lumen accenderit, ego quotidie conor illud extinguere. Nam si ea, quæ Dominus vult, opere implessim, beatus profectò forem in illa hora. Neque ego solum, sed omnes qui re ipsa perficiunt, quæ Deo placent. Nunc autem omnes ferè, charissimi fratres, sponte peccamus. Itaque nullam illic defensionem sumus habituri. Dei prouidentiam & liberalitatem erga nos consideremus, & q̃ multa nobis quoti-



## DEFLET PECCATA SUA,

die pro bonitate sua largiatur. Gratia illius corda nostra semper inuisit. Quod si locum inuenerit, ingreditur, & in anima nostra cōquiescit. At si cor immundum offendat, statim aufugit. Sed rursus misericordia cogit eam introire, & nos peccatores inuisere. Si quidem omnes sumus non vi, sed voluntate mutabiles. Spōte superbi sumus, & arrogantes, inuidi & improbi. Afsidue mala vicissim cogitamus. Prais, & lasciuis, atque impudicis cogitationibus oblectamur, & in fœdo vitiorum luto iacemus. Ex quo fit, vt cū gratia nos inuisit, turpium cogitationum in cordibus nostris fœtorē inueniens, auerferur, & ilico discedat. Quandoquidem locum, vbi quiescat, non habet. At tamen luminis sui dulcedine cor nostrum stimulat, vt resipiscat, sibiq; aduenienti aditum patefaciat. Neque enim gratia potest nos penitus derelinquere. Cogitur a propria ipsius benignitate, vt nostri misereatur. Vides prouidentiam Dei? Vides misericordię viscera? Quanto salutis nostrę desiderio teneat? Quātopere nos esse saluos atque integros cupiat? O beatū illum, qui puram cordis sedem diuinę gratię parare studet, vt in eo suauiem virtutum odorem, atque animę sanctitatem inueniens seculis omnibus acquiescat. Quid nos Dei benignitati pro omnibus eius muneribus rependemus? Quam illi gratiam referemus, quod e cœlo descendit e sinu patris? Quod pro nobis in virginis vtero carnem assumpsit? Quod pro salute nostra tot pertulit cruciatus? Si mille annos in terra viueremus ne pro vno quidem colapho, nedum pro morte, quā pro nobis fœdissima fuit affectus, illi vnq; vllō modo posset a nobis satisfieri. Hoc ego, fili mei charissimi, pertimesco, planē enim noui negligentiam meam, ne omnes, qui me nunc beatum existimant, qui fictam religionem meam collaudāt, illic me derideant, cū in igni me excruciatum videbunt. Ignosce, ignosce clementissime fili vnigenite, mihi

inutili seruo tuo, ne cum tremore & ignominia magna coram te iudice deprehendar, & ludibrio sim omnibus spectantibus & Angelis & hominibus. In hac vita, Seruator meus, vt humanissimus pater & filiorum amantissimus, erudi me, castiga me. Illic autem vt omnium Deus & solus sine peccato me suscipe. Nisi miserum peccatorem hic feceris resipiscere, & poenitere, nisi lumine tuo cor illustraueris, vt flagitia & peccata sua lacrymis abluat, quomodo poterit ante tribunal tuum sine defensione consistere? Fuit iam, cum ego non essem. Pro infinita misericordia tua placuit tibi, Domine, formare me in vtero matris meae peccatricis. In lucem editus indignus ego, pro tua summa bonitate factus sum dignus, vt essem vas gratiae tuae, & tanquam cithara, quae salutis verba cunctis audientibus concineret. Haec ego ignauus & flagitiosus munera accepi, & gratiae tuae me per inertiam ingratum praebui, Tu, Domine, exore inutilis serui tui piua suauitatis cantum exprome. Tu mentis meae tenebras discute, vt gratiae tuae lucem aspiciam. Ad te supplex confugio, o fili vnigenite, o vnica animarum salus. Fac, vt, quemadmodum hic gratia tua mihi fuit omnibus horis lux, custodia, perfugium, propugnaculum, consolatio: sic in horrendo illo iudicii die sub alas clementiae tuae susceptum protegar, vt ad dexteram tuam collocatus, & in regnum tuum per misericordiam admissus, immensam bonitatem tuam semper collaudem & celebrem, creator omnipotens, & seruator benignissime, qui serui tui inutilis lacrimas non despexisti.

*De poenitentia & confessione.*

DISCAMVS, o peccatores, quo misericordia se habeat. Disce o auare, quo pacto misericordiam obtineas. Antequam improbus veniat inimicus, qui animas nostras corripiat, mutuam inter nos misericordiam, quae

## DE POENITENTIA

bonis operibus, & omni humanitate, ac beneuolentiâ plena sit, exerceamus. Operæpretium est, ut quæ mihi a Spiritu sancto nuntiata sunt, omnibus significet. Si stultus ego sum, & eorum, quæ didici, nihil obseruauit, alius ea a nobis accipiens obseruabit. Ne maneat igitur apud nos vitæ semen mortuum & infructuosum. Neque Regis talentum abscondamus. Si a recta via deflexero, noli me ducem sequi. Si labentem me videris, eandem in foueam ne incidas, caue. Deum & scripturas sacras contemplare. In his enim animæ cibum inuenies. Quæ tibi præcipiunt, re perface. Et a diuinis mandatis ne recede. Ego discere cupio, docendi munere haud libenter fungor. Iniquitatibus scateo. Me ipsum exploro. Obligo vulnera mea. Zizaniâ, quæ sunt in me, conor euellere. Bona spe utcumque sustentor. Ne te debilitet discendi labor. Ego quoque magister tuus affligor. Cur, o fili inani dolore cruciaris? Cur frustra conquereris? Improbis ille semper exuit mentem tuam, ut hæreditatis partem eripiat. Satanas enim per dolum multos tristitia conatur afficere, ut eos per desperationem in gehennam detrudat. Thesaurus spoliatus es tuo? Via tamen adhuc patet præclaræ mercaturæ: nec deest temporis spatiû, quo thesaurum tuum recuperes. Vide tu modo desperationi ne succumbas, & illum diligenter collige. Vulneratus es? animo ne concidas. Ad mortem usque fortiter pugna: vulnus ipsum me reformida. In eo curando ostende virtutem tuam, ut præclara gloriæ corona texatur tibi. Si te latro spoliauerit, ne deferas cursum institutum. In prælio contingit, ut & feriamus & vulneremur. Si pruina læserit agrum tuum, tu tamen illum sedulus cole, & diligenter sere. Iam nubes adueniunt, & pluuiam è cælo demittunt. Iter tuum fur tibi non intercludet, ne verearis. Onus sustulisti? Per viam regiam incede. Ex prælio, in quo vulnus accepisti, stude victoriam reportare. In loco ubi thesauro ante spem



liatus es, potes eundem recuperare. Vbi fudit Acab <sup>3. Reg.</sup>  
sanguinem Naboth, ibi linxerunt canes sanguinem <sup>21.</sup>  
impiæ Iezabel. Acab, vt scriptum est, eiëcit Naboth è <sup>4. Re. 9.</sup>  
propria vinea. Et te peccatum vult è Christi manda-  
tis dimouere. Acab Satane typum gerit: & Iezabel fi-  
guram iniquitatis. Vterque sitit sanguinem tuum: si-  
cut iniquus Acab sanguinem Naboth expetebat.  
Quemadmodum dolo iustum hominem interfecit,  
sic iusto Dei iudicio perit. Virum probum perdere  
festinauit, vt ultor illius statim cerneretur Deus. Pu-  
gna nostra nunc oculis non perspicitur. Neque enim, <sup>Eph. 6:</sup>  
vt inquit Apostolus, est nobis colluctatio aduersus  
carnem & sanguinem, sed aduersus principes & po-  
testates, aduersus mundi rectores tenebrarum harum.  
Clam Satanas homines oppugnat. At Christus aper-  
te dissipat eius insidias, nosq; docet, quomodo illi re-  
sistamus. Certamen tuum, o frater, non est leue nec  
risu dignum. Omnis Angelos, & Angelorum Domi-  
num in lucta, quæ tibi cum Diabolo est, habes specta-  
tores. Vincente te, & aduersarium prostermentem plau-  
dunt Angeli, & Deum plaudentes collaudant, qui ti-  
bi tribuerit improbum hostem vincendi facultatem.  
Bellum augetur, vt & ipse proberis; & magis laudetur  
Deus, & homines exemplum habeant, quod imiten-  
tur. Quamobrem, vt ante diximus, si vulnus aliquod  
ab improbo accipis inimico, ne despondeas animum,  
neve desperes. Si vinceris, ne laceas vt victus, sed pro-  
tinus surgens in aduersarium tende. Præsto enim adest  
adiutor Deus, vt manum porrigat, & subleuet labo-  
rantem. Simulac enim manum tuam extenderis, offe-  
ret dexteram suam, vt exciteris. Omne studium & cu-  
ram adhibet scelestus aduersarius, vt te cum cecide-  
ris, ad desperationem impellat. Tu illi, frater charissi-  
me, nevtiq; crede, sed si septies in die cecideris, septies  
consurge, tibi que Deum per poenitentiam propitium  
redde. Quis numinum explorans ignoto crumenam

## SEIPSVM REPREHENDIT;

tradit? Quis mercator relictis nundinis in mare collectas reliquias abiicit? Caue, ne abiectis armis, quæ tibi Christus dedit, hosti cum ignominia principis tui terga vertas. Exemplum tibi perspicuum propono. Vani huiusce mundi pugiles, licet ab aduersariis grauissimè verberentur, non concidunt animis, nec fugam arripientes, certamen deserunt. Sæpe enim fit, vt qui vinci videbatur, tandem è certamine victor discedat. Diem ex die ne differas, frater charissime, sed quæ celerimè ad Dominum te conuerte, antequam seuerissimi Iudicis sententia pronuntietur, quæ te vocet ad reddendam rationem talentorum, quæ tibi ille dedit, ne laudis loco damneris, & victis manibus, ac pedibus in tenebras exteriores extrudaris. Dum tempus patitur, ad iudicis pedes supplex accede, vt placatus ignoscat, & debita remittat tibi. Nos autem tecum pariter Deum collaudantes gaudeamus.

*Seipsum reprehendit, & peccata sua confitetur.*

**Q**U I multis in rebus, fratres charissimi, vobis prodesse videor, animæ quoque meæ prodesse debeo, Absurdum enim sit, eum fame cōfici, qui cibum aliis distribuit. Et turpe si ego, qui potum aliis suggero, siti ipse peream. Id autem fiet, nisi meam ipsius conscientiam coarguero. Quod si fecero, vtile mihi in iudicio venturo futurum spero. Cum enim in populo versarer, inimicus expugnauit me in iuuentute, quæ mihi propè persuaferat, ea, quæ sunt in hac vita, temere casuq; fieri. Quamobrem accidit mihi, quod nauis contingit gubernaculis spoliata, rectore in prora consistente. Vt enim illa vel retrocedit, vel consistit, vel etiam euertitur, nisi aliquod illi aut per angelum, aut per hominem adsit auxilium. Sic ego in tempestaris errore versabar, nec periculum agnoscebam, cum diuina benignitas me in interiori Mesopotamiæ re-

gione peragrantem fecit in pastorem quendam incidere, qui cum ex me quæsiuisset quoniam mihi iter esset, & ego respondi, quo me pedes ferret, si me, inquit ille, audiueris, adolescens, cum ad vesperum incliner iam dies, longius non discedes. His ego verbis commotus apud eum mansi. Media vero nocte cum pastor profundo somno propter ebrietatem teneretur, lupi gregem adorti oues dissiparunt. Domini autem aduenientes me quoque tanquam reum in iudicium adduxerunt. Ego vero, rem uti contigerat, narrans apud iudicem me defendebam. Interim adductus est quidam in adulterio, ut dicebant deprehensus, sed mulier auferat. Iudex autem re dilata utrumque nostrum eundem in carcerem coniici iussit, ubi quendam agricolam homicidii causa inclusum inuenimus. Quando neque ille, qui mecum ducebatur adulter, neque agricola ipse erat homicida, neque ego gregis abactor fueram, cadauer autem propter agricolam, & pastor propter me, & narratus propter adulterum in alia custodia seruabantur. Illic igitur septem diebus transactis, octauo die secundum quietem vidi quendam me sic alloquentem: Pius esto, & Dei providentiam intelliges. Considera, quæ cogitaueris, & feceris, & cognosces, vobis iniuste nihil accidisse. Neque vero ipsi scelerum auctores effugient. Somno solutus, quæ videram, memoria repetebam. Et peccata mea cogitans memini me cum eodem in agro, ubi captus fueram, apud pauperem quendam diuertissem, improbitate quadam incitatum in cubili suo pardum exegisse, qui a feris dilaniatus est. Cum igitur somnium meum, & causam sociis explicassem, ipsi ad me conuersi ita locuti sunt. Agricola autem prior incipiens, ego, inquit, cum viderem quendam in flumine suffocari, possemque auxilium ferre, neglexi. At alter & ego, inquit, cum mulier quædam vidua falso in adulterii crimen vocaretur, illam oppugnaui. Qua de causa fratres eius adem-



## SEIPSV M REP R E H E N D I T,

ptam illi paternam hæreditatem lucrati, mihi, præ-  
 mium, quod inter nos conuenerat, tribuerunt. His  
 ego dictis cœpi respiscere, atque intelligere nos meri-  
 to plecti. Quòd si solus fuisset, putasset fortasse, id  
 temere & casu contigisse. Sed eramus tres pariter in  
 fraude deprehensi. Accedebat & quartus vindex ille,  
 qui nec genere cum illis, qui iniuria fuerant affecti,  
 coniunctus erat, neque conscius aut testis extiterat.  
 Etenim nec mihi, nec sociis, quibus speciem & for-  
 mam eius descripseram, notus erat. Somno igitur rur-  
 sum captus, eundem vidi sic dicentem. Cras videbitis  
 & illos quos læsistis, & calumniæ culpæque vestræ re-  
 muneracionem. Experrectus stabam cogitabundus.  
 Tum socii ad me, quid inquit, tristis es? Quibus  
 ego causam cum exposuissem, exitum metuebam. Et  
 cogitationes illas de fortuna & casu tradideram obli-  
 uioni. Atque illi mecum magna sollicitudine ange-  
 bantur. Cum igitur nox illa transisset, adducimur,  
 quo quidem tempore, quinque vincti ad principem  
 pertracti sunt. Itaque illi, qui mecum erant, multis  
 affecti verberibus in carcerem reuersi sunt, meq; illic  
 reliquerunt. Tum adducti sunt duo in primis. Hi au-  
 tem erant fratres illius viduæ, quæ calumnia ab ipsis  
 paterna hæreditate fuerat spoliata. Vnus eorū in ho-  
 micidio, alter in adulterio deprehensus erat. Sed cum  
 hæc crimina confessi essent tormentis cogebantur &  
 alia scelera confiteri. Homicida igitur confessus est,  
 se cum in ciuitate negotiaretur, cum muliere quadā  
 consuetudinem habuisse. Hæc autē erat illa, propter  
 quam vnus ex iis, qui mecum erant in carcere custo-  
 diebatur. Rogatus quomodo effugisset, accidit, in-  
 quit, vt cum obseruaremur, vicinus quidam alia via  
 accedens nescio quid mutuo peteret, quod illa cum  
 dedisset, me iam per fenestram demisso, orauit eum,  
 vt se quoque per eandem fenestram dmitteret, quo-  
 niam fœneratores ad se capiendam aduentarent. Id

ille, cū faceret, a mulieris marito captus est. Nos autem elapsi sumus. Vbi nam, iudex inquit, est mulier? Et cum indicasset locum, iussus est, vsque ad mulieris aduentum custodiri. Frater vero damnatus adulterii, se hominem etiam occidisse confessus est, eum nimirum, quem agricola, qui mecum erat, accusabat, interfecisse. Dicebat autem maritum illius esse fœminæ, quam adulterio corruerat. Cum enim, inquit, dī luculo prædium suum inuiseret, fictæ salutationis gratia accedens illum statim interfeci, & aufugi. Familiares autem exaudito clamore, cū essent egressi, hominem quendam agrestem, qui magno labore fessus illic dormiebat, comprehenderunt. Hæc ille cum dixisset, locumque & nomen mulieris indicasset, in carcerem perductus est. At reliqui tres constiterunt, quorū vnus in crimen vocabatur, quòd segetem combussisset, alii duo quòd se in cede faciendâ socios exhibuissent, sed cū paucis verberibus affecti, nihil confiterentur, in carcerem adducti sunt. Audiuerat enim iudex successorem suum aduentare. Et ego, nulla de me habita quæstione, cum illis discessi. In eadem igitur omnes custodia tenebamur. Iudex, autem, qui succedebat, è patria nostra erat, sed ego diu quis & vnde esset, ignoravi. Interim, cū magnū nobis daretur spatium quiescendi, amicitiam iniuimus. Cumq; priores mei iam essent studiosi, & reliquis ea, quæ contingerant, enarrassent, in me omnes tanq̃ in hominem pium intēdebant. Et fratres illius viduæ, homine, qui aduersus eam testimonium dixerat, perspecto, obstupuerunt. Rogabāt autem me, vt sibi aliquid boni nuntiarem. Verum ego multis ibi diebus commoratus, eum, qui mihi in somnis apparuerat, nunq̃ vidi. In fine autem dierum rursus illum aspexi, me verbis eiusmodi compellentem: cernis hos tres? aliorum scelerū rei nunc pœnas pendent. Quod illis cum retulissem, confessi sunt duo quidem se furis conscios extitisse.

## SE IPSVM REPREHENDIT,

Cum enim vicinum, inquit, vt vineam eius interuerteret, necauisset, certificati sumus, eū de rupe precipitem cecidisse, & vineā ipsius esse. Tertius autem se ira commotum è tecto quendam deturbasse, qui casu illo interierit. Postea vidi rursus in somnis hæc mihi prænuntiantem. Tu cras liberaberis, reliqui iustū iudiciū subibūt. Fac igitur, vt fidelis sis, & Dei prouidentia prædices. Postridie iudex sedēs in tribunali, de nobis omnibus quæstionem habuit. Et cognitis, quæ acta iam erant, cum & foeminis, quæ aderant, interrogatis, & æquis testibus adhibitis, veritatem cognouisset, innocentes absoluit, agricolam dico, & eum, qui falso adulterii fuerat accusatus, foeminas vero iussit torqueri, vt exquireret, an aliis se se flagitiis contaminassent. Comperit igitur vnā earū, odio illius, qui adulterum suum detulerat, incitata bona ipsius combussisse. Quo quidem ex incendio cum quidam propius fugeret, tanq̃ auctor cōprehensus est. Et hic erat nobiscum, quem iudex, quæstione habita, innoxium cum reperisset, dimisit. At altera adultera, cum in eodem esset vico, vbi capti fuerant illi duo, qui in cæde facienda socii fuisse dicebantur, rem, vt gesta erat, confessā est. Qui occisus est, inquit, cum domi meæ ab altero illius viduæ fratre, qui meus amator erat, mecum rem habere deprehensus esset, interemptus ab illo est, & in biuium proiectus. Cōcursu autem facto cum duo viri quēdam, a quo sibi hædus surreptus fuerat, persequerentur, eos alii conspicati, putātesq; ideo fugere, quod homicidium perpetrassent, comprehenderunt. Iudex igitur cum nomen, & genus, & qui nā, & quales essent, explorasset, innoxios liberauit. Hi fuerunt quinque, agricola, & qui falso adulterii insimulabatur, & tres vltimi. Porro duos fratres, & flagitiosas illas mulierculas a feris iussit dilaniari. Tunc ego in medium adductus imperio iudicis, qui & si mihi beneuolentia coniunctus erat, tamen scire



voluit, quomodo res illa ouium gesta esset, cumq; ego id, quod erat, exposuissem, meq; ille & voce & nomine cognouisset, familiaritas enim illi cum parentibus meis intercesserat, quaestione habita de pastore, & veritate cōperta, liberauit me post dies circiter septuaginta. Ea vero, quæ secuta est, nocte vidi virum dicentem mihi: Reuertere in locum tuum, & age pœnitentiam, & scito, vnum esse oculum omnia perlustrantē, mihiq; grauiter comminatus recessit, neque ego eū ad hunc vsque diem amplius cōspexi. Anxius igitur, & multis lacrymis plenus discessi, vtrum Deo satisfecerim ignarus, quamobrem omniū precibus adiuuari me flagito. Vulnus enim erat grauissimum. Vis ego non efferor, sed ob impias illas angor cogitationes. Vidit & Pharaon Angelum futura pœnuntiantem, sed verba eius & prophetiam non mutauit. Luc. 13. Dicit & Christus illis, qui in nomine suo prophetauerunt: Non noui vos, operarii iniquitatis. Me vera vidisse scio, & expertus sum, sed excruciat me mea in Deum contumelia. Qui enim asserit omnia temere casuq; fieri, is diuinitatem tollit. Id cogitavi, non nego. Resipui, sed ignoro, vtrum mihi Deū placauerim. Desipso aperte locutus sum, sed nescio vtrum verba illi mea fuerint grata. De prouidentia scripsi, sed ignoro, an illi placuerint scripta mea. Domum vidi, & patrem familias cogitavi. Mūdum aspexi, & noui prouidentiam Dei. Vidi nauem sine gubernatore mergi, & animaduerti sine Dei gubernatione inanes esse hominum labores. Vidi varias respublicas bene cōstitutas & intellexi Dei ordine atque p̄scripto cuncta consistere. Per pastorem grex viget, & per Deum omnia coalescunt. Inter triticum & spinas discernit agricola. Et Deus omnibus in terra degentibus prudentiā & dñbet & intelligentiam. Ab imperatore p̄det exercitus ordo, & a Deo vera rerum omnium dispositio. Nihil in terra sine capite & origine. Quia rerum om

# SEIPSVM REPREHENDIT,

nium principium est Deus. Flumina è fontibus manant, & leges a diuina sapientia. Fructus fert terra, si tamen e cœlo fuerit irrigata. Adeo nihil per se fieri potest. Dies suggerit lucis copiam, sed tamen indiget radiis solis. Sic & ab hominibus bona proueniunt, sed Dei gratia perficiuntur. Sol lumen continet, sed cœlo indiget, in quo requiescat. Pariter & homines sancti indigent Deo, in quo consistant. Neque splendor sine igne, neque sine tenebris nox. Mutuo enim omnia indigent auxilio. Atque ita suum indicant moderatorem. Hoc eget illius ope, illud alterius. Nihil sponte sua est in rerum natura. Nemo enim seipsum potest facere. Nam si quis seipsum faceret, is esset anteq̃ fieret. Quomodo igitur postea factus esset? Quod enim est, anteq̃ fiat, non eget, vt fiat id, quod est, neque alie num requirit auxilium ad eius, quod est, constitutio nem. Solus igitur Deus non factus. Sponte enim & a seipso fieri secum pugnat. Neque ignorat Deus se nō esse factum. Neque enim, vt nos, infantia principium habuit. Non est ignarus essentia suæ. Neque enim eā illi quisq̃ tribuit. Nouit id, quod est, & superat omnē hominum cogitationem. Non inuidet, sed parcit nobis. Neque enim audire possumus principiu rei, quæ non est facta, quoniam ne dici quidē potest. Rei principio carentis principium intelligere non valemus.

Exo. 20 Neque enim tantam habemus intelligendi facultatē. Terrena Deus e mōte Sina locutus est, & populi contremuit multitudo. Quid igitur, si cœlestia loquatur faciemus? E terra locutus est, & homines innumera biles exhorruerunt. Quid faciemus, si e cœlo nos alloquatur? Orauit populus, ne Dei vocem audiret, & Deus id illi concessit, quod petebat. Deū orauit Moses, vt cum populo permaneret, & perierunt multi, quia nō poterant ad naturam diuinam appropinquare. Ostendit igitur Deus fieri propter iustitiam suā, vt peccantes immedicabile plagam acciperet. Itaque

pepercit

pepercit nobis, subduxitq; se, vt viueremus. Sic etiam  
 arcana tegit, quæ capere non valemus. Accessit ad  
 Aaron, & cum filios eius reos inuenisset, occidit eos.  
 Accessit ad populū, & multos peccatores interemit.  
 Quamobrem si diuina nobis dixerit, & non credide-  
 rimus, nos omnes interficiet. Idcirco nobis ea non di-  
 cit, quia præuidet, nos non esse credituros. Recte igitur  
 facit consulens nobis, ne moriamur. Non tribuit  
 nobis tantam intelligentiā, vt liberæ extinguat pro-  
 positum voluntatis. Maiores non exhibet vires, ne na-  
 turam confundat. Benignitatem non exhaurit, ne ab  
 improbitate superetur. Non facit homines Angelos,  
 ne potestates peruertat. Nō facit Angelos cherubin,  
 ne ministeria perturbet. Tantum cuique laigitus est,  
 quantum natura quælibet creata capiebat. Naturas  
 constituit, & reperit eas misericordiæ, vtpote mutabi-  
 les, indigere. Eis seipsum sic impertiuuit, vt subsiste-  
 rent, quod amplius erat, condidit, habita imbecillita-  
 tis earum ratione. Congruentem item dedit intelli-  
 gendi facultatē, ne superbix causam præberet. Quē-  
 admodum qui pueros ad malum exercent, ipsi magis  
 sunt reprehendendi. Dedit, quod capere poterant, &  
 ignouit, quod non poterant. A nemine enim, quod vi-  
 res eius superet, exigit. Nolite igitur, o mortales, po-  
 tentiam ipsius incusare, quòd naturam vestram ne-  
 quiuerit facere capaciore. Non opifex in causa, sed  
 ipsa natura. Aurifex habet artē, qua dirigit opus suū,  
 eiq; tantum tribuit, quantum capit, & non amplius,  
 quamuis multū illi auri superfit. Sic & Deus, quāuis  
 omnia possit, non tamen plus tribuit, q̄ rei cuiusque  
 natura patiatur. At materiam ipse fecit. Ideo ipsum  
 laudate, qui tantam varietatem constituit. Nemo au-  
 rifex, vt auri materiam adaugeat, seipsum auro adiu-  
 git. Nec Deus, cū omnia miracula excogitasset, fe-  
 cit vt materia naturæ suæ similis esset. Magnas rebus  
 procreandis diuitias effudit. At quòd factum esset in-



# SEIPSVM REPREHENDIT,

fectum, nec cogitauit, nec inuenit, nec fecit. Vultis videre facilitatem eius immensam? Coelos, & quæ in cœlis sunt, verbo procreauit. Ex quo patet, eum multo plus posse, sed natura ipsa procreata plus non capit. Quanto verbis præstantiora sunt opera. Tanto sine comparatione rebus creatis Deus antecellit. Fecit igitur omnia ad cuiusque vtilitatem. Nulla coactus necessitate tot differentias inuenit, quoniam de primis experimentum dedit in secundis. Non tantæ pulchritudinis causa necessitas extitit, alioquin opus alterius esset, non autem Dei. Necessitas enim liberam excludit voluntatem. Omnia, quæ voluit, fecit in cœlis & in terra, sicut diuina scriptura testatur. Rerum ordo Dei laudem celebrat. Malum non est boni causa, neque ad pietatem adducit. Si malum prius extitisset, bonum fieri non permisisset, alioqui non fuisset malum, sed bonum. Si materia constitisset aduersus Deum, cum esset inanimata, cum illo pugnare non potuisset. Sin dixeris materiæ animam esse confusionis actionem, absurdum est, existimare, animam esse actionis motum, Nihil enim eorum, quod quisque nostrum facit, anima est. Materiæ actio, inquires, ex quodam collaudante consistit. Magna stultitia sit, æternum aliquid inesse existimare in materia, quæ in continua alteratione mutationeq; versatur. Quicquid enim mutatur, caducum est. Quomodo ergo quod est mutabile, sit æternum? Nihil igitur semper fuit, nisi solus Deus, quo egent omnia. Iple enim sponte sua fecit illa, non autem vlla adductus necessitate. Et singula fecit, quemadmodum voluit. Et voluntas eius nulli subiecta est necessitati. Ideo quæ ea, quæ fecit, non sunt illi coæterna. Si enim voluntas eius necessitati coniuncta esset, coæterna illi forent ea, quæ procreauit. Et procreatio voluntati congrueret. Verum procreatio non erat necessaria, nam coæterna illi fuissent, quæ sunt procreata. Et sic esset affectionum expers, ut vo-

Psal. 142.

Gen. 1.

luntas eius, atque adoratio. Idcirco non ex necessitate sibi constituit adorationem, alioqui, ut adoraretur, ea, quæ fecit, fecisset sibi cœterna. Neque enim quicquid ex eo patitur, quod a gentilibus non adoratur, neque pro adorationum varietate commouetur, neque ad indignationem impellitur, quod imperfectè a Iudæis adoratur. Neque propter hæreses perturbatur, quod sibi ex parte tantum exhibent adorationem. In omnibus enim sine perturbatione idē ipse manet, qui erat anteq̃ omnia procrearet, ad hunc vsque diem, & deinceps in sempiternum. Rerum est omnium causa bonitas eius. Et naturæ terminus iustitia ipsius. Sapientia vero rerum ordine & varietate declaratur. Dedit igitur nobis, o mortales, ut dixi, quod capere possumus, habita virium nostrarum ratione. Cæterum, & si nihil eorum, quæ fecit, ipsum capit, genuit tamen sine principio ex substantia sua filium suum, non ex necessitate, aut causa aliqua, quemadmodum diximus, cum de verbo loqueremur, ut bonitatis eius acciperet plenitudinem, quoniam naturaliter ipsum ex substantia genuit. Omnis autem eius natura a necessitate & causa seiuncta est. præsertim quia voluntati naturam miscuit, & utraque cum bonitate coniunxit. Bonitas enim plenitudinem ostendit, quia genuit, a quo naturaliter caperetur. Natura autem dignitatem, quia non indignus, qui capit, utpotè filius, non factus. Porro voluntas necessitatem exclusit quia non propter aliquid genitus est, sed ut semper perfectum esset mysterium æternitatis. Et ut non dicamus voluntate necessitati subiecta naturaliter Dei filium esse genitum. Iam Spiritus sanctus non genitus, sed processit ex substantia patris, non imperfectus, neque promiscuus. Neque enim alias pater est, alias filius, sed spiritus sanctus plenitudinem habens bonitatis, & in diuinitatis testimonium procedens, quoniam pater non ulla perturbatione, aut tempore, aut necessitate, aut mutatione, aliaue causa

# SE IPSVM REPREHENDIT,

filium genuit, sed natura ab omni remota necessitate, aliumq; consortem volens non genuit, sed produxit spiritum sanctum, non ante filium, ne dicamus necessitati voluntatem eius esse subiectā. Neque timuit hominum dubitationem, quod quodāmodo impatibilis existens genuit, habens demonstrationem Spiritū sanctum, quia non generans secundum se ipsum produxit, sic & generans filium secundum se ipsum genuit sine perturbatione. Neque enim imminutus est procedente Spiritu sancto, vt filii generationem perturbationi cuiuspiam obnoxiam possimus suspicari. Quod autem post filium dicimus Spiritum sanctū. Id nō tempus, sed personam significat. Spiritus enim & verbi eadem est æternitas. Nā & nos in verbo pronuntiando spiritum nostrum mouemus, & cum verbo spiritum producimus. Pater igitur nec tēpore indiguit in verbi generatione, nec vllō temporis spatio post verbum produxit Spiritum sanctū. Quamobrē & Sanctæ Trinitati diuinitas est cōæterna. Pater, & filius, & Spiritus sanctus tres quidem personæ sunt, sed vna substantia, atque vna diuinitas. Quapropter & Deus vnus est sancta consubstantialisq; trinitas. Et quod sit verbum in spiritu, dicit de nobis Dauid, quia spiritus est in ore nostro. nō quod similis sit cōpositio in ipsa diuinitate, sed vt exemplo, quæ dicta sunt, intelligantur. Quantum igitur capimus, intelligimus de Deo. & quantum ferre possumus, tantum ab eo accipimus. Quod si plus audiuerimus, non credemus: Et si plura acceperimus, extollemur. Meritō igitur plura non dicit, neque dat. Iccirco autem hæc recensui, vt etiam in ipsa cognitionis distributione diuinam eius prouidentiam declararem. Dicit enim & ipse Christus: Si terrena dixi vobis & non creditis, quomodo si vobis cœlestia dixerō, credetis? Ego vero sermonem ita conuerto: Si cœlestia capere non possumus, quomodo quæ ad diuinam naturam pertinent,



audientes, percipiemus. Si Iudæi temporaria mandata non obseruantes perierunt, quanto magis nos peribimus, si quæ de Deo audiuiamus, non custodiemus? Quanto autem corporis morte mors animæ formidabilior? Quanto, inquit Apostolus, putatis deteriora mereri supplicia, qui conculcauerit filium Dei? Hæc omnia, quæ dicta sunt, fratres, scripsi propter me. Vereor, ne deteriore illa morte afficiar. De cognitione enim disserui, vt me in Dei cognitione peccasse demonstrarem. Potentes, inquit ille in libro sapientiæ, Sap. 6. potenter tormenta patientur. Cognitionis est virtus ac donum diuinæ gratiæ. Et ego post Christi cognitionem in cogitationibus de fortuna & casu versatus sum. Ti meo igitur, ne mea, sicut Esau pœnitentia repudietur. Heb. 12. Scio Esau in malitia permansisse, & ideo fuisse reiectum. Sed vereor, ne mea pœnitentia peccato similis iudicetur. Audiuiſtis infinitam esse diuinæ potentia magnitudinem? Illuc vsque dicendo prouectus sum, vt quibus ego miseriis detinear, cognoscatis. Audiuiſtis diuinæ pelagus sapienciæ? Cur igitur pro me apud Deum fontes non effunditis lacrymarum? Audiuiſtis immensam diuinæ iustitiæ vim? Cur ergo viscera vestra pro me non ostenditis? Scio Deum multis, qui pœnitentiam egerunt, ignouisse, sed maior eorum pars peccauerat per ignorantiam. Eum multis veniam dedisse non ignoro, sed multos habebat adiutores. Quæ de Chore & Dathan scripta sunt, lego, & per horresco; quoniam illis Deus propter Moſem iratus est. Quæ Mariæ Moſis ſorori contigerint, considero, propter verbum enim, quod aduersus illum dixerat, eam lepra totam operuit. Si tanta propter virum sanctum exarsit indignatio, quid fiet propter Deum immortalem? Si Cain ob fraternam cædem tam diuturno supplicio afficitur, quid illis fiet, qui Deum offendunt. Concurrite, fratres, & mihi veniam impetrate. Vt vobis quoque Sancti, siquid peccatis, opitulentur. Qui

# SE IPSVM REPREHENDIT,

enim casu fortunaq; putat cuncta contingere, is essentiam negat diuinitatis. In ea ego sententia fui, Non mentior. Resipui & egi poenitentiam, sed nescio, vtrum mihi Deus placatus sit. Precor & Sanctos, vt intercedant pro me, sed ignoro, an eorum preces suscipiantur.

Ca. 14. Lego enim apud Ezechielem, neque Noe, neque Iob, neque Daniele, si orauerint, exoratos. Obsecro prophetas omnes, sed metuo, ne reiiciat, quemadmodum impius Israel. Sic enim loquitur Deus ad Hieremiam: Noli orare pro populo isto. Quid igitur? Donis placabo Dominum? At vereor, ne mihi idem, quod

Esa. 58. pharisæis dicat, me vtilitatis meæ causa id efficere. Si

Pl. 140. ieiuno, hoc non est, inquiet fortasse, ieiunium, quod elegi. Si pauperum miserebor, oleum, forsitan dicet, peccatoris non impinguet caput meum. Si sacerdotes eius amplectar, forte dicet mihi: Quia Nazareis meis vinum præbuidisti, detestabilis eris. At offeram illi munera. Timeo, ne mihi dicat: Si obtuleris Similaginē, sacrificium tuum inuisum est mihi. Quid? quod & in Ecclesiis sedere vereor, ne me item eiiciat, aulam, inquiens, meam calcare ne audeas. Vndique igitur premor, fratres, & ad cōscientiam meam redeo. Si impiè rursum egero, vix mihi. Si arrogans fuero, vereor, ne me caligine opprimat. Et Nabuchodonosor, cū poenitentiam egisset, susceptus est. Sed eum defendit tum ignorantia, tum principatus. Hac ego careo defensione. Eram iam gratiæ particeps, eram in Christi disciplina a patribus institutus. Illi, a quibus secundum carnem genitus fueram, timorem Domini mihi tradiderant. Vicinos videram pietatis studiosos. Multos audiuerā pro Christo cruciatus, mortēq; perpassos. Parentes mei in iudicio Christum professi fuerant. Martyribus sanguine cōiunctus sum. Nullam habeo excusationem. Si cōmune carnis genus dixero, nihil ab illis differam, quos beatus Iob cōmemorauit. Maiores mei peregrini, opera & manu victum quærita-

runt, aui fuerunt agricolæ, parentes non admodum abiecti ciues. Quo igitur nomine me Nabuchodono for similem existimabo? Quæ in pueritia gesserim piget commemorare, ne vilem me vobis abiectumq; constituam. Cùm adhuc essem iuuenis, me christianum profectus sum. Attamen paucis illis annis contumeliosus, percussor, seditiosusq; fui, & cum vicinis litigiosus, atque inuidus, in hospites inhumanus, in amicos durus, acerbus in pauperes, immodestus, malis vacans cogitationibus, ac voluptatibus vel præter tempus Quæ tamen omnia scio mihi fuisse condonata. Sed quid postea gessi? quid post veritatis cognitionem commisi? Auxilio vestro, amici, vehementer indigeo. Succurrite mihi. Me vel tanq̃ mortuum deflete, vel tanq̃ spirantem adhuc, sed semimortuum commiseramini. Super me veluti super captiuum effundite misericordiam vestram. Mihi tanq̃ putridis vulneribus scatenti subuenite. Plenus enim plagarum ego sum. Iudæos ego supero. Illis non erat locus ad vincula. Mihi vero & anima ipsa corrupta est. Illi a capite vsque ad pedes miseriis premebantur. Mihi viscera quoque computruerunt. Vltro aduersus Deum ego contumeliam cogitaui, solum Diabolum, qui mëtem meam excæcauit, socium habeo. Timeo, fratres mei, ne sicut illi, sic etiam mihi adsit impœnitentia. Vnam hanc habeo excusationem, quòd ille mihi suggererit tentationem. Verùm hæc excusatio Adæ nihil posuit, nihil profuit Euæ, nihil Esau. Vt intelligamus, eos Diabolum habere similes, quos Paulus vasa iræ Rom. 9. appellat, qui sunt ex parte eius. Vereor, ne me quoq; vnum ex illis Deus esse permittat. Eos propter contemptum tradidit in passionem ignominie. Itaque metuo, ne in me quoque eandem ferat sententiam. Sed & nunc item multum in sordidis versor cogitationibus, in inuidia, in maleuolentia, in iracundia, in arrogancia, in gula, in malitia, in odio paupertatis, in egen-



# SEIPSVM REPREHENDIT,

tium persecutione. Cùm ipse nihil sim, me tamen ali-  
quid esse arbitror. Cùm tot vitiis laborem, tamen au-  
cupor nomen sanctitatis. Cùm tot sim peccatis obno-  
xius, tamen volo me iustum existimari. Mentior, &  
mendaces redarguo. Animo sordidus, libidinosos in-  
fector. Pauperes lædo, & fures reprehendo. Contume-  
liosus damno, cùm eidem affinis sim vitio. Splendide  
incedo, cùm totus sim impurissimus. Primum in Ec-  
clesia locum teneo, cùm ne postremo quidem sim di-  
gnus. Honorem appeto, cùm ignominiam merear. Sa-  
lutationes capto, cùm ab omnibus sim conspuendus.  
Homines video seculares, & glorior. Monachos aspi-  
cio, & efferor insolentia, Mulieribus videri cupio gra-  
tiosus, diuitibus pius, hospitibus grauis, domesticis  
cogitabundus & prudens, propinquis honoratus, &  
prudentibus perfectus. Inter homines pios versor vt  
sapientior. Simpliciores vti pecudes contemo. Siquis  
me afficit contumelia, vlciscor. Siquis me arguit, illi  
succenseo. Siquis quid repetit, in iudicio me defendo.  
Vera dicentibus vt inimicis indignor. Admonetibus  
irascor. Non adulantes odio prosequor. Fratrem cala-  
mitatibus oppressum non agnosco. Ad fœlicem accur-  
ro. Aegrotantes auersor. Si æger ipse sim, ab omnibus  
inuisi volo. Maiores despicio. Absentibus detraho,  
presentibus adulator. Honorare, qui honori sunt digni,  
recuso, & indignus ipse honores exigo. Prætereo ani-  
mi mei cogitationes, de lege, de prophetis, de euange-  
lio, de Apostolis, de Ecclesiæ doctoribus, de conciona-  
toribus, de sacerdotibus, de lectoribus, de dispensato-  
ribus, de Episcopis. Omitto quas quotidie nouas cu-  
ras inuenio, vanitatis meę sollicitudines, desidia in  
orationibus, constantiam in vaniloquiis. Si quis de  
nugis loquitur, oblector. Sin de temperantia, mœreo.  
Diuinam legentes scripturam fugio, de quæstionibus  
concertantes libenter audio. Omitto fictas assentatio-  
nes, artificiosos in ecclesias gressus, ex industria con-

quisitas in incessu tarditates, futes in congressibus sermones, nimiam in parandis epulis diligētiam, mala in locis sacris colloquia, inertiam in precando, in psallendo negligentiam, studium in decipiendo, artē in lucrando, simulatas cum piis mulierculis familiaritates, frequentes compellationes, inopum contemptum, diuitum obseruantiam, inexplebilem accipientorum munerum cupiditatem, cum alienis peccatis coniunctionem, inutilia cōsilia, spe maioris lucri adulationes, contentiones, supplicationes, stultas commorationes, rixas perniciosas, inutiles pugnas, ineptas cōsuetudines. Hæc est vita mea, fratres, hæ sunt infirmitates mæx. Si aduersus tantam peccatorū multitudinem mihi potestis opitulari, mei, quæso, misere mini. Si vobis adsunt vires, quibus tantam malarum cogitationum phalangem possitis profligare, obsecro vos, ne me deseratis. At nō erat, dicit aliquis, tam anxie de cogitationibus differendum. Quorsum de fortuna & casu sermonem instituenti tam lōga de rebus istis oratio? Ex diuina scriptura, fratres, habeo demonstrationes sacrificabat Iob pro filiis suis, n̄ e forte, in- Iob. 1. quiens, mali quippiam cogitauerint in cordibus suis. Si cogitationum non est habēda ratio diligenter, cur holocaustū pro peccatis cogitationis offerebat? Dāna Nu. 16. ti fuerunt & illi, qui in cōgragatione Chore malē cogitabant, & male cogitantes combusti sunt. Iam cum Matth. audmius illud; Vestri autē & capilli capitis numera- 10. ti sunt: intelligamus, capillos capitis esse cogitationes, caput autem mentem, in qua vis est cogitādi. Ex consensu Dominus iudicat adulterium, & ex mulieris cupiditate factum metitur, & cædem ex iracūdia, & odium existimat homicidium, Omnis, inquiens, Matt. 5. qui temere irascitur fratri suo, reus erit iudicio; & 1. Io. 3. qui odit fratrem suum, homicida est. De cogitationū exploratione testat & Paulus, illuminabit, inquiens, 1. Co. 4. Dominus, abscondita tenebrarū, & manifestabit con-

# SE IPSVM REPREHENDIT,

- Rom. 2. filia cordiū. Et rursum, accusantibus cogitationibus, aut etiam defendentibus in illa hora. Ne dixeris igitur mihi nihil esse cogitationes, quando consensus earum pro factis existimantur. Neque tamen primus cogitationis impetus iudicatur, sed cū animus sic indulget cogitationi, vt ex ea percipiat voluptatem. Nō omnia, quæ in terra spargit agricola, semina coalescunt. Neque omnia mentis cogitata inhærent in voluntate. Eorum, quæ terra suscipit, fructū exigit agricola. Sic omnium, quæ voluntas approbat, Deus rationem repetit. Pater meus, Seruator ait, agricola est.
- Io. 15. Et Paulus, Dei, inquit, agricultura estis. Nolite igitur mea sollicitudine remouere, sed contra potius,
1. Co. 3. Heb. 4. vos quoque pro me solliciti estote. Idem Paulus alio in loco, viuus est, inquit, sermo Dei, & efficax, & penetrabilior omni gladio ancipiti, & pertingens vsque ad diuisionem animæ ac spiritus, compagum quoque ac medullarum, & discretor cogitationum & intentio num cordis. Si discernit cogitationes, cur mihi reo non opitulamini. Vultis animam & spiritum cognoscere? Id ex agricultura rursum intelligetis. Norunt agricolæ naturas agrorum, & pro cuiusque terræ ratione semina iaciunt. Peritia enim sua cognoscunt quid cuique solo conueniat. Sic & Deus noster discernit inter naturales & voluntarias cogitationes. per animam enim naturales, per spiritum voluntarias significat. Omnia vanitas, inquit Ecclesiastes, & afflictio spiritus. In vanitate naturam constituit, in afflictione actiones naturæ repugnantes. Ideo vanitas, inquit, transibit. Quæ autem quisque egerit in iudiciū adducet Deus. Ex natura homines Paulus item appellat animales, naturæ vero aduersantes, carnales. Nam qui spirituales sunt, naturam quoque ipsam ad spiritum accommodant. Nouit enim agricola Deus naturam omnium, & propositum, & facultatem, verbumq; suum pro cuiusque viribus ferit, actionisq; fru
- Ecc. 1.
- Ecc. 12.
1. Co. 2



etum exigit. Consensus ipsi profecto, fratres mei, pro  
 factis iudicantur. Actionis enim vis & caput in ipso  
 consensu & proposito situm est. Iccirco Dominus ma- Mat. 19  
 lis cogitationibus dixit hominem coinquinari. Ani- Le. 5.  
 ma enim est, quæ agit in corpore. Possum hoc vobis  
 ex lege depromptis exemplis comprobare. Vt si im- Nu. 19.  
 mundus tetigerit, quod mundum est, illud coinquinat.  
 At libido, & inuidia, & iniustitia sunt immunda. Si  
 quid igitur malifacias, alios coinquinas exëplo tuo.  
 Sin animo & cogitatione tantum malo consensum  
 præbeas, tu solus inquinaris, & de te solo rationem  
 reddes. Quod si aliis eris offendiculo, reus eris om-  
 nium, qui te imitabuntur. Quid gentium leges, nonne  
 facientes consentientesq; puniunt? Consensus enim  
 auxilium iudicatur. Lex autem etiam in ædibus & la- Leu. 13.  
 pidibus aliud proponit exemplū, si sacerdos, inquiens,  
 ingressus fuerit, & viderit lepram domus, omnia, quæ  
 in ipsa sunt, erunt immunda. Per sacerdotē, mea qui-  
 dem sententia, lex cognitioq; intelligitur. Si quis igi-  
 tur, anteq̃ legis cognitio ad se peruenerit, peccator  
 existit, pro aliis rationem non reddet, quoniam pec-  
 cauit imprudens, ipse tamen turpiter immundus est.  
 Datur & alia interpretatio, quam quidem ego in me-  
 dium afferam, ut me multis esse peccatis obnoxium  
 intelligatis. Sunt quidam nondum inquinati, & ta-  
 men propter societatem immundi, ii nimirū qui per  
 ignorantiam consensum addibent. Quod si celeriter  
 recesserint, ne consensus quidem reddent rationem,  
 quandoquidem nec leges ac iura testes prætereuntes  
 condemnant, sed eos duntaxat, qui voluntate, & dedi-  
 ta opera intersunt. Quos igitur lex ac magistrā no-  
 stra cum inique agentibus sponte versantes consen-  
 tientesq; deprehenderit, eos condemnat. Atque his  
 quidem legibus & Apostolus vsus est, Digni sunt, Rom. 1.  
 inquiens, morte non solum, qui ea faciunt, sed etiam  
 qui consentiunt facientibus. Huc ea pertinent, quæ

# SE IPSVM REPREHENDIT,

Iac. 4.

orationis initio commemorauimus . Etenim qui testes malorum spectatores tantum extiterant, propterea quòd morte nihil dignum admiserant, fuerūt absoluti, licet omnia cruciatuū genera pertulerint. Nemo vestrum me consoletur, dicens, nihil referre consensum qui cogitationibus adhibetur, sed potius cognita veritate vicem meā doleat. Etenim hoc ipsum, quod loquor, non emendans vitam meam, mihi vertitur crimini. Nam, vt scriptura testatur, scienti facere bonum, & nō facienti peccatum est illi. Et qui admonitus non erubescit, grauiter plectitur, quoniam ad iracundiam prouocat præceptorem. Ego quidem accuso me ipsum, sed in peccatis permaneo. Peccata mea confiteor, sed peccare nō desino. Id vnum ad me excusandum arripio, quòd videns non video. Quippe qui pœnitentiam agens ad peccata redeo. Neque enim in iis quæ facio, considerate me gero. Pœnitentiam meam accuso, quod sim tanq̃ seruus peccati, & malum inuitus faciam. Ac veluti peccato militans subiectus, & quanuis nequeam, vestigal pendo propter consuetudinem, quæ cogitationi meæ dominatur. Stipendia carnis accipio, dum cupiditatibus incumbo. Quid a me corruptio quærat, non ignoro, & mandatis eius obtempero. A laboribus abhorreo, & aduersus imperantes tanq̃ catenis deuinctus canis insurgo. Peccatum odi, sed indulgeo cupiditati. Iniquitatem fugio, sed inuitus superior a voluptatē. Peccati seruituti naturam subieci, inde necessitas proficiscitur. Quæ per consuetudinem amplexus sum, ea in me cupiditates accendunt. Carni mentem sic obstrinxi, vt ab ea nolit separari, Mutare propositū studeo, sed inueterata repugnat institutio. Ab ære alieno liberare animam cupio, sed eius impedit magnitudo. Improbis sœnator est Diabolus. Nō repetit debitum. Promptè mutuatur, nec vult vnq̃ exigere. Nullū aliud sœnus postulat præter seruitutem. Abundè sug

gerit ea, quibus cupiditates nostræ augeantur. Hoc ille lucrum attendit. Volo ego reddere, quæ debeo, at ipse alia subministrat. Sin cogo, vt accipiat, maiora suppeditat, vt ex iis, quæ eius sunt, ea depromere videar. Cùm vetera spero me debita persoluisse, nouis me cupiditatum chirographis obstringit. Nouit me debiti continuatione adduci, vt libens peccator existam, & nouas iniicit cupiditates. Operam dat, vt veterum cupiditatum obliuiscar, ne illas confitear, suadetq; vt ad nouas tanq̃ minime nocituras accedam. Nouis igitur me cupiditatibus insinuo, & temere tra- do veteres obliuioni. O improbum Draconis nominatum, qui seruiens imperat. O fallacem cupiditatu licentiam, quæ adulando redigit homines in seruitutem O miseram peccati consuetudinem, quæ in naturam conuertitur. Hæc arras dedit, vt mentem emeret. Carni indulgit, vt animam subiiceret. Adolescentiam meam oppressit, vt mens, quid ageretur, ignoraret. Imperfectum sibi sensum coniunxit, vt eo tanq̃ catena ferrea perfectam intelligentiam retineret. Volentem aufugere vinculo cohibet. Et a carne deficere cupientem vt stultam reprehendit. Peccato fores occludit, ne supplex ad Deum confugiat, carnemq; liberet. Iureiurando confirmat non esse malum, carni indulgere, neque de re tam exigua rationem exactum iri, confusum multarum cogitationum acervum proponit, negatq; fieri posse, vt earu cognitio habeatur. Earum ostendit subtilitatem, easque sub examen minime venturas, sed obliuione delendas affirmat. Si iudicium futurum proposuero, ego, inquit, culpam præstabo. Si dixerò peccatum esse, ego, inquit, defendam. Si pœnam mihi imminuentem ostendero, quomodo, inquit tibi, si ego subieci. At ego, inquam, quod paruerim, condemnabor, nequaq̃, inquit, quoniam ego te coegi. Quomodo potes iudicari, cùm proposito nō pecces, sed me impellente? Omitte igitur sollicitudi-



# SE IPSVM REPREHENDIT,

nem. His me rationibus capit. His me rationibus il-  
ligat. His me vendit, atque emit. His me fallit, ac de-  
cipit. His mihi adulator, meq; suæ subiicit seruituti.  
Rom. 7. Mei similem peccatorem Paulus, carnalem appellat.  
Mores inter naturam atque peccatū sunt medii. Per-  
turbationes fouent peccatum, & naturam affligunt,  
animam opprimunt, & mentem redigunt in seruitu-  
tem. Carnis opera peccatum vtitur ad animā ac men-  
tem superandam. Iussu enim eius vt ministra sedula  
perficit. Si verberare vult animā, id per carnem exe-  
quitur. Caro enim est veluti animæ catena quædam,  
qua illam tanq̃ ouem ad cædem trahit. Hac sublimē  
volucrē humi deprimat. Hac gigātis pedes manusque  
vinctas concidit. Nec fugere valeo, nec mihi Ipse opi-  
tulari. Sum enim veluti mortuus viuēs, & cæcus aspi-  
ciens. Factus sum veluti canis, quanuis sim homo: &  
cū ratione sim peditus, vt iumentum effectus sum.  
Misereamini igitur mei, o amici mei. Me humi iacen-  
tem excitare, quicumque naturam corporis natura  
spiritus temperastis. Nolite in terra commorari, qui  
peccatum, vt vulpem estis persecuti, & cupiditates  
tanq̃ feras bestias superastis. Festinate, quæso, anteq̃  
sententia pronuntietur, anteq̃ moriar, ne vna cū stul-  
tis virginibus excludar, anteq̃ reuertar in terram, vbi  
nō licet mortalium vitam intueri, nec de iustitia aut  
iniustitia disputare. Vbi non est corpus, per quod vi-  
ta aut mors ad animam accedat. Vbi nō est caro, per  
quam inimicus ab eius infirmitate victus confunda-  
tur. A miserabili cupiditatē affectione Domino adiu-  
uante cupio liberari, Si mei misertus fuerit, parere  
illi certum est. Si mecum egerit secundum multitudi-  
nem misericordiæ suæ, a peccato me liberabit. Et si in  
me benignitatem suam effuderit, saluus ero. Scio ni-  
hil ei esse difficile. Non despero de salute mea. Miseri-  
cordiæ ipsius magnitudo superat multitudinem meo-  
rum peccatorum. Eum, cū factus est homo, misertū

esse omnium non ignoro, mihi quæ in baptismo peccata fateor condonasse, huius enim gratiæ ipse quoque particeps factus sum. Cæterum eorum, quæ post baptismum commisi, ego medicina. Quod cum ita sit, tamen is, qui suscitatur mortuos, curare me potest. Cæcus natus sum, sed ipse cæcum a natiuitate illuminauit. Ovis sum a leone deuoratus, sed ipse ex ore serpentis Adā liberauit. Canis propter peccata sum factus, sed curabor, & ad illius Syrophenisæ similitudinem filius efficiar. Vt leprosus reiectus sum, sed, si uoluerit, mundabor. Post veritatis cognitionem peccasse me planè noui, sed sanctum habeo Dauid pro me supplicentem. Ille Dei auxilio resipuit, & ego eodē adiuuante resipiscam. Magnis me peccatis obstrinxi, non nego, sed maior tamen est clementia Dei. Qui publicanum prouexit ad apostolicā dignitatem, mei quoque, quanuis magnus peccator sim, miserebitur. Qui suam in Zacharum benignitatem ostendit, eandem in me, licet indignus sim, declarabit. Lupus erat Paulus, qui Christi gregem persequebatur, sed deposita crudelitate factus est ovis. Qui tanquā fera oues dissipabat, idem bonus regendis illis pastor præpositus est. Quod si per ignorantiam ille, ego autem prudēs peccauī. Maiorem ipse gratiam acceperit, ego veniā tantum impetrem peccatorum. Hic, fratres, hæreo, hic opem vestram imploro. Neque enim iudicium duntaxat reformido, sed dedecus & ignominia extimesco. Eos, qui me nunc obseruant & colunt, valde vereor, timens, ne in eorum conspectu confundar propter occulta peccata mea. Vereor eos, qui me genuerunt, ne olim in æterna degentes vita cōdemnent me, qui ea, quæ supra vitam hanc sunt, professus fuerim. Si vobis rursus molestus videor, fratres, ignoscite, & necessitati culpam ascribite. Illam volo viduā imitari, quæ importunitate sua, quod voluit, impetrauit. Impudentem item a micum illum imitabor, & vobis molestus

# SE IPSVM REPREHENDIT

ero, vt è lecto surgentes, pro me Deum exoretis. Ille panis solatium flagitabat, ego salutis auxilium. Ille carnis cibum, ego animæ medicinam. Si vultis assequar, quod ipse cupio. Facile enim mihi benignū Dominum cōciliabitis. Pro me, quæso, supplicate, & precibus vestræ Deum mihi profecto propitium reddent. Cupit ille misericordiam impartiri, sed studii ac pietatis vestræ fructum quærit. Ad ignoscendum est paratissimus, sed expectat, vt vos benignitatis suæ participes sitis. Misericordia vult docere, & ignoscendo socios quærit. Omnibus in rebus bonitas ipsius perspicua est. Qui deflet peccata sua, cauētq; ne proximo pariat offendiculum, neve alios ad peccandum incitet, is facile veniam impetrat. Vniuscuiusque conscientiam Deus intuetur, peccatorumq; nouit & numerū & magnitudinem. Esau pœnitentiæ locum non inuenit, quia non inuitus, sed sponte, non ignorantia, sed prudens peccauit: parentes contempsit, nec Deum veritus est. Iudas item pœnitentiæ locum non inuenit, quia cum Domino versans peccauit, & Deo contempto iustum perdidit. Multum igitur interest inter peccata, quæ scienter fiunt, vtrum ea quis sensu, an cogitatione cōmittat, quanuis vtroque consensum adhibeat. Et grauius aliquando cogitatione vnus, q̃ opere alius peccat, cum hic pœnitentiæ locum inueniat, ille minime. Exemplis sunt ea, quæ dicimus confirmanda, ne commentitia & inania videantur. Chan visus pudendis patris sui damnatus est. Dauid autem, qui reipsa peccatū expleuit, absolutus. Qui Chore, I2. Dathan, & Abiron consenserant, cum nihil omnino Nu. 16. dixissent, aut fecissent, a terra deuorati sunt, & viui in infernum descenderunt. Idem ferè vtrique contigit 4. Re. 1. Quinquagenario cum quinquagenis eorum militibus, qui ad accersendum Heliam accesserant. At totā Exo. 32. synagogam, quæ conflatum virulum adorauerat, post 1. Reg. disciplinam Dominus liberauit. Et Saul contra præceptum 13.



ceptum Domini obtulit holocaustū, ac reiectus est. Manasses autem, qui Idololatriæ peccatū admiserat, 2. Par. posteaq̃ pœnituit, gratiam inuenit. Peccauit Achab 33. consuetudine, & susceptus est. Peccauit Achitophel 3. Reg. consilio tantum, & in peccato mortuus est. Suppetūt 21. alia item exempla, quæ his poteritis adiungere. Ruben se patrem offendere non ignorabat, & cū esset reiectus, post mortem eius, a peccato liberatus est. Si- Exo. 32 meon, & leui gra uiter & scienter peccauerunt, dam- natiq̃; ad tempus, denique veniā impetrarunt. Aaron etiam ipse conflatē vitulæ sacrificauit, & tamen ab ea macula ablutus est. Ophni & Phinees in despectione I. Re. 2. permanentes perierunt. Iā in Euangelio Petrus periu- rio se obstringit, & Christum abnegat, & tamen resi- piscens veniam impetrat. Elymas aduersatur prædi- Act. 13. cationi, & ad tempus cæcitate affectus liberatur. Ana- Act. 7. nias & Saphira sacerdotibus similes, quippe qui nul- lū ipsi quoque defensionis locū inuenerunt, quoniam in occulta quadam despectione versabantur. Qui Sa- tanæ traditus fuit a Paulo, Rubem similis est, quia ca- stigatus veniam obtinuit. Illud tamen interest, quod vnus viuente, alter defuncto peccauit patre. Iccirco Rubem maiori pœnæ subiicitur. Et Iudas proditor Esau similis fuit, quoniam vt hic primogenita, sic ille gratiam vendidit. Quamobrem vterque reiectus est. Sciebat Iudas id quod agebat, quia gratiæ habebat experimentum. Itaque Dominus ad eum, osculo, in- quit, filium hominis tradis. Et quanuis diuinitatem Luc. 22. cognouisset, tamen ab avaritia victus est. Et Esau quāuis admonitus, tamen parentes irritauit. Magna est differentia, fratres, in ipsa peccati cognitione, ma- gnum discrimen. Actionem considera, & differentiā intelliges, consensum respice, & iustitiæ disces graui- tatem. Tempus actionis expende, & pœnam planè ius- tam esse dices. Nos persona ne fallat, quanuis ea, quæ Matth. sunt, non videantur. Ex me discite, q̃ rectē Pharisei 23.

# SE IPSVM REPREHENDIT,

reprehenſi fuerint, cū eos Chriſtus ſepulchris dixit eſſe ſimiles dealbatis. Quod illi cū eſſe verū negare nō poſſent, ab inſidias ſe cōuerterunt. Mihi quoque ſæpiſſime eiufmodi cōtingit triſtitia. Cū enim arguor a cōſcientia, doleo & ægre ſero. Acerbus enim apud eos, qui latere ſtudent, eſt ſtimulus veritatis. Et homines ambitioſi moleſte ferunt, cū reprehenduntur. Aperite ſepulchrum meū, & vermes apparebunt. Tollite fictionis operculum, & quid intus ſit, facile perſpicietis. Videbitis actionis meæ virtutem. Phariſaicam ſimilitudinem agnoſcetis. Hac vna re ab illis diſſero, quod ego, quid ſim, fateor. Quamobrem orationibus veſtris me procul a pœna, quam mereor, abſuturum ſpero. Magni enim intereſt, vt in tempore iniquitatem confiteare, & cōfitendo principis iracundiam vites. Non parui momenti eſt, vt iudicem tibi, culpam non negando, beneuolum ac propitium reddas. Phariſæi nanque in pertinacia ſua permanentes cum Hieruſalem capti ſunt. Et ſimulatam iuſtitiam iactitantes peccatoribus conſitentibus deteriores extiterunt. Itaque ab initio Chriſtus dicebat eos in ſto

lis ambulare. Quin etiam per Sophoniam prædixerat ſe venturum & reprehenſurum illos, viſitabo, inquiens, eos, qui veſte induci ſunt peregrina. Semper ab illo reprehendebantur, quod iuſtitiam ſimularent. Si aliena veſtimenta geſtabant, quorum erant illa veſtimenta? Ego quidem dicerem Prophëtarum, quoniā in illis populus erudiebatur. Ouium enim & caprarum pellibus, vt Paulus ait, induebantur in ſolitudine nimirum. Nam in ciuitatibus habitum mutabant. Neque enim ſcire volebant homines, quid ipſi facerent. Peregrinus igitur erat habitus Phariſæorū, qui, cū eſſent inſipientes, ſapientium præceptorum more veſtiebantur. Pelliceæ quidem veſtes erant illis ad comparationem. Nam populo volebant eſſe conſpiciui. Pelliceas autem habebant vt ad exercitationem

Mat. 12.

Soph. 1.

Heb. 11.

accommodatas. Temperantia enim calore indiget Et habitus erat congruens, tum domi, tum etiam foris, Temperantiæ enim inopia prodest. Intelligentia porro per meditationem, & prudentia per temperantiã proficit & augetur. Vtraque tam sapientibus q̃ prophetis erat necessaria. Illis quia docebant, his quia reprehendebant. Quapropter & habitu egebant vtrique. At Pharisei neutram vitæ rationem seruabant, quia nec sapientes erant, nec prophete. Quocirca Dominus eos meritò reprehendebat, quòd auaritiæ non veritati vacarent. Ego autem vobis, fratres, meipsum indico ac reprehendo, ne repente, cum Dominus causam meã cognouerit, rideatis. Opus enim cuiusque, 1. Co. 3. vt inquit Apostolus, ignis probabit. Quòd si nouit opus explorare, quanto magis habitum diiudicabit. Siquis enim iustorum habitum induit tanq̃ iustus, non reicietur. At si quis indignus illum assumpserit, spoliabitur. Hic est ille, de quo in Euangelio scriptũ est: Diuidet eum. Habitus enim significat dignitatẽ. Episcopus enim, & presbyter, & Diaconus, ac reliqui vt dignitate, sic etiam habitu distinguuntur. Qui reperiuntur indigni, spoliabuntur. Non de operibus dictum est illud: Diuidet; Nam ignis opera mala simul cum auctoribus eorum comburet: sed de nomine, & habitu, ac dignitate. Gloriam enim & honorem amittent, & ignominiam induent ac confusionem. Vestimenta decus aut turpitudinem indicant. Id quod etiã in hoc mundo intelligi potest. Alio enim habitu induti sunt capite damnati, qui trahuntur ad suppliciũ, & alio, qui in aliqua sunt dignitate constituti. Ex terrenis cœlestia cognoscamus, & ex talentis illis, quæ Christi ministris sunt distributa, tum dedecora intelligamus, tum dignitates. Non omnibus talenta distribuit Deus, sed seruis suis. Itaque & Monachi vt mihi quidem videtur, talentum acceperunt. Quamobrem & habitu ab iis, qui in mundo viuunt, distincti sunt,



# SE IPSVM REPREHENDIT,

Quo quidem habitu modestiam & propositum suū  
 præferunt. Quocirca de habitu etiam iudicium fit.  
 Quandoquidem habitus professionis vim indicat.  
 Quare qui aliud, q̄ professus est, facit, alienum habi-  
 tum sumit. Cuius autem est hic habitus, nisi eorum  
 qui faciunt illum alienum? Siquidē de sermone etiā  
 otioso iudicamur. Ecquis est sermo otiosus? Professio  
 fidei, quę caret operibus. Credit enim, & Christum  
 profitetur, sed otiosa atque iners est, cū ea minimē  
 faciat, quę a Christo præcepta sunt. Est alius itē otio-  
 sus sermo cū quis confitetur, & non emendatur. cū  
 dicit se pœnitere, & peccare non desinit. Et detrahen-  
 tis otiosus est sermo, quoniam eum, cui detrahit, præ-  
 sentē cū videt, obmutescit. Et qui timidē reprehen-  
 dit ac corrigit, otiose loquitur, quoniā eius sermo nō  
 habet robur aut firmitatem. Et qui mendacia fingit,  
 eodem laborat vitio, quippe qui profert ea, quę nec fa-  
 cta, nec visa sunt. His autem criminibus sumus obstri-  
 cti. neque enim temere a me instituta hæc est indaga-  
 tio. Aperio vobis, fratres, ægritudinem meam, vt cu-  
 randis vulneribus meis orationis vestræ medicamen-  
 tum adhibeatis. Studeo vobis actiones meas singulas  
 aperire. Nam si verum coelauero, mihi ipse afferā de-  
 trimentum. Multi præ pudore tacendo morbum insa-  
 nabilem efficiunt, quem postea prænitet medico non  
 ostendisse. Ego vero nisi me peccata mea propter mul-  
 titudinem effugerint, eorum turpitudinē non abscon-  
 dam. Satiū enim est, opem petendo viuere, q̄ præ ve-  
 recundia tacendo fame confici. Et magis expedit, do-  
 lorem ferendo a morbo liberari, q̄ quiescendo talem  
 morbum efficere, vt nullam recipiat curationem. Læ-  
 talem igitur in me locum quendam habet otiosus ser-  
 mo. Quid ita? quia nō id ago, quod habitu profiteor.  
 Quia post boni cognitionem, in malo persisto. Quia  
 quę bona sunt, doceo, & opere non perficio. Multa,  
 fratres, ad vos & ad alios complures conscripsi, quę

quidem scribens sententiam in me ipse tuli. Et cum male agerem, animaduvertebam, & perseverabam. Iudicabam monachos, cum ipse monachi tantum habitum circumferrem. Ea mihi tantis in malis sola reliqua est consolatio, Quod nemini offendiculum aut scandalum peperit. Malum commisi, sed huius nulli testes sunt homines. Alios scriptis reprehendi, sed mordax acerbusque non fui. Iustitiam violaui ad misericordiam inclinans, sed id in me non praestitit. Fratribus cibos male distribui, non tamen eos propinquis meis dedi. Ventrem impleui, non tamen epulis sumptuosus. Ieiunium solui, non tamen contempsi. Temperantiae studium accurate laudaui, sed ad tempus aliquando illud ipse remisi. Mendacium dixi, inuitus tamen & imprudens. Preces & orationem neglexi, non tamen per contemptum & impietatem. Ad decantandos psalmos piger accessi, non tamen secularium distractus familiaritate. Operi manuum non incubui, nec tamen cuique grauis fui. Multis locis a veritate discessi, nec tamen omnino quenquam offendi. Obsecro igitur, ut mihi in terra iacenti manum porrigatis. Surgere enim cupio, sed non possum. Quoniam me peccatorum onus affligit. Surgere studeo, sed mala humi me detinet consuetudo. Oculos equidem aperio, sed magna in caligine & tenebris incedo. Manum moueo, sed veluti paralyticus. Tranquillus videor, & tamen mœreo. Bonum animi propositum habeo, sed vi quadam impediior. Amicos & hospites diligo, sed non ut debeo. Pietatis sum cultor, sed tepidus. Diligentibus me beneque mœretibus in amore officiiisque respondeo. Inimicos meque afficientes iniuria si minus ulciscor, non tamen amore ac beneficiis prosequor. Iis, qui me oderunt, infensus sum, sed tamen insidias non struo. Peccandi causas si minus quaero, non tamen diligenter fugio atque declino. Gloriam & si non aucupor, non tamen contemo. In omnibus denique actio-

## DE CHARITATE

nibus meis supinus sum quidam ac negligens. Proinde tanquam paralyticus ac nervorum dissolutione laborans opem & auxilium & misericordiam imploro. Cum enim æger sim, egeo medicina, quã tamen haud diligenter inquirō. Morbum utcumque meum intelligo, & curantis manũ desidero, sed reformido. Quamobrem, fratres charissimi, cum quibus in malis verser, perspiciatis opitulamini. Quod si studiosè celeriterque feceritis, de Dei benignitate minime despero. Liberavit olim & Moses Mariam sororem a lepra. Et David Ionatam a iudicio Dei propter affectionem. Et Elias viduæ filium a morte. Et a fame viduam Eliseus, & Sunamitidem a luctu. Quid in Euangelio? quam multi precibus aliorum fuerunt a variis calamitatibus liberati? Nam de Salvatore quid attinet dicere, cui ea, quæ videntur fieri non posse, sunt facilia? Animas enim eorum, qui aliis consolationem afferebant, sed propter transgressionem se liberare non poterant, ipse liberavit. Hæc, quæ audiulistis, partim a vobis fieri possunt, partim nequeunt. Quod igitur potestis, id nobis, quæadmodum illi præstare. Atque illud etiam, quod a vobis fieri non potest, concedetur, & donabitur a Deo, qui infinitæ pelagus est misericordiæ, si mihi precibus vestris conciliabitur, propitiusque reddetur. Quo enim ipse hominibus antecellit, eo vos digni efficiemini. Nam omnem mortalium humanitatem clementia sua facile superabit. Sanctorum enim est, pro peccatoribus intercedere: Dei vero, misericordiam impertiri, & oves, quæ aberrando perierāt, ad ovile suum reducere in Christo Iesu Domino nostro, per quem, & cum quo, patri gloria & imperium cum sancto Spiritu, nunc, & semper, & in secula seculorum. Amen.

*De charitate.*

**S**I tibi ea potestas concessa sit, frater charissime,



vt linguis omnibus loquaris , & spiritus scias distin-  
 guere, & omnes ægitudines curare, caue, ne charita-  
 tis fructibus spolieris , & his muneribus elatus desi-  
 nas Dei misericordiam implorare: Cumq; magnus il-  
 le Rex iustos a peccatoribus separabit , ad sinistram  
 constitutus audias verba illa maxime formidanda :  
 Discedite a me maledicti in ignem æternum. Scriptum Mat. 25.  
 enim est: Non omnis, qui dicit mihi, Domine, Domine, Matt. 7.  
 ne, intrabit in regnum cœlorum , sed qui fecerit vo-  
 luntatem patris mei, qui in cœlis est . Multi enim di-  
 cent mihi in illa die: Domine, Domine, non ne in no-  
 mine tuo prophetauimus , & in nomine tuo Dæmo-  
 nia eiecimus, & in nomine tuo virtutes multas feci-  
 mus? Et tunc confitebor illis: Nunq̃ noui vos: Disce- Matt. 7.  
 dite a me omnes qui operamini iniquitatem . Quid  
 ita? Quia charitatem non sunt amplexi nam, vt scri-  
 ptum est, qui fratrem suum, quem videt , non diligit, 1. Io. 4.  
 Deum, quem non vidit, quomodo potest diligere? Ser-  
 uus ille, inquit, qui nouit voluntatem Domini sui, &  
 non fecit, vapulabit multis. Qui autem non nouit, & Luc. 12.  
 fecit digna plagis, vapulabit paucis . Quamobrem & 1. Cor.  
 adhuc excellentiorem viam, inquit Apostolus, vobis 13.  
 demonstro: Si linguis hominum loquar , & Angelo-  
 rum, charitatem autem non habuero, factus sum ve-  
 lut es sonans, aut cymbalum tinniens : Et si habuero  
 prophetiam, & nouerim mysteria omnia , & omnem  
 scientiam, & si habuero omnem fidem ita , vt montes  
 transferam , charitatem autem non habuero , nihil  
 sum. Et si distribuero in cibos pauperum omnes facul-  
 tates meas, & si tradidero corpus meum ita vt ardeā,  
 charitatem autem non habuero , nihil mihi prodest.  
 Charitas patiens est, benigna est. Charitas non æmu-  
 latur, non agit perperam, non inflatur , non est ambi-  
 tiosa, nō quærit, quæ sua nō sunt, nō irritatur, non co-  
 gitat malum, non gaudet super iniquitate, congaudet  
 autem veritati, omnia credit, omnia sperat, omnia su-

## DE VITA SPIRITALI

**Finet.** Charitas nunq̃ excidit. Ecce, vim charitatis, dilectissime, audiuiſti. Hanc tu in omnibus operibus tuis, vt obtineas, ſtude, vt cœleſti gratia duce laudem apud Deum aſſequare. Obſecro autē vos, fratres chariſſimi, vt me ſeruū inutilem, precibus veſtris Domino commendetis, ne verba ſermonesq̃; mei contra **Heb. 10** me ſint in aduentu Domini noſtri Ieſu Chriſti. Nihil enim mihi conſcius ſum. Sed terribilis quædam me mouet expectatio iudicii, & ignis æmulatio, quæ conſumptura, eſt aduerſarios. Deus autem per miſericordiam ſuam mihi quoque licet indigno vobiſcum & cum reliquis electis ſuis in regnum ſuum ingredi permittat. Et Dominus Ieſus diffundat charitatem ſuam in cordibus noſtris, cui gloria, & imperium in ſecula ſeculorum. Amen.

*De vita ſpirituali conſilium, ad Amocum, qui paulo ante ſe vitæ monaſticæ addixerat.*

**L A V D O** fidem & ſtudium tuum, qui ab homine peccatore cupias aliquid audire, quod tuo viuendi inſtituto prodeſſe queat. Idq̃; non ſemel, aut bis, ſed ſæpe flagitaueris, quod animi, virtutis amore ardentis indicium eſt. Me vero deterret operum diſſimilitudo, quorum fœtor eſt intolerabilis. Rurſum, vt obſequar tibi, illud me cogit, quòd te auidiſſimum video audiendi ea, quæ pertinent ad timorē Dei. Qui enim vitam diligunt ſpiritalem, iis, quæ ad virtutem excolendam ſpectant, audiendis oblectantur. Qui autem ad ſeculi vitam propenſi ſunt, ſermones ſpirituales audire cōtemnunt, & eos, qui de illis loquuntur, interpellant. At de vitiis ac voluptatibus audientes verba, nulla vnq̃ afficiuntur ſatietate, quin etiā cibo & ſomno priuari ſe malunt, quàm eiufmodi nugis finem imponere.

**2** Tu verò inutilibus ſermonibus contēptis, in ſpi-

ritalibus insiste, vt te Dei memoria nunq̃ deserat. malus enim ac bonus odor simul esse non possunt.

3 Siue in itinere, siue in nauigatione, siue in cellula tua, siue in iuniorum, siue in seniorum congressu fueris, summisse te semper atque humiliter gere. Prudenter & cōsideratē labores suscipe, vt nulla ex actione tua detrimentum accipias.

4 Sit tibi victus simplex ac necessārius, ne mēs tua crapula, & ebrietate, & curis vitæ torpescat, atque hebes fiat. Qui eiusmodi cupiditatibus seruiunt, ii nec libidinem, neque adulterium fugiunt, neque ea, quæ a gentibus Deum ignorantibus fiunt, auersantur, sed porcis, qui in luto volutantur, similes, sine timore in omnia flagitia præcipientes ruunt, nec legis, nec prophetarum memores, nec Domini ipsius, qui vt peccatum destrueret, factus est homo. Sub pietatis igitur specie sibi placentes, mente capti sunt, & obcæcati, & vitiis sese omnibus inuoluunt, quia Dei timorem neglexerunt. Quamobrem carnis esu, & vini potu ne delectare, vt mens tua ad munera spiritalia suscipienda sit idonea.

5 Si cum fratre de cogitationibus colloquaris, & lingua tua ab eo deflexerit, quod rectum est, propterea quod anima tua capta sit a cogitationibus voluntatis, caue, ne ioca & facetias, atque vrbānitatem immisceas, vt sensum tuum contegas, ne a proximo reprehendaris, ex quo fiat, vt neque illi satisfacias, & te pestifero tradas Dæmoni. Precatione & silētio potius vttere, & ad te Spiritus sancti gratia reuertetur, nec mentis insānia laborabis.

6 Si nouitii ac tyronis cura tibi commissā sit, isq̃; bonum & suauē Christi iugum excusserit, ita vicem illius dole, ne nimia doloris ac sollicitudinis magnitudine oppressus, creatorem tuum offendas, simulq̃; pereas. Neque enim si scapha decidat, nauis etiam est negligenda.



## DE VITA SPIRITALI

7 Ad Domini voluntatem referantur actiones tue, & liqueis Diaboli non implicaberis. Eius enim mos est, malum sub specie boni machinari.

8 Si mansionis præfectum pro fratre, qui eiectus est, depreceris, noli precibus tuis patrem cogare, sed ita mone, ut rem diuinæ cōmittas voluntati. Quin scis enim, an ille ex animo resipuerit? an ingressu suo reliquos sit fratres perturbaturus? Quauis exigua scintilla in arcam incidēs, facile totius anni labores exurit.

9 Necesse est, ut quisque proximum ferat, quantum ratio postulat. Beatus autem, qui spe in Deum adductus fert proximum suum. Væ illi, qui fertur, & non intelligit.

10 Qui in solitudine vitam degit, a tribus impugnationibus liber est, quæ nimirum ab oculis, & auribus, & lingua profisciscuntur. Qui autem in fratrum cœtu & contubernio conquiescit a tribus item est sollicitudinibus liber, nempe ab emptione, venditione, & latronum incurso.

11 Si contigerit, ut cum iis, qui adolescentia & pulchritudine florent, verba facias, oculos tuos custodi, ne cupiditas turbet animum tuum, & sermones studii, & affectionis plenos incipias in longum ducere, summisque labiis de modestia ac tēperantia loquens, mentem tuam libidine contamines. Cū igitur in eiusmodi congressum incideris, verbis paucissimis sermonem absolue, ac silentio utere. In multiloquio enim, ut scriptum est, non deerit peccatum. Et consuetudines ac familiaritates huiusmodi non mediocrem afferunt animæ detrimētum. Quamobrem eas præcide, semper sollicitus, ne te in errorem aut peccatum ali-  
Pro. 10. quod alliciant.

12 Eo quisque plus proficit, quo voluntatem suam magis deiicit atque submittit. Quanto autem quis in voluntate sua perstat obstinatius, tanto maius sibi dedecus & ignominiam parit. Noli igitur propriæ vo-

luntati deferuire, sed pare potius voluntati Dei.

13 Siquis monachus per negligentiam a proprio statu defecerit, impudentiam illi subiicit inimicus, ne sit tristior modestiorq; fuerit, patrum prudentia com-  
monitus resipiscat, ac redeat ad bonam frugem.

14 In Christo subiici ne recuses. Inde enim fructus stabilis ac tutus proficiscitur.

15 Si quis Diaboli fraude deceptus a recte instituta viuendi ratione deflexerit, neque vlllo tamen odio aut inuidia exarserit aduersus illos, qui in bono proposito perseuerant, non sinet eum Deus in errore versari, sed ei manum porriget, vt excitetur, quod non abiecerit charitatem. Qui autem sibi ipse videtur stare, si arrogantia tumidus alios despicere atque odio prosequi perrexerit, magno in periculo versabitur. Odiū enim oculis eius tenebras offundet, vt vbi consistat, videre non possit.

16 Si in domo Dei ad spiritale sacrificium constiteris, alacri animo psalmis canendis incumbito. Nam si tu silueris, silebo & ego, silebit & proximus, atque ita cantus necessario dissoluetur. Quamobrem haud ita fiat. Qui enim Principem aut Regem in theatro faustis acclamationibus excipiunt, siquem in propinquo silentem aspexerint, cum ipsi clamoribus disrum-  
pantur, eum vt illo indignum loco deturbant. Oportet igitur, vt nos item animo minime remisso aut negligenti supplicationibus decantandis incumbamus.

17 Væ hominibus iniustis, væ impudentibus, væ delicias & voluptates sectantibus, væ superbis. In ipso enim mortis articulo, & angustiis inferni, suo periculo discent, Dei timore nihil esse præstantius.

18 Bonorum familiaritatem dilige, malorum fuge. Neque enim benefici, aut latrones, aut fures nati sunt tales, sed euaserunt, cum illis versantes, quorum corrupta mens erat a Satana, Deus enim fecit omnia Gen. 1.  
valde bona.

## DE VITA SPIRITALI

19 Noli balneis, aut esu carnum delectari, ne in gra-  
uia peccandi pericula incurras.

20 Virtutes & rectam fidem amplectere. quis enim  
virum, qui vitam suam sic instituit, beatum non arbi-  
tretur? Cùm è cellula tua negotii cuiuspiam, aut con-  
ueniendi alicuius gratia discedis, oculos tuos muni,  
& animum piis cogitationibus institue, sic illum al-  
loquens: Egressus es non tanq̃ pictor, vt hominũ for-  
mas effingas atque exprimas. Diligenter attende ti-  
bi. Quomodo enim, si rebus, quæ sensibus subiectæ  
sunt, fueris occupatus, iis, quæ non videntur, vacare  
poteris, atque in Dei recordatione tete oblectare &  
conquiescere?

21 Desine aliena mala curiosè peruestigare, ne pia  
mens tua merito corrumpatur.

22 Silentium cole, a multis enim te sordidus libera-  
bit. Peccatorum supplicia assidue meditare, & operã  
da, ne eisdem tu quoque paulo post afficiaris.

23 Nonne domum aliquando in luctu & squalore  
versantem ingressus es, & ex illa conspectu eius mœ-  
rore, q̃ primum exire concupisti? ex caducis & breui-  
bus coniice sempiterna. Scriptũ est enim: Da sapien-  
ti occasionem, & sapientior fiet.

Pro. 9.

24 Si ad te de migratione cogitantem accesserit quis  
piam, & vicem tuã commiseratus, migrationis propo-  
situm collaudarit, caue, ne temere eius consilium pro-  
bes. Sin aliquis te cœperit reprehendere, & in propo-  
sito vt maneat cohortari, huius commonitionem po-  
tius audi. Qui enim liberè fratres arguunt, eorum sa-  
luti magis consulunt.

25 Quot desperationis cogitationes eos potissimũ  
inuadant, qui degunt in solitudine, etsi paucos arbi-  
tror ignorare, tamen confirmandi tui gratia nonnul-  
las persequare.

26 Cùm animus permittit, sensus a rebus caducis  
occupari, tanq̃ desertor ac transfuga a præclara illa



honorum futurorum contēplatione, ac studio, spēq;  
deficiens, in rerum inanium cogitatione defigitur,  
atque illis perfrui concupiscit, inuidiæq; ac malitiæ  
seruus constituitur.

27 Hei mihi, quid faciam infœlix? Magna est imbecillitas mea. Solitudo, & paupertas, & languor occupant me. Opus facere non valeo, quæritare erubesco. Commodis & fortunis domesticis exutus sum. Quī rebus secundis frui poteram, in aduersas me sponte conieci. Ludibrio ac contemptui sum iis, qui me beatum existimabant. Mœror ex calamitate me comprehendit. Nemo adest adiutor, nemo cōsolator. In ignominia & sordibus relictus sum. Ille ad sacerdotium, alius ad dignitatem prouectus est. Ego hic contēptus, inglorius, abiectusq; maneo. Nemo me inopia & egitudine laborantem miseratur. Ille diuitiis abundat. Ille discipulorum taterua stipatus incedit. Quamobrem cum viris gloria diuitiisq; præstantibus versantur, & viuunt. Ego verò in sordibus versor, & victu etiam indigeo quōtidiano. Illi splendidis sunt vestimentis ornati. Mihi defunt etiam indumenta necessaria. Quid? quòd illi cū vitæ dies iucundè traduxerint, aromatibus condiuntur, & splendido funere elati præclaris in tumulis sepeliuntur, in quibus Epitaphia insculpta nomen eorum æternum conseruant? Mihi vero cū ad vitæ finem peruenero, forte ne sepulturæ, quidē honor contingeret, sed ipsa cellula propter inuisentium inopiā mihi sepulchrum fiet. Cor meum dolet, & quid faciam? Defecerunt oculi mei, Dum assiduo obtutu fores aspiciunt, & nemo pulsat. Mœrore conficior, & nemo cōsolatur. Summa excrucior sollicitudine, & nemo miseretur.

28 Hei mihi, quia deficiunt in dolore dies mei. O homo, sic animam tuam alloquere: Quare tristis es anima mea, & quare conturbas me? Spera in Deo, & ipse prauas tuas. diriget cogitationes. Iis, quæ terrena

Psal. 41.

## DE VITA SPIRITALI

sunt, incumbendo, eiusmodi te laqueis implicuisti, Nullus homo, mihi crede, qui in statu suo, seu clarus, seu obscurus ille sit, ex Dei voluntate se geret, reicietur. Quisquis autem caduca sectatur, iustorum se spoliatur consolatione.

10. 12.

Col. 3.

29 Quamobrem si gaudio illo perfrui concupiscis, malis cogitationibus, quæ nos a Deo seiungunt, adiutum ne patefeceris. Nō mentitur enim ille, qui dixit: Qui amat animam suam, perdet eam, Et qui perderit animam suam propter me, inueniet illam. Quapropter, & Apostolus, Mortui enim estis, inquit, & vita vestra abscondita est cum Christo in Deo. Cū igitur apparuerit vita vestra, tunc & vos apparebitis in gloria.

30 Cur igitur res istas caducas, quæ fluminis instar aufugiunt admiraris? Quid proderit splendida funeris pompa? Quid ornamenta sepulchri, & vanæ laudationes homini proderunt impio, qui nullam quietem inueniet?

31 Quid illi profunt aurea laquearia? quid lectuli eburnei? Quid stragula vestis, & pretiosa supellex, cuius animus in corpore ipso tanq̃ in tetro carcere a feris cupiditatibus laniatur, & a Dracone cōuellitur? Quid hinc emigranti animæ proderit cura multorū, qui circa corpus in funere ornando occupabuntur? nisi in celebri illo cōtū, & in Ecclesia magna laus a Deo contingat? Noli igitur caduca & fugacia hæc, quæ veluti cera liquecunt, admirari. At illi cum viris principibus familiariter viuunt. Tu vero per orationem cū Rege omnium Deo versaris. Tū vnigeniti filii Dei corpore vesceris, & eius sanguinē bibis. Gaude & lætare, te dignum effectum esse, qui templū sis Dei. Ne despondeas animum, quod in hac vita sis inglorius & abiectus, quod morbo, aut senectute, aut inopia labores. Qui enim cœli volucres pascit, tui minime obliuiscetur. Si cæcitatem times, cogita, eam

viris etiam iustis accidisse. Quemadmodum legimus de Isaac, qui cum Iacob ab ipso veller benedictionem **Gen. 27** accipere, accede, inquit, fili, ut tangam te, & probem, utrum sis filius meus Esau, an non. Mentis autem oculis homines sancti cernunt acutissimè, sunt enim ab omni malitia integri & puri. Hos oculos tu itè a malitia integros serua, & de corporis morbo noli esse sollicitus. Deo enim cura est de nobis. Si tibi deesse doles victui necessaria, considera Herodem diuitiarum & voluptatum copiis abundasse, præcursores autem ut hominem nequam & sordidum in carcere fuisse detentum. Verax enim est ille, qui dixit: Vos afflictio **Io. 16.** nem in mundo sustinebitis. Mundus gaudebit, vos autem contristabimini, sed tristitia vestra vertetur in gaudium.

32 At ego, inquires, in miseria & obscuritate vitam transiens, nullam post mortem memoriam mei relinquam. Morbus hic est animi summa dementia, & inanis gloriæ cupiditate laborantis. Quam multos putas obscuros adhuc in orbe viuere, qui pro Seruatore nostro Deo persecutiones pertulerunt? Illi ergo, qui vitam in montibus, in speluncis, & in cauernis terræ traduxerunt, quorum memoria ab hominibus non celebratur, perierunt? Minime vero. Nam eorum nomina in cælo descripta sunt. Cœlestia igitur, non autem terrena meditare. Iustorum enim conuersatio in cælis est. Quare labores ærumnasque ne fugito. Atqui nos item, qui relinquimur & residui sumus, eos, qui in laboribus, & angustiis, & necessitatibus Domino placuerunt, beatos arbitramur. Quamobrem si iustorum cohæres esse vis, noli humilitatem despicere, noli in rebus asperis & aduersis patientiam abiicere, ut vitam, & lætitiā, & gloriam æternam consequare. Neque enim, ut inquit Apostolus, dignæ sunt passionnes huius temporis, quæ cum illa gloriā cōparentur, quæ reuelabitur in nobis. Quod si nulla in te decipi, **Rom. 8.**



## DE VITA SPIRITALI

aut labi vis, crede, te nihil agere aut cogitare, quod Deum lateat. Porro quòd omnia sint Deo comperta & cognita, ex historia Elisæi facile potest intelligi.

4.Reg.6. Cùm enim bellum esset inter Regem Israel & Regē Syriæ, Rex autem Syriæ consilium iniret cum seruis suis, dicens: In loco illo, & illo ponamus insidias: mihi sit Elisæus ad Regem Israel, dicens: Caue, ne trāseas in locum illum, quia ibi Syri in insidiis sunt. Misit itaque Rex Israel ad locum, quē dixerat ei vir Dei, & præoccupauit eum, & obseruauit se ibi non semel, neque bis. Conturbatumq; est cor Regis Syriæ pro hac re, & conuocatis seruis suis, ait: Quare non indicatis mihi, quis proditor mei sit apud Regem Israel? Dixitq; vnus seruorum eius: Nequaquā, Domine mi Rex, sed Elisæus propheta, qui est in Israel, indicat Regi Israel omnia verba, quæcunque locutus fueris in conclaui tuo. Si nihil eorum, quæ clā gerebantur, latebat Prophetam, quomodo rerum omnium creato rem latere quicquam poterit? Itcirco nobis præceptum est, vt abditis in locis precibus incumbamus.

Matt.6. Tu autem, inquit Dominus, ac Saluator noster, cùm oraueris, intra in cubiculum tuum, & clauso ostio patrem tuum ora in abscondito, & pater tuus, qui videt

Iob.26. in abscondito, reddet tibi in manifesto. Abiciamus igitur omnem malitiæ cogitationem, ne diffuamus. Nudus enim est infernus coram illo, & nullū est operimentum perditioni. Ne timeas igitur, neque dubites: Siue enim velimus, siue nolumus, in oculis Domini versamur. In rebus aduersis & asperis latere. Variis enim ex floribus coronæ texuntur. Et per multas tribulationes ingrediuntur iusti in gaudium Domini. Hos debemus & nos semper imitari.

33. Animarum curam ne concupiscas. Cùm enim ad eum gradum nondum perucneris, vt omnibus imperes animi perturbationibus, & te ipsum, & eos, qui te sequerentur, læderes. Quòd si inuitus ad eiusmodi

munus

munus pertraheris, summam in eo administrando adhibe diligentiam, non ut ea, quæ tibi placent, efficias, sed ut ei pareas, qui tibi ouium ratione præditarum curam & gubernationem commisit. Sic enim loquitur per Ezechielem prophetam: Væ pastoribus Eze. 34. Israel, qui pascebat semetipsos. Nonne greges a pastoribus pascuntur? Lac comedebatis, & lanis operiebamini, & quod crassum erat, occidebatis, gregem autem meum non pascebatis. Quod infirmum fuit, non consolidastis, & quod ægrotum non sanastis. Et quod confectum est, non reduxistis. Et quod perierat, non quaesistis, sed cum austeritate imperabatis eis, & cum potentia. Et dispersæ sunt oves meæ, eo, quod non esset pastor: & factæ sunt in deuorationem omnium bestiarum agri, & dispersæ sunt. Errauerunt greges mei in cunctis montibus, & in vniuerso colle excelso, & super omnem faciem terræ dispersi sunt greges mei, & non erat qui requireret. Non erat, inquam, qui requireret. Propterea, pastores, audite verbum Domini. Vivo ego, dicit Dominus Deus, quia pro eo, quod facti sunt greges mei in rapinam, & oves meæ in deuorationem omnium bestiarum agri, eo quod non esset pastor. Neque enim quesierunt pastores gregem meum, sed pascebant pastores semetipsos, & greges meos non pascebant, propterea, pastores, audite verbum Domini: Hæc dicit Dominus Deus: Ecce ego ipse super pastores requiram gregem meum de manu eorum, & cessare eos faciam, ut ultra non pascant gregem meum, nec pascant amplius pastores semetipsos. Et liberabo gregem meum de ore eorum, & non erit ultra eis in escam.

34 Hoc ex loco facile potest intelligi, quantum illi periculum imminet, qui superbè & negligenter subiectos regit. Quamobrem, qui alijs præest, & peritissimus esse debet, & omni studio salutis subditorum consulere, & singulorum incessum, & gestus, & habitum considerare, & corrigendo quæ minus decora & con-

## DE VITA SPIRITALI

uenientia videbuntur, ad optimū ea statum, formāq; redigere. Magistri enim nō solū elementorū figurarū discipulis ostendunt, sed minima etiam puncta distinctionesq; docent. Ita præfecto, nihil quanuis minimum, quod ad salutem spectet est omittendū, quin fratribus indicet. Doceat etiam, quæ sint parata supplicia negligentibus, vt eo tanq̃ muro culpam ab innocentibus arceat q̃ longissimè. Lupi enim cū studiū & vigilantia pastoris animaduertunt, ab ouīū gregibus aufugiūt. Nihil æque iuniorum animos ad salutem & labores accendit, ac si doctorem viderint opere & exemplo ad virtutem cohortari. Meipsum intuemini, atque ita facite.

35 Nos verò, qui discimus, & aliorum imperio subiecti sumus, ad parendum prompti esse debemus, & ab omni contumacia alieni, coram Deo, atque hominibus semper modestiam & humilitatē amplectentes.

Quod si nobis præfectus & magister contigerit, qui virtutem verbis tradat, factis autem negligat, caueamus, ne ex ea re Diabolus ad euertendam animā nostram rapiat occasionem, sed verborum illius memores simus, qui, super cathedram, inquit, Moyſi sederunt scribæ & Pharisei. Omnia ergo, quæcunque dixerint vobis, seruare & facite, secundum opera verò eorum nolite facere, dicunt enim & non faciunt.

Matth.  
23.

36 Caue, ne proximo tuo scandalum vnq̃ aut offendiculum parias, minas illius veritus, qui sic loquitur per Prophetam: Ve qui potum dat amico suo, mittēs fel suum, & inebrians, vt aspiciat nuditatem eius. Et

Aba. 2.

Eze. 34.

Deus: Ecce ego iudico inter pecus & pecus, arietem & hircum. Nonne satis erat vobis pascua bona depasci. Insuper & reliquias pascuarum vestrarum conculcabitis pedibus vestris, & cū purissimam aquam biberetis, reliquam pedibus vestris turbabatis, Et oves meæ iis, quæ conculcata pedibus vestris fuerant, pascebantur. Et quæ pedes



vestri turbauerant, hæc bibebant. Propterea hæc dicit Dominus Deus ad vos. Ecce ego ipse iudicabo inter pecus pingue & macilentum. Pro eo quòd lateribus & humeris impingebatis, & cornibus vestris ventilabatis omnia infirma pecora, donec dispergerentur foras, saluabo gregem meum, & non erit ultra in rapinam, & iudicabo inter pecus & pecus. Nimum igitur nobis ne placeamus. Ex amore enim sui ipsius, tanq̃ stolones quidam, vitia pullulant. Sed amorem proprium expellit charitas, quæ pariter diligit omnes atque complectitur. Magna enim ac pretiosa res charitas est. Ab hac tu ne excidas, diligenter caue. Propriis parcamus membris, proximo nostro virtutis exemplar nos, proponentes in fide, in charitate, in patientia, in castitate, in subiectione, in humilitate, in timore Dei. Ne permittamus a pessimis nos abstrahi voluntatibus, sed labores spiritus amplectamur. Deliciæ enim & animi remissiones optimæ viuendi rationi sunt aduersariæ.

37. Per viâ angustâ atque asperâ incedamus, cordis contritionem diligentes, vt mortis memoria semper nobiscû maneat, & a damnatione liberi simus. Væ, inq̃t, vobis, qui ridetis, quia lugebitis & flebitis. Beati qui lugent, quia consolabuntur. Inclinemus nos, & oculos in sepulchra desiciamus, & naturæ nostræ mysteria cognoscemus. Confusis ac permixtqs ex cadaueribus ossium acervos, & caluaria carnibus exuta intuebimur. Hæc perspicientes nos ipsos in illis tanq̃ in speculo contemplantur. Vbi iuuentutis flos, & pulchritudo? vbi decorus ille genarum color? His cogitationibus carnis cupiditates repellamus, ne in resurrectionis & iudicii die confusi erubescamus. Infirmitatis meæ, quæso, memor esto in orationibus tuis, te ipsum minimè negligens, vt mei, qui vermis putredoq̃ sum, recorderetur Dominus Deus, meq̃; a suppliciis, quæ peccatoribus debetur, ereptum paradisi de-

Luc. 6.

Matt. 5.

## DE VITA SPIRITALI

licii dignum efficiat. Quoniam ipsius est benignitas ac bonitas, & misericordiæ eius super omnia opera illius. Amen.

38 Frater quidem narrabat hanc rem, quam ab altero fratre audiuisse se aiebat. Homo quidam erat in quadam ciuitate, qui mercenarium quendam apud se habebat, cui sua credebatur omnia. Huic solitariæ vitæ complectendæ cupiditas incescit. A quo quidem proposito iuuenem frugi & rebus suis vtilem vt deterre-  
ret, herus nihil propè reliquit intentatum. Sed frustra laborè suscepit. Iuuenis enim mundo renuntians ad Fratres se contulit. Verùm paucis post annis ad mundum redire tentauit, reliquaq; cellula ad herum suum reuersus est. Hic iuuenem semel atque iterum libenter suscepit. Terriò frater, deposita simulationis persona, cum animi sui ægritudinem homini detexisset, vitæ, inquit, solitariæ iugum amplius ferre nō possum. Quamobrè obsecro te, Domine, vt me recipias, eodemq; habeas numero, quo olim habebas. Spero enim me rectius etiā, q̃ antea rationibus tuis consulturum. Ex te nanque acceperam, velle te mihi sororem etiam tuam vxorem dare. Cui ille respondit: si Deo, quæ promiseras nō præstitisti, quomodo te mihi præstiturum sperem? Quibus verbis tanq̃ verberibus iuuenis castigatus ad cellulam suam sese recepit. In laboribus igitur perferendis ne defatigemur. Scriptum enim est: Qui semināt in lacrymis in exultatione metent.

Ps. 125.

39 Ad obseruanda mandata Dei constantiam adhibe; diligentiam autem ad inimici consilia fugienda.

40 A perniciosis congressibus & familiaritatibus sapienter abstine, vt homo interior bene conquiescat.

41 Caue proposito fraudulentus existas & acerbis, ne cum tibi videberis firmus ac stabilis corruas & decipiaris.

42 Mansuetudinem ac lenitatem amplectere, ne sine

vinò ebrius fias, dum arrogantia atque iracundia plenus intumescis.

43 Ne sis voluptarius & contemptor, ne propter te Deus vituperetur.

44 Noli cum scurris & histrionibus versari, ne rebus animi tui sensus corrumpatur, sermones enim ipsorum sunt valde fallaces. Ea nanque fieri a senibus fingunt, quæ sunt iuuenum propria. Iuvenes verò ad vitia & flagitia pertrahunt.

45 Consilia fuge hominum improborum, qui se tum ventris, tum eorum, quæ sub ventre sunt, cupiditatibus addixerunt.

46 Diligere non potest meretrix hominem a libidinibus abhorrentem, nec fur eum, qui ab inferenda iniuria est alienus. Similibus ac paribus quisque delectatur.

47 Voluptatem noli dulcem existimare, ne doloris, qui ex ea profiscitur, haurias amaritudinem.

48 Expecta quotidie vitæ finem, & ad iter illud te para. Qua enim hora minime putas, mandatum affertur. Væ autem illis, quos tunc imprudentes opprimit & imparatos. Cordis compunctio est curandis hominum animis medicina.

49 Qui luctum amplectitur, haud facile peccabit, & qui cordis vacat compunctioni, non cogitat malum. Ex compunctione nascitur fletus, in fletu autem a malis temperamus.

50 Quære, qua ratione superes voluptates, & a rebus ab itinere superuacaneis atque inutilibus. Hoc expedit studio, quod profiteris.

51 Libidinis vitium expelles, si orationi assidue incumbes & sobrietati. Si mentem a malis cogitationibus cohibebis. Si nullum proferes verbum vanum, & non necessarium, considerabisq; nos ab eo iudice iudicandos, qui nullo pacto decipi, aut falli potest. Si ad Dei templum accedes frequenter. Si mortē denique, &



## DE VITA SPIRITALI

extremum iudicii diem assidue cogitabis. Hæc enim gestientem intus reprimunt cupiditatem, animumq; tranquillum & quietum reddunt.

52 Operam da, vt quem tibi locum vel ipse elegeris, vel Deus dederit, in eo maneat æquo animo. Neque enim in loci mutatione aut longinquitate, sed in moderatione mentis, & animi studio situm est, vt ægritudines nostras curemus. Patientia nobis est necessaria, vt Dei voluntati obtemperantes promissiones eius assequamur. Qui vero desidia languescit, otioque distrahitur, tam procul abest a patientia, q̃ ægrotus a bona valetudine. Non in ignauia virtus, sed in ipsa cernitur patientia, quæ semper vicens fouet & corroborat mentem earum rerum contemplatione, quas speramus & expectamus. Hoc enim pabulo pinguescit animus, & vires ac robur concipit, quemadmodum corpus ciborum atque epularum copia. Ab huius muneris gratia si deciderit mens, vere inops ægraq; redditur. Animum igitur a rerum terrenarum cupiditatibus abducito, & in diuinarum meditatione cōtinetō. Quod si feceris, non erit necesse, vt corpus de loco in locum transferas, & temere ac sine Præfectorum licentia peregrinationibus defatiges. Regnum enim cœlorum intra vos est.

Luc. 17.

53 Vbicūque fueris, te nemini grauem, sed oībus irreprehensibilem præbe, vt bene in Dño proficias. Quod si contēptor euaseris, vide, ne in te actionū impiarum auctore & ducē a præstantiore contēptio refundatur.

54 De proximi progressu gratulari & gaudere perfectionis indicium est. Angi aut ob bonam alterius famā & p̃bitatē naturę signū est pessimę & improbissimę.

55 Cū salus tua non inde pendeat, q̃ hic aut ille excidat a salute, aut q̃ a regno cœlorum excludatur multi, cur proximi proficientis gloria cruciaris? Tibi ne soli paratum est gaudium paradisi, quod aliorū salute tristis ac mœstus es? Puri amoris & sanctæ in-

stitutionis opera noli inuidia & grauissima morum  
acerbitate commutare. Nemo te seducat, non homo,  
non Diabolus, non vlla in corde tuo latitans cogita-  
tio. Nulla enim vera virtus aut stabilis esse potest, ni  
si charitati coniuncta sit. Siquis enim, quod quidem  
difficile est, oēs scientias adipiscatur, & tantam fidem  
obtineat, vt, quemadmodum inquit Apostolus, mon-  
tes transferat, charitatem autē non habeat, nihil illi  
proderit, sed a recta semita, quæ ad cœli portas ducit,  
abest q̄ longissime. Quocirca multis lacrymis indi-  
gemus, vt ab odio, & inuidiā, & superbia, atque omni  
diabolica liuoris macula abluamur. Affectionis enim  
est dæmoniæ progressu recte viuientium excrucia-  
ri. Siquidem Dæmones odio imbuti nihil æque cu-  
piunt, q̄ omnes homines pœnitentia interire. Sancti autē  
Dominum suum imitantes exoptāt omnes homines  
saluos fieri, & ad cognitionem veritatis venire. Nam  
charitate pleni æque ac seipsos proximum diligunt.  
56 Si continens es, continentia tua ne extollaris, sed  
cum humilitate Deum ora, vt ad finem vsque sit cus-  
tos tuus. Sæpe enim fit, vt repentinus bestiarum im-  
petus vniuersum vineæ a custode derelictæ fructum  
excutiat & corrumpat.

58 Si diuitiis abundas, noli superbus esse. Nondum  
enim es a periculis & insidiis liber. Nam propter ce-  
leres & dubias rerum vicissitudines incertus est ex-  
rum vsus. Vidi, inquit ille, seruos in equis, & princi-  
pes ambulantes super terram, quasi seruos.

58 Si membris integris & valentibus flores, noli cor-  
poris robore & viribus gloriari. Sed considera quot  
& quanta corpori pericula immineant. Quos enim  
cernimus morbis grauissimis laborare, siue membro  
sint aliquo mutilati, siue ab immundis spiritibus ve-  
xentur, haud ita affecti ex matris vtero p̄dierunt. Sed  
qui hēri florida vigeant ætate, hodie acerbissimis in-  
cōmodis affliguntur. Quamobrē cogita fieri posse, vt

1. Cor.  
13.

1. Ti. 2.

Ecc. 10.

## DE VITA SPIRITALI

paulo post in easdem ipse quoque incidas calamitates. Cum igitur in alio morbum aut ærumnam aliquam perspicimus, in eo nos tanq̃ in speculo contem-  
plemur. Nescimus enim, quid dies crastina sit allatura. Multis profectò doloribus & calamitatibus corpora nostra sunt obnoxia. Quare propriæ consci conditionis & infirmitatis a superbia & crudelitate aho-  
reamus. Et mutua nos humanitate & commiseratione complectentes creatorem nostrum, qui nos egritudinibus tum afficere, tum liberare potest, nobis conciliemus, propitiūq; reddamus. Quauis enim exiguum ad tempus corpus nostrum firma sit valetudine, tamen quid posterior paritura sit dies, ignoramus.

59 Peccatorem ne despice, & innocentē noli ad peccandum prouocare. Vtrūque enim perniciosum & execrandum. Quod si te vtrique vtilem vis exhibere, te illis bonorum operum exemplum præbe, summa lacrymarum effundens in conspectu Dei, vt & in peccatis iacentem excitet, & stantem a peccato prosterni minime permittat. Vnus enim est iudex, qui seruare potest & perdere.

60. Hominum stantium & sese psalmis ad pietatē exercentium cœtum noli cogitationum arrogantia inflatus perturbare. In Deum enim peccare graue est & exitiosum. Porro prophetarum spiritus Prophetis subiecti sunt. Non enim confusionis est Deus, sed pacis.

1. Cor.  
14.

61. Cum sis adolescens, silentium & diligentiam cole. Diligentia enim te gratum conseruat. Silentium autem animæ lucem tuetur, nec splendorem eius tenebris obrui sinit.

62. Semper & in omni actione comes tua sit humilitas. Quemadmodum enim corpus, seu calor, seu frigus sit, indiget vestimento, sic & anima siue prosperis fouemur rebus, siue vrgemur aduersis, semper eget habitu humilitatis. Quam præclara atque excellens



possessio sit humilitas, facile norunt ii, qui iugū illius ferre non erubescunt. Nudus & sine calceis ingredi potius elige, q̄ humilitate spoliari. Nam humilitatis studiosos Deus ipse protégit atque defendit.

63 Quemadmodum vectores non semper in navi permanent, neque viatores in eodem semper hospitio commorantur: Ita nos in hac vita non possumus perpetuo manere. Ex quo fit, vt non secus, atque illi, nos item peregrini atque hospites appellemur. Hæc mentis oculo contemplantēs paremus nos ad vitæ migrationem.

64 Cūm videris te ad virtutum fastigium accessisse, tunc humilitatem tibi maxime necessariam arbitrare, vt fundamentis integris ac firmis, quod super structum est ædificium non corruat, sed tuto consistat.

65 Qui proximo suo foueam parat, incidet in eam: Pro. 26. Et qui præceptorī suo laqueos tendit, scelestus atque impius est, eodemq; dignus supplicio, quo is, qui bene de se meritum ac magistrum suum in manus prodidit iniquorum.

66 Mundo deditum atque addictum hominem non coma aut vestimēta reddunt, sed mali mores, & propensio ad prauas mundi cupiditates. His enim animus inquinatur.

67 Monachum facit non habitus, aut tonsura, sed cœleste desiderium, & diuina conuersatio. His enim optima vita declaratur.

68 Ante tentationem, ne te magnum esse aliquid putēs. Tentatio enim eos etiam sæpe deiicit ac prostermit, qui sibi videbantur stare.

69 Ante tentationem quanta virtute sis præditus scire non potes. Quamobrem præmunendus est animus, & aduersus tentationis impetum vigilandum.

70 Vt in fornace aurum & argentum ignis explorat, sic in tentatione probantur mortalium animæ:

## DE VITA SPIRITALI

71 Auxilio Domini confisi tétationibus ne succumbamus, sed ad cœlestis vocationis brauium in Christo strenue cōtendamus, coronat enim Dominus omnes diligentes se.

72 Si membra tua contegis, ne nuda & aperta ab aliquo videantur: Caue vicissim, ne tu quoque nuditatem cuiuspiam conspicias, ne species aliqua minus honesta resideat & imprimatur in mente tua.

73 Si charitatis officio fungens oleo inungis ægrotantem, oculos, & manus, ac linguam tuam obserua, ne vlla in re modestiæ terminos transilias. Id enim pietas requirit.

1. Co. 3  
64 Membris alterius manum adhibe cum tremore, non aliter ac si res sanctas attingas. Etenim verè sanctum est templum Domini & admirabile in æquitate. Nescitis, inquit, quia templum Dei estis, & spiritus Dei habitat in vobis. Siquis autem templum Dei violauerit, disperdet illum Deus. Téplum enim Dei sanctum est, quod est is vos. Quæ cùm ita se habeant omni cura ac studio cor nostrum custodiamus.

75 Caue a nimia iuuenum cōsuetudine. Multi enim corrupti sunt, & contempti, ac stulti euaserunt.

76 Quieti & somno tantum téporis impende, quantum cogit ipsa necessitas. Quies enim diuturna corpus emollic, & libidinis ignem facile accendit.

77 Qui in lectulis aureis, & eburneis, pretiosi sç; lapidibus exornatis molliter cubant, beatos appellant eos, qui honestis & gloriosis laboribus vacant, licet nequeant illos imitari.

78 Omnes actiones tuas eo dirige, vt placeas Deo. Hæc enim nisi aderit cogitatio, inanes erunt labores tui.

79 In hoc exiguo vitæ curriculo labores amplectere, vt quietem perpetuam assequare. Labor enim abibit Præmiū autem erit sempiternum.

80 Si bonis abundas operibus, cur honestæ ex hac vi

ta migrationis affligit te cogitatio? Qui diuitiis onustus est, lætus in portum contendit, vt in patria cum amicis suis conquiescat.

81 Lucri causa ne tentes amicum tuum, ne incidas in peccatum, cogita illud, quod scriptum est, nolite prudentes esse apud vosmetipsos. Iniqui enim regnū Ro. 12. Dei non possidebunt.

82 Non ad accipiendum, sed ad largiendum prompta sit manus tua. Quoniam, vt ait Dominus, Iesus, beatus est dare, q̄ accipere. Act. 20.

83 Patiens esto, vt multa abundes prudentia. Eximium enim donum est patientia. Quippe quæ iracundiam, & furorem atque arrogantiam expellit, & animæ pacem parit ac tranquillitatem.

84 Si ex militia fugacem & floris instar cadentem gloriam assecutus es, eaq; cogitatio auertit animum tuum a recto proposito, caue, ne succumbas, sed honestos labores ad finem perferto, ne Dei nomen per te vituperetur ab infidelibus, qui, Deus, inquit, ipsum seruare non potuit. Verum, vt ait Dominus, sic luceat lux vestra coram hominibus, vt videant opera vestra bona, & glorificent patrem vestrum, qui in cœlis est. Ac terrenis quidem Regibus militantes, cum præclara pro illis aduersus hostes facinora ediderint, meritis præmiis afficiuntur, nempe gloria quadam breui & inani, & aliquo corporis commodo, quod enim maius tribuant: habent nihil. At illi, qui strenue se gerunt, & fortiter pugnant aduersus immundos & improbos spiritus, cum militiæ cœlestis Angelis numerantur, & gaudium illud percipiunt, cuius non erit finis. Matt. 5.

85 Si vel in cœnobio, vel in solitudine vixeris, ea, quæ a nobis requiruntur, diligenter cura, id est, cor mundum, & spiritum contribulatum. Hæc enim qui possidet, non negligetur a Deo. Qui autem ea contemnunt, magnum adeunt periculum.



## DE VITA SPIRITALI

86 Noli verborum copia, & linguæ suauitate gloriari, sed vt Apostolorum Domini Discipulus simplex orationis genus sectare, Nam externa sapientia gloriari christianis hominibus interdictum est. Qui enim

1. Co. 1 gloriatur, in Domino glorietur.

87 Splendidis vestimentis ne glorieris. Recordare quomodo pellibus ouium Helias indutus fuerit, & Esa. 20. sacro Esaias propheta. Vade, inquit, & solue saccum de lumbis tuis, & calciamenta tua tolle de pedibus tuis. Quali etiam veste Ioannes Baptista vteretur, noli obliuisci. Proinde vestium splendore ne sis conspicuus, sed bonorum operum tuorum splendor luceat coram hominibus, vt Dominus ab omnibus collaudetur.

88 Cum de fide disputas, considera, vtrum habeas opera fidei congruentia. Nam si dicendi tantum & audiendi studiosus es, illud in te iacietur, quod scriptum est: Iac. 2. Vis scire, o homo inanis, quoniam fides sine operibus mortua est? Profecto enim mortui sunt omnes, qui Deum se nosse profitentur, factis autem negant, cum Tim. 1. sint, vrait Apostolus, abominati, & increduli, & ad omne opus bonum reprobi. Tu igitur summis de te atque humiliter senti, ne in sublime elatus, turpiter decidas. Quotidie supplex ad Deum clama. Pone, Do Pfalm. mine, custodiam ori meo, & ostium circumstantiæ labiis meis. Ne declines cor meum in verba malitiæ ad excusandas excusationes in peccatis, cum hominibus operantibus iniquitatem. Lingua enim eorum est membrum exiguum, & magna molitur.

89 Bonorum direptiones, & tormenta, & mortis minæ de constantiæ gradu multos deiecerunt. Alii vero per hæc fortitudinis coronam sunt consecuti. Nonnulli auaritiæ causa proditores euaserunt. Ob inanem gloriam quidam aspernari sunt veritatem. Multi libidinis æstro concitati nequitiae succubuerunt. At illi mortis habentem imperium, hoc est, Diabo-

lum superant, qui Christum in se ipsis semper habet. Nam uictoria nostra Dominus est. Quamobrem siue in bonis operibus proficis, arrogantia ne extollaris. Siue in multis te deliquisse sentis, ne desperes de salute tua. Beatus ille est, non qui bene coepit, sed qui ad finem usque sine crimine perseuerat. Itaque ne demus nos inertie per totum diem, sed hora saltem undecima bene operemur, ut nos item efficiamur digni, qui de manu Domini denarium accipiamus.

90 Si quem nactus eris discipulum, qui negligentia sua religionis iugum abiiciat, noli turbari, neque tristitie locum prebe, ut mens tua grauius excrucietur, ne & te ipsum ledas, & ei nihil prosis. Cogita, qualis fuerit minister Elisei prophete. Quod si ad malitiam ingentem deuenerit, eum tibi in memoriam redige, qui ex Apostolo proditor factus est. Quis adeo stultus atque impius existat, ut peccati causam precepto ri ascribat, ac non potius improbe discipuli uoluntati? Libero enim preditionum arbitrio Deus hominem constituit. Itaque tum premia, tum supplicia sunt proposita. Recte quidem uiuentibus honor & gloria: secus autem poema & ignominia. Est enim peccatum ad mortem. Mortem autem sibi struit, qui in malicia perseuerat, nec a uita prauè instituta ad optimam se confert uiuendi rationem.

91 Cum a lectione rerum diuinarum te senseris abhorre, & spiritalia precepta cōtemnere atque aspernari, animum tuum scite grauem in morbum incidisse. Id enim est initium temeritatis, qua qui egrotant, mortis fructum colligunt.

92 Qui fabrillem artem exercent, non puluerem, non fuliginem, aut fumum respuunt, non mallei strepitum, aut ignis ardorem execratur, sed rudem ferri massam diligenter assidueque tundentes uasa humanis uisibus commoda inde conficiunt. Quamobrem ne nos quidem defatigemur ad uirtutem ac pietatē nos mutuo

## DE EXERCITATIONE

**Hier. 15** cohortantes, pretiosum a uili separemus: dignique uocatione illa & gloria cœlesti efficiamur scriptum est enim: Si pretiosum a uili separaueris, quasi os meum eris. Et beatus, qui semen habet in sion, & domesticos in Hierusalem.

93 Diuinis laticibus irriga animam tuam, ut uigens ac florēs in iustitiā fructum ferat. Oportet enim nos persequi animę utilitatem, quemadmodum animalia terrestria, plantas herbasque depascunt. Anima enim corroborata firmitus ad ferendos labores corpus efficitur. Anima uerò a turpibus cogitationibus debilitata corpus item a malitia corrumpetur. Quamobrem beatus qui rectē hic disponit ac moderatur ea, quę uite sunt propria, quoniam diues ad uitam perueniet immortalem, qua utinam omnes potiamur, precibus eorum nos commendantibus, qui Domino nostro Iesu Christo placuerunt. Amen.

### *De exercitatione.*

**QVI** te ad uirtutem ac pietatem exerces, attende tibi, & caue, ne dies tuos in rebus inanibus consumas, neue prauas in animo tuo foueas cogitationes, quibus uis & robur ipsius in bello, quod cum inimico geris, hebetetur. Dulcis Domini Iesu memoria, o iuuenis, fixa semper inhebeat in mente tua, ut exercitationis tuę cursus palmę coronam accipiat. Tempus enim instat, & appropinquat dies, in quo qui strenue labores pertulerint, premia consequantur. Inertes autem & ignauię dediti, in dedecus & ignominiam incurrant. Dum uacat, & licet, uirtutes amplectere. In oculis tuis uersetur pudor, in auribus ueritas, uerba uite in lingua tua, egrotantium uisitatio in gressibus tuis, imago Domini tui in corde tuo, in mēbris omnibus continentia, ut ab Angelis & hominibus collauderis. Nam si lignum inanimatum, propterea quod



Regis aut principis imaginem exprimat, honoratur, quanto magis honorabitur anima, quę in seipsa Deū habet in hoc sæculo & in futuro? Attende igitur tibi, fili charissime, & hæc diligenter considera. Cupiditas per se mortua quędam res est, corpus autem ueluti uita. Caue igitur, ne id, quod uita est, rei mortuę uitam præbeat. Nam si ei uitam dederis, interficiet te. O rem miseram & lacrimabilem. Vt, quod mortuum est, si uitam accipit, occidat id, quod uitam præbuit.

Quod cū ita sit, quomodo fiat, intellige. Cupiditas per se sine corpore mortua est. Cū autem impetus eius ad corpus accedit, statim uitam accipit. Animus enim cupiditatis dulcedine delectatur. Atque ita ex re quondam mortua ad uiuam mors proficiscitur.

Quamobrem omni studio caue tibi a corpore mortuo in incendio cupiditatis eius. Obiice menti tuę ignem illum inextinguibilem, & uermem illum, qui non habet finem, & renum inflammatio cōfestim extinguetur. Vide, ne te facilem ac lenem cupiditates inueniant, ne mox negligentiam tuam dolor occupet assuescasque tum peccare, tum resipiscere. Ab initio potius grauis ac seuerus esto aduersus omnem cupiditatis titillationem. Et ne assuescas in bello inferior esse. Consuetudo enim est altera natura. Et lenitudinis facilitas procul abest a grauitate. Semper enim edificat, & destruit. Semper peccat, & resipiscit. Fili charissime, si per consuetudinem te facile uinci patieris, molities tua tibi erit ignominie sempiternę.

Qui uni cuiquam cedere consuevit cupiditati, perpetuo cōscientię stimulo pungitur ac cruciatur. Et quāuis coram hominibus hilarem uultum præseferat, cōscientię tamen facibus intus uritur, ac tristis est. Etenaque cupiditatis natura est, ut obsequentibus sibi dolorem afferat. O anima, quę in te Christum habes, attende tibi, tibi ipsa uaca. Immortalis est, anima, Christus sponsus tuus. Verum sponsum tuum dese-

## EORVM CORRECTIO

ras, caue, ne ab eo derelicta diligas inimicum tuum ab omni iustitię pulchritudine remotissimum. Exiguum enim ad tempus se fingit diligere, mox autem deserit, quippe qui impurus adulter est. Cũ alicuius vires facultatesque consumpserit, ei se statim inimicum profiteretur. Proh dolor, inimicus noster cũ uim tempusq; nostrum in immunditia fœdissimisq; cupiditatibus suis contriuerit, tunc odii sui uirus effundens, nos derelinquit. Nec mirum. Neque enim unquam scelestus atque improbus ille nos amauit.

*Eorum correctio, qui cum uitiose uiuant, honores petunt.*

**EXCRVCIOR**, fratres mei, & contremisco,  
**Act. 13.** atque dolore conficior, dum illa Prophetę uerba confidero: Videte cõtemptores, & admiramini, ac disperdimini. Id autem accidit mihi propter ignorantiam meam. Omnẽ enim uiam iniquitatis ingressus sum. Et singula membra mea peccatis omnibus inimicus obstrinxit. Debebam equidem me ipsum affligere, & turpitudinem meam deplorare, deinde pro aliis esse sollicitus. Debebam prius ex oculis meis trabem excindere, deinde festucas aliorum uidere. Verũ contemptus, qui uiget temporibus nostris, me angit ac stimulat. Video enim negligentiam disciplinę, quam  
**Psa. 118** ferre nequeo, sed doleo cum Propheta dicente: Vidi preuaricantes & rabscebam. Quę enim arma nobis nõ intulit aduersarius, quas fraudes, quos dolos, quas machinas non admouit? Hei mihi, quis impendentes nobis calamitates non reformidet? Attendite, obsecro, quę dicam, qui uitam hanc sustulistis, & contremiscite. Angelorum ferentes habitum cum Diabolo militamus. Habitus est angelicus, sed uita secularis. Num inter Angelos contentio uiget ac zelus, quemadmodum nunc inter monachos cernimus? Radices in ipsis egit inuidia, & zelus, & obrectatio, Varia singulis

gulis pocula miscuit hostis astutissimus. Arte studet ac dolo singulos supplantare. Hic, inquit, diligenter ieiunium obseruat, sed zelo & inuidia superatur. Ille sese a fœda libidine continuit, sed inani uictus est gloria. Alius nauiter uigilauit, sed irretitus est obtreccatione. Alius a detrahendi uitio liber est, sed inobediētia & contumacia plenus. Alius a cibis abstinet, sed in tumore atque arrogantia immersus est. Alius in oratione fortis est, sed indignationi iracundięque succumbit. Alius paululum proficit, sed despicit negligētiore. Alios denique alio pacto malitia deuincit, & non est, qui intelligat. Ex quo contentiones & rixę inter monachos oriuntur. Hei mihi, quis non ingemiscat? quis non lugeat? Quomodo disciplinam hanc angelicam confudimus. Mundum reliquimus, sed quę mundi sunt sequimur. Possessiones reiecimus, & a cōtentione non desistimus. Domos deseruimus, & earū sollicitudine quotidie contabescimus. Non adsunt diuitię, sed adest superbia. Nuptias contempsimus, sed a stulta dilectione non discedimus. Humilitatem simulamus, sed animo honores concupiscimus. Inopiam prę nobis ferimus, sed abundantia laboramus. Ore paupertatem extollimus, sed occulto auaritię morbo detinemur. Quis igitur uicem nostram non deplorat? licet enim monachorum instituta & iuniorū pręsertim uidere atque admirari. Nōdum mundo renuntiauerunt, & iam superbia tument. Nondum habitum sunt assecuti, & iam insolescunt. Nōdum disciplinam audiuerunt, & iam se magistros profitentur. Nōdum uestibulum aspexerunt, & iam penetralia cogitant. Nondum primum gradum ascenderunt, & uolitant super nubes. Nondum exercitationem gustarunt, & iam inani gloria sunt instructi. Nondum primam disciplinę uocem perceperunt, & tāquam magistri iam alios increpitant. Nōdum fratrum societati sunt ascripti, & iam sibi uindicant auctoritatem. Nondum mo



## EORVM CORRECTIO

nafterii tores sunt ingreſſi, & iam alios corripunt;  
 reprehendunt, atque caſtigant. Verum quid ſingula  
 perſequor? non eſt intelligens, non eſt, qui propter  
 Deum mundo renuntiet, ut obediendo ſeiſum fra-  
 tribus ſeruum exhibeat. Sed ſi reprehendatur, ſeiſum  
 excuſat. Siquid præcipiatur, detrectat imperiũ. Quæ  
 bona ſunt, non imitantur, & quæ ſunt inutilia, com-  
 plectuntur. Vix tertius eſt dies, ex quo mundo renun-  
 tiarunt, & cum illis, qui in habitu conſenuere, con-  
 tendunt, nec uolunt in ordinem redigi, aut cuiquam  
 obtemperare, ſed excuſationes excogitant, & ne cor-  
 pus fatigent, aliud aliud reſpicit. Subiit obedientiæ  
 iugum, & uult imperare irascitur, ſi admonetur. Hoc  
 facito, frater. Nō faciam, reſpondet, niſi & ille ueniat.  
 Ille ſcripturarũ incumbit meditationi, & ego incum-  
 bere debeo. Sæpe qui domi ſuæ operarius fuerat, &  
 ignorabat, quæ ipſius eſſet uel dextera uel ſiniſtra, in  
 monaſterio ſtudioſus & interpres ac doctor incedit.  
 Frater quieſcit, & ego quieſcere debeo Frater dat ope-  
 ram contemplationi, & ego debeo ſublimia contem-  
 plari. Frater ad honorem prouectus eſt, cur non ego?  
 Frater utitur patrum familiaritate, cur ego nō utar?  
 Illi commiſſus eſt magiſtratus, cur non etiam mihi?  
 Nonne ego quoque hoc, atque illo dignus ſum mu-  
 nere? Hæc ſunt egregia iuniorum opera, hæc miniſtro-  
 rum humilitas, hic labor, hæc ſtudia, quibus ſe regni  
 cœleſtis hæreditatem adepturos ſperant. Nō animad-  
 uertunt, inde animæ interitum proficiſci. Non uident  
 propterea ſe Dei inimicos euadere. Ex his planè con-  
 ſtat, nos ne exiguum quidem ad tempus mundi con-  
 ſuetudini renuntiāſſe. Mundo ſpecie duntaxat renun-  
 tiauiſmus, re autem ipſa, quæ mundi ſunt, amplecti-  
 mur. Faceſſat mendax excuſatio. Habitu monachi ſu-  
 mus, moribus crudeles quidam & inhumani. Habitu  
 humiles, moribus peſtilentes. Habitu religioſi, mori-  
 bus pernicioſi. Habitu dilecti, moribus inimici. Habi-

tu chari, moribus in uisi. Habitu studiosi, morib<sup>9</sup> igna-  
 ui. Habitu sobrii, animo piratæ. Habitu pudici, corde  
 adulteri. Habitu modesti, corde gnathones. Habitu  
 mites, morib<sup>9</sup> arrogantes. Habitu cōsolatores, moribus  
 cōtumeliosi. Habitu cōsiliarii, morib<sup>9</sup> detractores. Ha-  
 bitu simplices, moribus improbi. Habitu innocentes,  
 moribus homicide. Habitu defensores, moribus prodi-  
 tores. Cur aut tales sumus, nisi quia mutuā inter nos  
 charitatē perfectā non habemus? Nisi quia Dei timor  
 in nobis nō est? Quia diuina uerba contemnimus, &  
 arbitrato nostro ea torquemus, ac nugas existima-  
 mus? Verbo Dei cœli firmati sunt, & nos ipsum ne ut Psal. 30  
 fratrem quidem suscipimus. Ore ille suo terribili ac  
 formidando locutus est, qui uult, inquiring, inter uos  
 esse primus, sit omnium ultimus & minister. Nos ue- Mat. 9.  
 rò cū uix habitū induerimus, insolescimus, & unus  
 aduersus alium extollimur, & uicissim insultamus,  
 & apud nos ipsos omnes prudentes sumus. Omnes  
 duces esse uolumus, omnes præsse, omnes imperare,  
 omnes reprehendere, omnes præcipere, omnes doce-  
 re, omnes interpretari, omnes esse doctores, omnes do-  
 mini, omnes procuratores, omnes patres familias, om-  
 nes primi, omnes secundi. Cū tamen Apostolus di- 1. Co. 12  
 cat. Si totum corpus auditus, ubi odoratus? Si omnes  
 primi, si omnes duces, si omnes præceptores, ubi diui-  
 na dispositionis ordo ac differentia? Eum saltem audi-  
 te, qui dicit. Nemo a sumit sibi honorem, nisi uocatus Heb. 5.  
 a Deo. Et rursum: num omnes doctores? Iccirco prin- 1. Co. 12  
 cipatus & potestates constituit Deus. Si enim in cœ-  
 lis, ubi omnes incorrupti, & immortales, cū spiri-  
 tus sint ministrantes, noluit Deus unicum esse ordi-  
 nem, sed principatus, potestates, dominationesq; con-  
 stituit, & nemo a præscripto sibi ordine recedit, sed il-  
 lum seruat, cur mutuas inter nos contentiones exer-  
 cemus? Angeli & Archangeli non transiliunt impera-  
 ta. Nos autem inuicem collidimur, unus aduersus al-

## EORVM CORRECTIO

terum insurgimus, nos uicissim antecedere studemus  
 alios cōtemnimus, atque deprimimus, ut plus aliquid  
 posse uideamur. O mentis cæcitas, qua non paremus  
 dicenti: In qua quisque uocatione vocatus est, in ea  
 maneat. **I. Cor. 7** Cur eum non metuunt, qui dicit: cui mul-  
 tum commissum fuerit, ab eo multum repetetur, ut  
 eo saltem modo ad humilitatem deducantur? **Luc. 12.** Quæ-  
 so, fratres, ne uitam nostram in hac uanitate traduca-  
 mus. Non est bona gloriatio nostra. Ne sic abiicia-  
 mus timorem, tanquam formidandum illud iudicium  
 non subituri. Ne sic uiuamus, tanquam haud ita seue  
 re rationem reddituri. Caueamus, obsecro, ne proximi  
 offendiculo & scandalo simus, neve peccatis pec-  
 cata cumulemus. Ne præclarus habitus noster uitupe-  
 retur, sed potius laudetur. Veniet enim, veniet, & nō  
 tardabit dies illa terribilis, in qua interrogati nullam  
 inueniemus responsionem. Quid enim poterimus re-  
 spondere? Quid est, quod nobis facere potuit, & non  
 fecit? Nonne ipsum Deum uerbum humilem uidi-  
 mus, ut nos quoque humiliemur? Nonne sanctam  
 eius faciem sputis cōspersam aspeximus, ut nos item  
 illatas nobis contumelias & iniurias perferamus?  
 Nonne tergum ipsius flagellis cæsum agnouimus, ut  
 nos præfectis nostris pareamus? Nonne os eius ala-  
 pis a seruo contusum uidimus, ut nos item contemni  
 ac despici patiamur? Quid? non audiuius ita loquē-  
 tem? Ego autem non repugno nec contra dico, ne in-  
 obedientes, aut contumaces simus. Nonne sic eum di-  
 centem audiuius? Ego autem a me ipso facio nihil:  
 ne simus audaces, & arrogantes, & nostri iuris. Non-  
 ne audiuius sic adhortantem? **Mat. 11** Discite a me, quia mi-  
 tis sum & humilis corde, ut nos quoque mites atque  
 humiles simus? Nos verò nobis inuicem inuidemus.  
 Mordemus nos inuicem, ac deuoramus. Quam igitur  
 apud illum defensionem inueniemus? Obsecro, fra-  
 tres, ne sinamus nos ita carnis perturbationibus uiu-



ci, vt æternam beatitudinem amittamus. Ne propter caducum honorem gloria spoliemur sempiterna. Ne propter contentionem & zelum, & inuidiam in gehennam illam horribilem detrudamur semel saluari studes? Quid ergo in proximo iudicâdo curiosus es? Semel iugum subiisti? cur illud abiicis? Operanda, ut obedientiæ tuæ fructus appareat. Neque auctoritate mihi crede, neque magistratu, neque amplitudine, neque quòd primus, aut secundus, aut præfectus appelleris, neque quòd sis in vilo honoris aut dignitatis gradu constitutus, propterea fiet, ut in regnum cœlorum ingrediaris. Hæc enim non tribuunt remissionem peccatorum, non liberant a supplicio, nisi adsit humilitas, & obedientia, & charitas, & patientia, atque constantia. Neque enim probari, aut salutem assequi possumus, nisi omnibus in rebus Dominû imitemur. Qui, non veni, inquit, vt mihi ministraretur, sed vt ministrarem. Et rursum: Non veni, vt facerem voluntatem meam, sed voluntatem eius, qui misit me patris. Et alibi: Qui se exaltat humiliabitur, & qui se humiliat exaltabitur. An non audistis, quos ipse beatos vocet, beati, inquit, pauperes spiritu, quoniam ipsorum est regnum cœlorum? Non audiuiistis illud: Sedens aduersus fratrem tuum loquebaris? Et quomodo iubeat, in faciem arguere? Nô audiuiistis illud: Qui odit proximum suum, in tenebris est? Non audiuiistis propter superbiam & inuidiam Diabolum e cœlis excidisse? Non audiuiistis, quomodo Hebræi propter cōtradictionem è terra promissionis exciderint? Non audiuiistis, quomodo Maria soror ipsius Moïsi propter vnum conuicium lepra correpta sit? Cur igitur ad tot exempla tanquam aspides, non carnis, sed animi aures occludimus? Hæc enim audimus, sed illa sequimur. Cur non credimus dicenti: Qui manet in charitate, in Deo manet? Vigilemus igitur, o grex electe, dum tempus habemus. Resipiscamus, dum su-

Mat. 20

Io. 6.

Luc. 18.

Mat. 5.

Psal. 49

Nu. 12.

1. Io. 4.

## EORVM CORRECTIO

mus in remissione . Ne repente veniat illa dies formidanda ac luctuosa , & tunc frustra stultitiam nostram agnoscamus . Vigilemus , ne in dedecus illud ingens coram Angelis & hominibus incurramus . A vanis contentionibus desistamus . Vos autem in primis , qui vigetis adolescentia pro viribus humilitatem amplectimini , vt intelligere valeatis , quanta apud ~~pa~~ tres nostros tranquillitas fuerit , quanta diligentia , quanta humilitas , quanta frugalitas , quantus rerum humanarum contemptus , & despicientia . Nunc autem magnum adest bellum . Ne contemnatis . Nolite putare , vos ad perfectionem peruenisse . Multi pro salute labores , multa subeunda certamina . Nolite putare in cingulo & veste longa consistere vitam perfectam , aut in eo salutem esse positam , quod manus habeas mundas , quod eloquens sis , quod scripturas interpretetis , quod capite incedas raso , aut comam metrias . In uirtute , in bonis operibus sita est . Hec autem dico , non vt habitui detrahā . Absit . Sed vt ostendam , habitui mores & opera debere congruere . Habitui enim sine operibus nihil est . Nolite vos otio desidique dedere . Magno labore iuuentus est coercenda . Si verba mea vobis molestiam afferunt , metamen non poenitet vos admonere . Satiū enim est , vt vulneribus ignis admoneatur , quā permittere , vt totum corpus computrescat . Creditisne , quia morbos vestros contegitis , propterea Deum eos latere ? Quæ a nobis occulte fiunt , ea mihi describere turpe est . Si enim illa descripsero , non permanebitis , sed aufugietis . Quamobrem hortor vos , vt humilitatem , & obedientiam , & charitatem , & frugalitatem , & contemptum amplectamini . Subiicite vos mutuo in dilectione , in obedientia , in ieiunio , in vigilia , in Oratione . Ne sitis fortes in contentionibus , debiles autem in Psalmis decantandis . Nolite in colloquiis esse vigiles , & tan-

quam serpentes aspicere, in orationibus autem  
 conuiuere & dormire. Ne sitis in ferendis nu-  
 gis tauri, in laudando autem Deo vulpes. In liti-  
 bus inuicti, in rebus spiritalibus oscitantes. In iocis  
 hilares, in admonitionibus tristes. In epulis  
 per diem sani, nocte verò in orationibus egri. In  
 congressibus arrogantes, in operibus dissoluti.  
 Prompti ad imperandum, ad parendum pigri. In  
 præcipiendo læti, in obtemperando mœsti. Ad iu-  
 bendum acres, ad obediendum tardi. Ne manicas  
 ad digitos, & linguam ad pectus exeramus. Ad men-  
 sam celeres, ad opus negligentes. Malis in rebus  
 oculati, in bonis cæci. Coram mulieribus gra-  
 ues, & coram fratribus feri. Obsecro vos, filii  
 Dei, ut bonam emulationem suscipiatis. Quic-  
 quid ad modestiam, ad bonam famam, ad ædifi-  
 cationem spectat, complectemini. In primisque  
 humilitatem, dilectionem, benignitatem, man-  
 suetudinem, humanitatem. Inutilibus reiectis  
 contentionibus vicissim cedite. Vigiliis, & ora-  
 tionibus incumbite, ut possitis vitia carnis supera-  
 re. Caute, ne rebus inanibus caducisque capti  
 vera bona & immortalem gloriam amittatis. In  
 eam, quæso, dum estis in carne, curam incum-  
 bite, ut ea, quæ Deo grata sunt, perficiatis. Fe-  
 stinemus, curramus, magna tempestas imminet,  
 ne simus negligentes. Non est nobis colluctatio  
 cum aduersariis, quos videamus. Inuisibiles sunt,  
 & ideo magnum negligentibus periculum adest,  
 & ingens vincentibus præmium. Vigilemus igitur,  
 & aduersus astutias ipsorum nos instruamus.  
 Si nos ad gulam prouocant, ieiunio resistamus.  
 Si blanda nos titillant voluptate, temperan-  
 tia repugnemus. Si ad iracundiam incitant,  
 mansuetudine armemur. Si ad odium pro-  
 uocant, beneuolentiam & charitatem comple-



## EORVM CORRECTIO

Etamur. Si ad ambitionem, contemptum ostendamus.  
 Si ad gloriam, abiectionem opponamus. Si ad super-  
 biam, Domini humilitatem consideremus. Si ad æmu-  
 lationem, Cain lapsum recordemur. Si ad inuidiam,  
 Esau perniciem cogitemus. Si nos ad detrahendum  
 impellunt, silentio os nostrum cohibeamus. Si eius-  
 modi rationibus repugnabimus, aufugient, nec consi-  
 stere poterunt. Gratia autem ad vos reuertetur. Cre-  
 dite, fratres, me iis omnibus, a quibus, vos, vt abstine-  
 retis, admonui, obnoxium esse. Vos operam date, vt  
 mundi puri; sitis. Ego peccatis immerfus sum. Vos  
 per bonam ac veram pœnitentiam vestram me quo-  
 que liberate. Credite, me eorum, quę dixi, nihil obser-  
 uasse. Spero vos ab omni reprehensione liberos fore.  
 Ego verò dâmnatione sum dignus, qui dico & non  
 facio. Salutem nostram, fratres, ne contemnamus.  
 Neque putemus, quę dicta sunt, esse commentitia.  
 Nihil, enim quod scripturæ repugnet, aut falsum sit,  
 pronuntiauius. Faxit misericors Deus, vt verbi sui  
 semen suscipientes, fructum alii trigessimum, alii se-  
 xagesimum, alii centesimum, afferamus, vt nos virtu-  
 tum fructibus onustos atque ornatos lætus accipiat  
 Dominus noster Iesus Christus in regnum suum, &  
 lætitia cumulet sempiterna. Amen.

### *De uirginitate & castitate disputatio.*

IMPROBUS Dæmon ita fratres & sorores ag-  
 greditur: Ecce tibi singulis horis caro ad libidinem  
 commouetur. Quousque igitur molestiam perferes,  
 ac miser uiues, & patiens eris? quoad, inquit frater, re-  
 spiciat Dominus humilitatem meam, & laborem  
 meum, & dimittat omnia peccata mea. At qui satius  
 est, inquit Dæmon, quo pugne ac bello finē imponas,  
 vt cupiditati semel indulgeas, & mox ad pœnitentiā re-

uertare, neque enim graue peccatū est, aut magni pō-  
deris. Non opus est, inquit, frater, vt abs te discam pœ-  
nitentiæ rationem. Scio enim ego planè, homini per  
benignitatem Dei pœnitentiæ locum esse vsque ad  
extremum spiritum. Quod autem leue peccatū hoc  
esse dicis, quomodo, si leui in re succubuero in conspe-  
ctu Dei, non succumbam facilius, cū me tentatio  
maior inuaserit? Nullius momenti res est, inquit Dia-  
bolus, & mox poteris resipiscere. Ecquis, inquit fra-  
ter, recipiat ac spondeat, me, si carnem meam corrupe-  
ro, pœnitentiæ tempus inuenturum, ac non potius in  
eorum semper numero futurum, qui operantur ini-  
quitatem? Vmbra enim est vita nostra super terram.  
Quamobrem idem est, ac si mihi suaderes, vt gladiū  
mihi ipse in pectus defigerem. At leuis res est, inquit  
improbus ille, peccatū eiusmodi, atque vna hora tran-  
sigitur, neque amplius manet. Respondit frater: Audi  
vitæ hostis, atque impugnator animarum, quæ apud  
Deum proposita sint præmia illis, qui exiguum hoc  
temporis spatium, quod dicis, strenuè transigunt de-  
certando, & quæ rursum iis proposita sint apud Deū  
supplicia atque ignominia, qui tam breui tempore su-  
perantur. Nonne castus ille Ioseph, propterea quòd  
vitium illud vicit, ab omnibus omnium sæculorum  
hominibus laudatur? contra vero Aegyptiæ ipsius de-  
decus est sempiternum? Nonne pudica item illa Su-  
sanna semper apud omnes beata prædicabitur? quæ  
nec blanditiis allici, nec minis ac mortis periculo, vt  
pudicitiam proderet, potuit commoueri? At seniores  
ac iudicis illi, qui populum regere videbantur, libidi-  
nis vitio succumbentes lapidibus obruti sunt, eter-  
namq; nomini suo ignominia notā inusserunt. Igno-  
ras, Diabole, feras, quæ humanis carnibus deuoran-  
dis assuescunt, difficile ab eiusmodi cibo cohiberi? Et  
tu, leo rugiens, mihi conaris persuadere, me, si libidi-  
ni semel indulsero, non amplius ab ea vexatum iri.

## DE VIRGINITATE

Dominus Deus, qui suum hominibus largitus est spiritum, increpet te, qui tanquam leo mihi insidiaris, ut per peccatum deuores animam meam. Verum Seruator noster Christus non permittet id tibi, quoniam benignus, & potens, & misericors est. Subiicit Dæmon: Res profectò nullius momenti est. cur igitur angeris? Angor, inquit ille, quia homines decipis. Dulcedo enim tua amara est, & consilium tuum in malorum barathrum deducit, & munera tua mortem atque interitum afferunt. Suades enim mihi, ut concutem gratiam Domini, & tristitia afficiam spiritum sanctum, quo signatus sum in die redemptionis. Et nullius ponderis hoc esse dicis, hortarisque, ut membra Christi faciam membra meretricis, & breui momento diuitias amittam immortales. Nullius ergo momenti est, abiciere sanctitatem, sine qua nemo Dominum aspiciet? Quomodo in die illa formidanda, ad diuinum tribunal consistens, iustum iudicem audiam ita loquentem. Serue nequam, & voluptatis amator potius, quam Dei, libidine & flagitiis tuis terram meam coinquinasti. Nullius momenti hoc esse dicis, cum scriptum sit. Deus Angelis peccantibus non pepercit, sed rudentibus inferni detractos in tartarum tradidit cruciandos in iudicium referuari. Et originali mundo non pepercit, sed octauum Noe iustitiæ præconem custodiuit, diluuium mundo impiorum inducens, & ciuitates Sodomorum, & Gomorrhæorum in cinerem redigens, euerfione damnauit, exemplum eorum, qui impiè acturi sunt, ponens. Et iustum Lot oppressum a nefandorum iniuria ac luxuriosa conuersatione eripuit. Aspectu enim & auditu iustus erat, habitans apud eos, qui de die in diem animam iustam iniquis operibus cruciabant. Nouit Dominus pios de tentatione eripere, iniquos vero in diem iudicii referuare cruciandos, magis autem eos, qui post carnem in concupiscentia immunditiæ ambulant. Leuem ac



Nullius ponderis rem esse asseris? Ecquis vnq̃ hortatu tuo peccatis indulgens, in bonis transegit dies suos, & regnum æternum adeptus est? At illi, qui per Christi viam incedunt, semper gaudent, & lætantur in Spiritu sancto, expectantes beatam spem magni Dei & Seruatoris nostri Iesu Christi Me, si tu viceris magna affectum iri tristitia nō ignoro. Tu casu meo lætus patri tuo Satanæ iucundum afferes nuntium. Ego verò, si id commiserò, in conspectu patris mei celestis confundar. Præstat igitur, vt tu, tanq̃ impudens canis, latrare nō desinas, q̃ vt eiusmodi gaudio de me triumphes ac rideas. Miror equidem, Diabole, quòd coneris hominibus suadere, vt caducam istam ac scèdam voluptatē vitæ præferant sempiternæ. Dominus noster fortis & adiutor noster. Dominus refugium nostrum, & redemptor noster. Dominus protector noster, & non timebimus te. Forti igitur animo, charissimi, aduersus Diabolum decertate. Proponite vobis gehennæ terrorem, & supplicii æterni acerbicetatem, ne decipiat vos astutia sua. At, dicet aliquis, quomodo intelligere possumus gehennæ supplicium? Exemplo id discere. Nonne vnq̃ in balneum ingressus es? Nonne vidisti illic homines nimio calore solutos in loca frigidiora transferri? At in illa flamma, qua peccatores sunt comburendi, nullum dabitur refrigerium, nullus exitus, nullæ aderunt fores, nullus splendor, nulla cura, nullus adiutor, nullus consolator, quanuis magnis clamoribus auxilium imploretur. Scriptum est enim, Iudicium in eos sine misericordia futurum, Qui a misericordia fuerint alieni. Et non est gaudium impiis. Quid? nonne fornacem ipsam vidisti, qua balneum calefit? Quemadmodum illuc ligna coniiciuntur, sic in gehenna peccatores igne perpetuo comburuntur. Peccata ipsorum vehementiorem in ipsos flammam accendunt. Ira enim, vt scriptum est, & indignatio, tribulatio &

Iac. 3.

Rom. 2.

## DE CASTITATE

angustia in omnem animam hominis operantis malum, Iudæi primùm & Græci. Gloria autem, & honor, & pax omni operanti bonum. Iudæo primùm & Græco. Non enim est acceptio personarum apud Deum. Itaque, charissimi, vigilemus, & sobrii, castique simus apud Deum, & precationibus atque eleemosynis vacemus cum omni humilitate, dum tempus adhuc habemus, ut ab iis, quæ diximus, malis liberemur. Vult enim Dominus pro sua singulari bonitate omnes homines saluos fieri, cui gloria in æternum. Amen.

1. Ti. 2.

### *De castitate.*

C A S T I T A T E M, frater charissime, palmæ si-  
milem puta quæ cum intus sit candida, foris undique  
munita est. Omnes homines ex corde puro sunt dili-  
gendi, imprimisque illi, qui fide nobis & pietate cõiun-  
cti sunt. In eos autem, qui a religione abhorrent, &  
voluptatibus indulgent, ita seueri ac tristes esse debe-  
mus, ut prudentiam, & modestiam, ac pacem retinea-  
mus. Seruum enim Domini, ut Apostolus ait, non opor-  
tet litigare, sed mansuetum esse ad omnes, docibilem,  
patientem, cum modestia corripientem eos, qui resi-  
stunt veritati, nequando Deus det illis pœnitentiam  
ad cognoscendam veritatem, & resipiscant a Diaboli  
laqueis, a quo captiui tenentur, ad ipsius voluntatem.  
O castitas, quæ delicias, & elegantiam, atque ornatum  
corporis detestaris. O castitas dapium & epularum  
atque ebrietatis inimica. O castitas, quæ verecundiæ  
fræno oculos moderaris, & totum corpus è tenebris  
ad lucem reuocas mandatorum Dei. O castitas, quæ  
carnem affligis, & in seruitutem redigis, acutèque cœle-  
stia contemplaris. O castitas mater dilectionis, & co-  
mes Angelorum. O castitas, quæ homines Angelis  
æquales reddis. O castitas, quæ tui studiosum sic exal-  
tasti in terra aliena, ut eum Dominum illorum, & qui-

2. Ti. 2.

bus emptus fuerat, constitueres. O castitas Dei munus, benignitatis & scientiæ ac cognitionis plena. O castitas, portus tutus ab omni tempestate, in pace, & tranquillitate constitutus. O castitas, cœlo grata & & decantata. O castitas, quæ cor te possidentis lætitia perfundis, & animæ adiungis alas in cœlum. O castitas, quæ spiritus gaudium paris, & tristitiam interficis. O castitas, quæ abhorres a malo, & bono adheres. O castitas, quæ animum reddis quietum, & a perturbationibus liberum. O castitas, quæ iustos illuminas, & Diabolum confundis, celeriterque ad brauiū curris supernę vocationis in Christo. O castitas, quæ desidiam fugas, & patientiam affers. O castitas onus leue, quod in aquis non demergitur. Thesaurus sempiternus in anima hominis Christum amātis absconditus, quem, quī possidet, inueniet in tempore necessitatis. O castitas possessio præclara, quæ non vastatur a feris, & ab igne non exurit. O castitas, currus spiritalis, qui possidētem tollit in sublime. O castitas, quæ in animis mansueris & humilibus habitas, & homines diuinos efficis. O castitas, quæ in animæ & corporis medio flores vt rosa, & totam domū replens odoris suauitate. O castitas comes & socia Spiritus sancti. O castitas, quæ Deū placas, & eius promissā perfers ad omnes homines. Hæc sancti omnes dilexerūt. Hanc coluit Sanctus Ioannes Euangelista, qui recubuit super pectus Domini. O castitas quæ non solum a virginibus semper exulta es, verumetiam ab iis, qui ad pœnitentiam se conuerterunt. Hanc igitur & & nos serui Dei ex animo complectamur, vt Christi spiritū in nobis habitantem lætitia afficiamus, cui honor, & gloria, & adoratio in sæcula seculorū. Amen.

*Beatitudines.*

**1 BEATVS,** qui a terrenis omnibus vanę istius



## BEATITVDINES

vita occupationibus liber, solum Deum bonum clementemq; diligit in toto corde suo.

2 Beatus, qui virtutes colit, & tanq̃ ager fertilis vberes vitæ fructus fert in Domino.

3 Beatus, qui bonus est virtutum agricola, & spiritalem vineam serit, & vindemians replet torcular fructibus vitæ suæ in Domino.

4 Beatus, qui spirituali lætitia perfundit conseruos suos ex fructibus virtutum, quas coluit, vt vitæ fructū in Domino perciperet.

5 Beatus, qui sanctæ communioni atque orationi tanq̃ cœlestis Angelus incumbit, & mundis quotidie cogitationibus vacat, neque aditum præbet improbo Dæmoni, vt animam suam expugnet, & abducatur a Deo Seruatore.

6 Beatus, qui studiosè & consideratè luctum querit, & lacrymas in hac vita tanq̃ pretiosas margaritas fundit in conspectu Dei.

7 Beatus, qui sanctitatem vt lucem diligit, & tenebrosis Diaboli operibus non inquinat corpus suum in conspectu sanctissimi Dei nostri.

8 Beatus, qui corpus suum Seruatori custodit in sanctitate, & malis operibus non contaminat animam suam, sed gratus manet in Domino Deo suo.

9 Beatus, qui ab omni abhorret turpitudine peccatorū, seq; hostiam viuente & Domino acceptam offert.

10 Beatus, qui semper in seipso Dei memoriā colit, erit enim totus velut Angelus cœlestis in terra cum reuerentia & amore sacrificans Domino.

11 Beatus, qui pœnitentiā diligit, quæ mater & per-fugium est peccatorū, nec rursus vt ingratus animū ad peccandum appulit in conspectu Seruatoris Dei.

12 Beatus, qui tanq̃ strenuus miles regni thesaurū, id est, corpus atque animam suam sine reprehensione conseruat in Domino.

13 Beatus, qui in cella sua, vt Angelus in cœlo, pu-

ras & castas colit cogitationes . Et ore suo collaudat eum , qui spirituum & rerum omnium habet potestatem.

14 Beatus, qui factus est vt Seraphim & Cherubim, & in diuino sacrificio nunq̃ est piger, sed Dominum laudat sine intermissione.

15 Beatus, qui gratia spiritali semper est plenus, & suauē Dñi iugū libenter sumit. Gloria. n. coronabit.

16 Beatus , qui se ab omni peccatorum macula purum atque integrum seruat , vt cum fiducia in domū suam recipiat Regem glorię Dominum nostrum Iesum Christum.

17 Beatus, qui cum reuerentia, & timore, ac tremore ad sacrosancta mysteria Seruatoris accedit , seq̃; vitā eternam suscipere non ignorat.

17 Beatus, qui mortem quotidie meditatur, & turpes destruit cupiditates , quæ in negligentium cordibus nidulantur, in hora enim discessus ex hac vita consolationem accipiet.

19 Beatus , cui gehennæ timor assiduè ante oculos obuersatur , & qui lacrymis ac gemitibus studet per veram pœnitentiam Deum sibi propitiū reddere , ex magna enim ac formidanda afflictione liberabitur.

20 Beatus, qui sponte se semper humiliat, quia coronabitur ab eo, qui vltro se pro nobis humiliavit.

21 Beatus , qui omni cum reuerentia sedet in cellula sua, sicut Maria , secus pedes Domini : Et in suscipiendo Domino nostro Iesu Christo , sicut Martha, sollicitus est.

22 Beatus, qui Dei timore munitus semper in se Spiritus sancti flammam conseruat, qua spinas & tribulos malarum cogitationum exurit.

23 Beatus, qui malis operibus manum suam non inquinauit, vt homines profani solent & impuri, qui coram Domino in die illa tremenda iudicii condemnabuntur.

## BEATITVDINES

24 Beatus, qui honestas ac probas cogitationes assidue colit, & spe desidiā vincit, quo quidem improbo vitio sæpe oppugnantur, qui sese in studio pietatis exercent.

25 Beatus qui in Dei opere tanq̃ generosus miles se strenue gerit, ignauos excitando, & timidos cohortando in via Domini.

26 Beatus, qui in agro Domini bonis fructibus abundat, vt sanctos habeat Angelos custodes, quemadmodū arbor fructifera a proprio agricola custoditur.

27 Beatus, qui cum prudentia spiritus amplectitur mansuetudinem, nec ab improbo serpente finit se supplantari, cum omnem suam spem in Domini clementis misericordisq̃ præsidio sitam habeat.

28 Beatus qui Sanctos colit, & proximum diligit, & procul ab animo suo pellit inuidiam, qua Cain incitatus fratrem interfecit.

29 Beatus, qui re ipsa tyrannum redarguit, & voluntatum flammis non adurit̃, nam eius anima rore Spiritus sancti recreabitur.

30 Beatus, qui menti suæ diabolicas tenebras offundi non est passus, nec dulci luce atque iustorum lætitia priuatus est.

31 Beatus, qui puris cordis oculis semper Dominū intuetur. Is enim a perturbationibus & prauis cogitationibus liberabitur.

32 Beatus, qui bonis & honestis colloquiis delectatur, & a prauis & turpibus, quę bonos mores corrumpūt, abhorret, quoniā minime fiet Diaboli mancipiū.

33 Beatus, qui cum Dei timore proximum corrigit, nec decipit animam ipsius, semperq̃ ferreā magni pastoris virgam reformidat.

34 Beatus, qui ex Dei præscripto paret & obsequitur proximo suo, quiq̃ res aduersas fert æquo animo, tanq̃ confessor enim in Domino coronabitur.

35 Beatus, qui se a desidię vitio tanq̃ ignauius vincimur



minimè patitur, sed patientiam constanter amplexatur, ex qua Sancti omnes coronam acceperunt.

36 Beatus, qui temperantiam diligit, nec ventris deliciis ac sordibus indulget, in Domino enim, qui talis est, magnus efficietur.

37 Beatus, qui ab ebrietate & vino, quo gaudent intemperates, minimè capitur, sed assidue oblectat sese in Domini recordatione, qua semper homines sancti delectantur.

38 Beatus, qui ex Dei volūtate facultates suas administrat, quiq; a Deo Seruatore nostro tanq̃ auarus & crudelis in proximum non repudiatur.

39 Beatus, qui precationi, & lectioni, & bonis operibus incumbit assidue. Illuminabitur enim oculus animæ ipsius, ne in morte dormiat.

40 Beatus, qui factus est bona sagena spiritalis, multosq; pisces capit Domino suo, ab eo enim valde commendabitur.

41 Beatus, qui proximi sui conscientiam nō pungit, faciens, quæ sunt iniusta, sed ei potius se virtutis exemplum præbet, a Domino enim accipiet benedictionem.

42 Beatus, qui patiens & misericors est, quiq; barbaris tyrannis iræ atque odio non seruit, in Domino enim, qui talis est, exaltabitur.

43 Beatus, qui charitate sublimis est, tanq̃ ciuitas super montem posita, quam hostis intues discedit, abiecta illius capiendæ spe, sic enim & ipse tutus est in Domino Seruatore.

44 Beatus, qui Domini fide clarus est, veluti lucerna super excelsum candelabrum ardens, quiq; animas tenebris circumfusas, & quæ infidelium atque impiorum partes sequuntur, illustrat.

45 Beatus cuius anima floret veluti palma fidei rectitudine, nec prauis infidelium & impiorum hæreticorum opinionibus quasi sentibus ac spinis horret.

## BEATITVDINES

- 46 Beatus, qui semper diligit veritatem, nec linguā suam mendacio tanq̃ impium accommodat instrumentum, assidueq; sermonem Domini de verbo otioso meditatur.
- 47 Beatus, qui non, vt insipiens, iudicat proximum suum, sed potius, vt prudens, studet eicere trabem ex oculo suo.
- 48 Beatus, qui cohibet oculos suos, quiq; nec cogitatione, nec sensu seipsum decipit, aut cuti curandæ nimium indulget, ex qua mox defluet sanies & putredo.
- 49 Beatus, cui dies migrationis ex hac vita ante oculos versatur, & qui superbiam deprimit, anteq̃ naturæ nostræ imbecillitas in sepulchro corrupta ac dissoluta redarguatur.
- 50 Beatus, qui mortuos acernatim in tumulis dormientes meditatur, quiq; turpes a se repellit cogitationes, excitabitur enim in gloria, cū cœlestis illa tuba cunctos mortales è somno in vitam reuocans personabit.
- 51 Beatus, qui spiritali prudentia stellarum choros & cœli pulchritudinem suscipiens, desiderio contemplandi rerum omnium procreatoris incitatur.
- 52 Beatus, cuius in animo ignis ille versatur, qui descendit super montem Sina, & sonitus buccinarum, & Moses cum timore & tremore in medio cōsistens: quiq; salutem suam minimè negligit.
- 53 Beatus, qui spem suam non in homine sitam habet, sed in Domino, qui rursus veniet ad iudicandos omnes in iustitia. erit enim tanquā arbor fertilis propter aquas posita, quæ fructum facere non intermitter.
- 54 Beatus, cuius mens tanq̃ nubes aqua diuinæ gratiæ plena mortalium animas irrigat, vt vitæ fructus ferant. Erit enim decus illius in gloria sempiterna.

55 Beati, qui Domino vigilant cum sobrietate & castitate. Protegentur enim ab eo in iudicii die, & ut sponsi comites atque amici cum gaudio & lætitia eū sequentur & aspicient.

Ego autem, meique similes ignaui homines, ac voluptatibus dediti, in luctu squaloreque versabimur, videntes fratres nostros in maxima gloria cōstitutos, nos autem suppliciis acerbissimis excruciandos. Statum meum considerans, fratres charissimi, magnam effundo copiā lacrymarum qui cū currere cœperim, defessus sum, & in medio stadio cursum remiserim, ac miserandum intuentibus spectaculū præbeam. Quomodo possum inertiam ac negligentiam meam magnam non deplorare? Quidam in sacco & ferro seipsum humiliarunt. Alii in claustris ieiunio vacantes Domino seruiuerunt. Nonnulli calumnias inclusi vitam sine reprehensione transegerunt. Multi in solitudine virtutes excoluerunt. Ex obedientia plerique coronas adepti sunt. Ego autem infelix, & mei similes otio ambitionique dediti, pietatis quidem ac religionis habitum induimus, sed re ipsa pietatem abieciimus & religionem. Quis labores & cruciatus sanctorum Martyrum vtriusque sexus queat enumerare? Illi Dominum suum imitantes humilitatem complexi sunt. Nos honores & salutationes in foro concupiscimus. Illi in custodiis conclusi famem, & sitim, & cruciatus, & vincula pertulerunt. Nos ne tantillum quidem afflictionis æquo animo ferre possumus, sed voluptates & delicias totis viribus consecretamur. Iniurias illi & contumelias usque ad mortem æquo animo passi sunt; Nos consilia etiam & cohortationes negligimus. Illi nec incendia timuerunt. Nos vel sermone paulo duriore commouemur. Illi ad cruciatus & tormenta publice gaudentes accedebant: Nos eorum quidem certamina audientes admiramur, sed ea nolumus



## BEATITVDINES

imitari. Quamobrem multis gemitibus & lacrimis indigemus, ne è regno cœlorum eiiciamur, cùm ingēs propofita fit certantibus gloria. Abiecta igitur ignauia ac negligentia precibus ac supplicationibus diligenter incumbamus. Neque enim iniustus est Deus, vt opera feruorum fuorum obliuiscatur, qui seipfos voluntati eius omnino subiecerūt, qui propter nomē ipsius seculo renuntiauerunt, qui parentes proprios reliquerunt, vt ad eius fores hora tertia, sexta, nona, vesperi, mane, immo vero tota die, ac nocte pulsantes vigilarent. Absit, vt talem Deus humilitatem aspernetur. Certis in locis cōclusi degūt, manibus suis opus faciunt, ieiuniis, atque vigiliis vacant, improborum spirituū impetus sustinent, genua precationibus inclinant, oculos humi defixos assidue retinēt, & benignitatē ipsius supplices orant atque obtestantur. Horū preces ipse despiciet? absit. Homines acerbi atque crudes precibus placent, iracūdiāq; deponūt. Et Deus, qui bonus, ac benignus est, & diues in misericordia, afflictionem, religionem, humilitatem, sanctitatē, temperantiam, taciturnitatem, patientiā, summissionem eiusmodi contēnet? Minime vero. Ne igitur animos despōdeamus, fratres charissimi, ne ue precationibus & sacrificiis negligēter incūbamus. Ostiū diuinæ misericordiæ cōtinenter pulsemus. Quāto. n. pulsando constantior fueris, tanto maior merces erit. Assidue vigila. Quā. n. hora minus speras, mittet Dñs, qui reponant te in horreo vitæ, & in cœtu iustorum, vt ab omni sollicitudine vacuus perpetua quiete pfruaris. Vbi non est bellum, neque aduersarius. Nullus enim illic est hostis, qui nos oppugnet, nullæ pugnandi occasiones. Belli occasio est cupiditas pulchritudinis perfruendæ. At in cœlo cōnubia non celebrantur, sed homines sunt sicut Angeli. Belli causa sunt diuitiæ, & gloria, quæ quidem omnia caduca & fugacia sunt.

2. Io 2. Quare nos monet Ioannes Apostolus, Nolite, in-

quiens, diligere mundum, neque ea, quæ in mundo sunt. Siquis diligit mundum, non est charitas patris in eo. Nam concupiscentia carnis, & concupiscentia oculorum, & superbia vitæ non est ex patre, sed ex mundo. Et mundus transit & concupiscentia eius, qui autem facit voluntatem Dei, manet in æternum. Quemadmodum enim qui incidit in senticetum, a sentibus & spinis affligitur, donec purum in locum egrediatur. Sed cum inde sese extricarit, non timet amplius. Sic & homines sancti, si per loca spinosa sit incedendum, studio ac diligentia pro calceis vtuntur, atque ita per spinas iter facientes, ab illis detrimenti nihil accipiunt. Negligentes vero & qui labores fugiunt, in interitum præcipites ruunt. Quod Luc. 15. quidem significans Dominus, filio, qui redierat, iussit calceamenta dari, & stolam & annulum, vt audacter & sine timore serpentis caput contereret. Porro vita ipsa similis est loco spinis referto, peccata enim in ea pullulant veluti spinæ. Locus autem purus ac mundus est cœlestis Hierusalem, ciuitas Regis magni, ad quam vtinam perueniamus per gratiam & benignitatem Domini nostri Iesu Christi, cui gloria in secula seculorum. Amen.

### Beatitudines alix

Beatus, qui mundi vanitates odit ac deserit, & in solo Deo vitæ suæ spes omnes atque cogitationes fixas habet.

Beatus, qui peccatum odit ac detestatur, & Deum solum, qui bonus ac benignus est, diligit.

Beatus, qui factus est tanq̃ Angelus in terra, & Seraphim imitator castas assidue colit cogitationes.

Beatus, qui castus est coram Deo, & sanctus, &

## BEATITVDINES

pūrus, atque integer ab omnibus fœdis cogitationibus, & actionibus improbis.

Beatus, qui ab omnibus huius vanæ vitæ negotiis prorsus est liber.

Beatus, cui formidabilis illa iudicii venturi dies in mente versatur, quiq̃ue cum lacrymis animæ suæ vuneribus mederi studet.

Beatus, qui assidua lacrymarum copia improbarū cupiditatum flammam extinguit.

Beatus, qui ambulat in via mandatorum Domini, mansionesque facit quotidie per fidem sinceram & charitatem.

Beatus, qui studiose dat operam, vt in bonis moribus proficiat, speratq̃ue a Deo, se perpetuum ac cœleste regnum accepturum.

Beatus, qui mēmor verborū Domini, quibus monet, de omni verbo otioso reddendam esse rationem, ori suo custodiam ponit, ne ab eius mandato recedat.

Beatus, cuius anima, veluti arbor nuper sata, crebris gemitibus ac lacrymis tanq̃ opportunis auris & aquis fouetur & irrigatur.

Beatus, qui ex Sanctorum vitis in animam suam tanq̃ egregios furculos trāsfert exempla bona atque virtutes.

Beatus, qui bonas cogitationum plantas precationibus & lacrymis fouet, ac rigat, vt fructus Domini gratos ferant.

Beatus, qui flamma diuinæ charitatis incensus, sordidas omnes cogitationes, & animæ suæ inquinamenta comburit.

Beatus, qui voluntate factus est velut terra bona, centesimum, & sexagesimum, & trigessimū fructum ferens.

Beatus, qui proposito inuentus est semen bonū, quod in agro suo Dominus seuit.

Beatus, qui præclaram illam cœlestem margaritā



inuenit, & venditis terrenis omnibus bonis suis eam solam emit.

Beatus, qui in agro thesaurum inuenit absconditum, gaudensque vendidit omnia, quæ habuit, & emit agrum illum.

Beatus, qui migrationis ex hac vita semper est memor, studioseque curat, vt in illa hora paratus & intrepidus inueniatur.

Beatus, qui in illa discessus hora fiduciam inuenierit, quando anima cum timore & dolore a corpore se parabitur. Venient enim Angeli, vt animam a corpore seiunctam accipiant, statuuntque ad tribunal immortalis ac terribilis iudicis. Magnus, o fratres, in illa mortis hora nos timor inuadet. E corpore enim cum timore ac gemitu recedenti præsto erunt opera, quæ gesserit, tum bona, tum etiam mala, vt eam ad immortale iudicium comitentur. Vrgentibus autem illis, vt migret e corpore, respiciens opera sua, concedite, inquiet mihi adhuc paululum spatii. At vniuersa ipsius opera vna voce respondebunt, Tu nos fecisti, tecum ad iudicem Deum proficiscemur. Inanem hanc vitam, fratres charissimi, despicientes, Christum vnicum animarum nostrarum redemptorem diligamus. Nemo diem & horam mortis habet exploratam. Dum erimus in deliciis & mundi negotiis occupati, repente formidandum illud edictum afferetur, vt anima a corpore discedat. Itaque peccatis nullam reperiet excusationem. Quæ cum ita sint, operam demus, fratres charissimi, vt liberi simus, neque nos vanæ, & fugacis huius vitæ seruituti subiiciamus. Ostendiculis & mortis laqueis hæc vita referta est. Ab his animas nostras liberemus. Retia nobis tendit aduersarius, vt añas nostras capiat, & ad interitum abstrahat sempiternum. Inter insidias & plagas iter facimus, fratres charissimi, nobis igitur attendamus, ne præcipites ruamus ad

## BEATITVDINES

perniciem & mortem. Dulcedinem retribus suis præ-  
tendit inimicus. Caueat anima nostra, ne mundi ne-  
gotiorum, aut pecuniarum, aut cogitationum, actio-  
numve improbarum dulcedine capiatur. Si cogita-  
tio praua aditum sibi in anima patefecerit, illecebris  
insidias illi mortemque molietur. Improba enim co-  
gitatio nisi oratione, & lacrymis, & abstinentia, & vi-  
giliis expellatur, fit in anima veluti laqueus quidam  
perniciosus. In eam curam incumbe, vt a terrenis om-  
nibus occupationibus vacuus, cogitationum, actio-  
numque fugias laqueos improbarum. Caue, ne latū  
quidem vnguem inclines ad malas cogitationes. Nul-  
lo temporis momento eas in anima tua morari per-  
mittas. Afsiduis precibus, & ieiuniis, & lacrymis sup-  
plex ad Deum confugito, vt a omnibus insidiis, &  
offendiculis, & cupiditatibus libereris. Caue, frater,  
ne dum te diu in terra victurum speras, cogitationi-  
bus & operibus malis aditum patefacias, nuntius aut  
a Dño repente veniens, te peccantē offendat, & nullū  
pœnitentiæ spatium concedat. Quibus verbis, o fra-  
ter, in illo migrationis articulo mortē alloqueris? Fit  
enim plerūque, vt ne punctū quidem tēporis cōcedat.  
Mors ex improviso multos oppressit, qui cū se diu vi-  
cturus crederent, negotiis, & peccatis impliciti pecu-  
niā manibus contrectabant, longique tēporis sortem  
numerabāt & sœnus. Eadē mors cū ad virum iustū  
accedit, eum precatione & ieiunio cœlestes diuitias  
parantem, & nulla mortis formidine trepidantem in-  
uenit. Semper igitur, vt prudens, & spiritui deditus,  
mortem, & migrationem, & Dei tribunal meditare.  
Quotidie, vt sapiens para lampadem tuam, eamque  
singulis horis cum lacrymis precibusque considera,  
vt semper instructa sit. Ea te cura, frater charissime,  
nunq̃ deserat, ne tempus ingruat plenum increduli-  
tatis, ignauix, crudelitatis, quod te præ confusio-  
ne, quid præstet, considerare non sinat. Considerate,

fratres charissimi, quomodo vigeant omnia male, quomodo quæ pessima sunt, quotidie progrediantur, quomodo vitia propagentur, & magnas in vniuerso orbe calamitates futuras portendant. Propter peccata nostra res aduersæ contingunt. Vigilemus igitur, Deum ac proximum diligamus. Quotidiè nos aduersus improbum hostem armemus. Artes ac dolos ipsius agnoscamus. Inuisibilis est noster aduersarius, quem si vincere cupimus, opus est, vt nos a terrenis omnibus rebus liberemus. Si mortem assidue meditaberis, non peccabis. Si ab omnibus terrenis negotiis liber ac nudus fueris, latronis impetum non timebis. Si hæc caduca & fugacia despexeris, victoriæ palmam obtinebis. Res enim terrenæ deorsum trahunt, & cupiditates in bello cordis oculis tenebras offundunt. Iccirco nos vincit improbus inimicus, quia terreni sumus negotiis occupati, & cupiditatibus inserviimus. Terrena diligimus, fratres charissimi, & mens nostra in terra defixa est. Ad vesperam inclinat dies. Hora mortis appropinquat, & nos increduli desidemus. Ecce regnum cælorum in foribus est. Nos autè aures auertimus, & nolumus audire. Signa & portenta, quæ prædixit Dominus, omnia contigerunt. Fames, pestilentia, terremotus, terrores, bella, tumultus, & alia eiusmodi nobis videntur esse somnia. Nil nos mouent, cum ea vel audimus, vel etiam spectamus. Electi ante afflictionem colliguntur, ne videant magnam illam confusionem, quæ iniquum orbem est inuasura. Matura iam seges est, & messis instat. Finè hoc habet seculum. Angeli arreptis falcibus Domini iubentis nutum expectant. Timeamus, charissimi. hora diei est vndecima, & longa nobis restat via. Operam demus, vt Dominus nos progredientes inueniat. Vigilemus, & sobrii simus. Quæ hora venturus sit Dominus, ignoramus. Terrenarum sollicitudinum onera deponamus, vt leues expeditiq; simus. Prohi-



## BEATITVDINES

ber Dominus vlla de re nos esse sollicitos . præcipit,  
 vt nos mutuo diligamus. Nos autem charitatem abie-  
 cimus. Charitas exulat, dominantur peccata, iniqui-  
 tas occupat omnia. Cuncti terrena concupiscunt, cœ-  
 lestia cōtemnunt, caduca diligunt, æterna despiciunt,  
 præsentia complectuntur, aspernantur futura. Vis fie-  
 ri cœlestis? Quæ super terram sunt, respue, ad perfe-  
 ctionem contende, ad regnum cœlorum aspira. Ne di-  
 xeris. Magnus excolendæ virtutis est labor. Ego au-  
 tem pusillus sum, & imbecillus. Exercitationis mole-  
 stiam ferre non possum. Optimum atque pulcherri-  
 mum consilium auribus percipe. Audi, frater charissi-  
 me, & Christi amantissime, quæ dico. Si tibi in regio-  
 nem, & patriam aliquam longinquam sit profiscien-  
 dum, non potes totum itineris spatium vnico passu  
 conficere. Itaque paulatim, & per multa loca, ac mul-  
 tos dies incedens, post magnos tãdem labores eo per-  
 uenis, quo cupiebas. Eodem modo se habet cœleste re-  
 gnum & paradysus deliciarum. Illuc enim per ieiunia  
 per continentiam, per vigilias tenditur. Temperan-  
 tia, lacrimæ, vigilæ, precationes sunt viæ, quæ ducunt  
 ad paradysum. Ne verearis pulchram hanc viam ingre-  
 di, quæ ducit ad vitam æternam. Velis tantummodo  
 per illam iter facere. Statim enim ante pedes tuos, si  
 promptum animum attuleris, dirigetur. Cum gau-  
 dio & lætitia in ipso itinere mansiones facies. Animæ  
 tuæ gressus singulis mansionibus firmabuntur. Nul-  
 lam in hac via, quæ ducit in cœlum, reperies difficul-  
 tatem. Dominus ipse factus est via vitæ volentibus  
 ad patrem luninum proficisci. Factus es mihi, Chri-  
 ste Seruator, via vitæ me ad patrem ducens. Hęc so-  
 la verum continet gaudium. Huius finis est regnum  
 cœlorum. Factus es mihi, Domine Iesu Deus, via  
 vitæ, atque lux. Et hausi per me ex fonte munera de-  
 siderio plenus. Euasit in corde serui tui gratia tua  
 lux, & lætitia, dulcior in ore meo super mel & fauum.

Exstitit gratia tua in anima serui tui tanquam thesaurus. Ditaui paupertatem meam : famem & sordes depulit. Gratia tua, Domine, facta est refugium, & virtus, protectio, & exaltatio, & cibus in tota vita seruo tuo. Quomodo silere poterit seruus tuus, Domine, magnam dulcedinem charitatis & gratiæ tuæ os meum indignum aperui. Sed lingua mea bonorum largitorem pro dignitate laudare & celebrare non valet. Ego tamen peccator, gratiæ tuæ fluctus, suauitate plenos, & in corde meo estuantes excludere nequeo. Cantabo igitur gloriam Domino cœlorum, qui seruo suo dona cœlestia per multiplicem gratiam suam largitus est. Laudabo benignitatem tuam, Christe Seruator, in hac enim laudanda laudem ipse magnam inuenio. Gratiam tuam, Domine, lingua mea celebrare non desinet. Cithara mea nullum spiritalia cantica modulandi finem faciet. Ad se me trahit desiderium tui, o Seruator, & gloria vitæ meæ. Gratia tua mira quadam suauitate mentem meam impellit, vt post te sequar. Fiat cor meum terra bona, quæ semen tuum bonum suscipiat. Gratia tua illam perfundat rore vitæ æternæ. Percipiat gratia tua è terra cordis mei fructum bonum, qui tibi semper est gratus, lacrimas, adorationem, & laudes. Conuertere animam meam ad ouile paradisi deliciarum cum oue illa, quæ perierat, & inuenta est. Inueniatur anima mea in lumine tuo. Vt ouem illam inuentam in humeros tuos sustulisti, sic indignam hanc animam meam manu tua trahito, vt vtrunque offeras sanctissimo patri tuo, & ego cum omnibus sanctis, & piis, & iustis dicam in deliciis illis paradisi. Gloria patri immortalis, & filio immortalis, & spiritui sancto immortalis. Adoratio, honor, & imperium tibi, Domine, qui cœlestia munera largitus es mihi indigno atque inutiles seruo tuo, vt gloriæ drachmam offeram

## DE RECTA VITAE RATIO.

Regi vniuersorum. Laus Deo nostro in secula seculorum. Amen.

### *De recta uitæ ratione.*

1 SI rectam viuendi rationem diligis, humilitatem amplectere, sine hac enim recta vitæ ratio nequit consistere.

2 Peregrinus a recta semita aberrans in aliena regione vagatur: Et qui ab humilium deflectit itinere, non figet tabernaculum suum inter tabernacula iustorum.

3 Quicquid agis, id agito cum humilitate in nomine Seruatoris nostri Christi, sic enim fructus tuus tolletur in cælum. Superbia nanque similis est arbori putridæ, cuius rami vndique facile confringuntur. Quodd si quis in eam ascenderit, celeriter decidet.

4 Qui ab humilitate recedit, a Deo incipit derelinqui. Quem autem derelinquit Deus, is, quemadmodum Saul, a malo spiritu vexatur.

5 Is grauiter vexatur, qui peccatorum premitur consuetudine, neque ab eiusmodi tempestate usque ad mortis horam emergit.

6 Si diligenter attenderis, vbique laqueos inimici deprehendes voluptatis illecebris tanquam mellis dulcedine circumlitos, vt si quis voluptati suauitatem gustare velit laqueo capiatur.

7 Noli mel huiusmodi concupiscere, ne decipiaris, dulcedinis, enim illius extremum felle & amaritudine replet amatores suos.

8 Humilitatem amplectere, & Diaboli retibus nunquam capieris. Leuissimis enim humilitatis alis sublatus velocior ac sublimior existes, quam vt ab eo capi possis.

9 Si quem videris superbia tumidum, aspectu terribilem, habitu splendidum, & comitantium caterua



reliquos prementem, illi ne inuideas, neque perturbetur, sed fortis ac temperans esto, & eum paulo post extinctum aspicias. Soli enim illi perpetuo florent, qui Dei obtemperant voluntati.

10 Qui pietatis ac virtutis studio sunt Domino grati, minime admirantur eos, qui huius uitæ deliciis & commodis excellunt. Sciunt enim illos non aliter quam agri flores celeriter exarescere. Nos autem ignavi ac negligentes si quem corporis valetudine, & pulchritudine, atque diuitiis præstantem conspiciamus, licet improbis atque impiis sit, eum planè beatum existimamus. Ex quo fit, ut ignorantes, quanta sit virtutem ac pietatem colentium dignitas, honestos labores ac studia negligamus, temperantiamque & sanctitatem aspernemur.

11 Ludis puerilibus, fratres, ne incumbamus, sed vitam amplectamur perfectam, ne virtutem colentium gaudio spoliati sempiternis suppliciis torqueamur.

12 Beatus, qui bonas spes fouet in corde suo, & bonis cogitationibus delectatur, eius enim gloria ingens atque immortalis.

13 Silentium & quietem diligamus, ut peccata nostra considerantes modeste submissemus; nos geramus, neque arrogantiae & malitiae cogitationes tanquam pestíferas belluas nutriamus.

14 Silentium & quietem amplectamur, ut cor mundum seruemus, & templum, quod nobis commissum est, a peccatorum corruptione integrum custodiamus.

15 Præclara res est oratio cum gemitu & lacrimis, si tacite peragatur. Nam quæ cum clamore fit, ut audiat, humane laudis studium indicat. Qui autem cum iudicio & fide Dominum precatur, in conspectu eius, cogitat, quemadmodum in ipso viuimus, mouemur, & sumus.

16 Si obsecratum est cor tuum, luge coram Deo, ut tibi cognitionis lumen infundat, & illos ne contem-

## DE RECTA VITAE RATIO.

pferis, qui animo ardenti clamores emittunt in cœlū.  
17 Qui bonis operibus incumbentes irridet, se Diaboli ministrum præbet, atque illius subsequitur voluntati, nec gaudium illud inueniet, quod seruis Dei paratum est.

18 Tu verò, qui te in studio pietatis exerces, opera tua prudenter exequere, ne occasionem præbeas quarerentibus occasionem.

19 Væ hominibus inhumanis, væ dolosis, & delicias confectantibus, acerba enim illos manent supplicia. Quippe qui serui ventris effecti Deum aspernântur, ut in hac vita vanitatis plena principatus & dignitates obtineant. Sed repente mors superueniens eorum fauces exsiccat, in quas assidue suauis epulas ingerebant, imperia, atque honores aufert, quibus creatorem suum contempserant. Tunc infeliciū cadauera tanquam stercorea proiiciuntur in terram, animæ verò ad loca propria & conuenientia pertrahuntur.

20 Cum ea, quæ sensui iucunda sunt, in vita perspexeris, ne capiaris, caue. Illic enim latitat esca mortis. Neque enim hamum nudum in aquam dimittit piscator.

21 Cupiditatum retia tendit aduersarius, ut animas omnes improbus sibi reddat obnoxias.

22 Anima, quæ capta est, fit veluti laqueus ad alias decipiendas, ut inimici pareant voluntati. Allicit enim illas, quæ nondum expertæ sunt Draconis acerbitatem. Nam, quemadmodum perdix comprehensa tanquam esca proponitur illis, quæ nondum captæ sunt. Circa illam enim auceps laqueos collocat, ut voce sua reliquas circumuolitantes ad eos alliciat.

23 Ab excolenda virtute labor te ne deterreat. virtus enim sine labore comparari non potest.

24 Inter labores animi oculos in cœlum tolle, consideranti enim cœlitum gaudia nullus videbitur labor recusandus.

25 Studioſe labores honeſtos amplectere, vt inaniū laborum effugias difficultatem. Iuſtorum enim labores vitæ fructum afferunt. Peccatorum autem labores ſunt miſeria pleni.

26 Forti ac patienti animo, vt Deus iubet, vitæ præſentis ærumnas ſuſtine, & Sanctorum ſpes te minime fruſtrabitur. Nam inimici iugum mortiferam in ſe triftitiam habet.

27 Qui addicti ſunt mundi vanitati viros bonos ſtudent è medio tollere, ne præſentia ipſorum coarguantur. Sed eorum ruina pietatis ſtudioſos illuſtrat.

28 Ne laborum tuorum fructum amittas, humilitatem cole. Hanc enim ſi reieceris, inter eos, qui fruſtra laborant, ipſe quoque numeraberis.

29 Vis in officio animam continere? Te ipſum vndique prudenter muni aduerſus voluptatum cogitationes, ne in portu naufragium faciās.

30 Si te vti portum tutiſſimum vis conſtituere, fortitudinis & conſtantię moles circunda tibi, ne libidinis procella ac fluctibus obruare, & pro portu ſcopulus efficiaris.

31 Anchoram cū anchora noli implicare, ne, ſiquid in te leue reliquum eſt, a cupiditatibus detraharis.

Qui enim extrahere cupit eū, qui decidit in profundum, prudenter id agere debet, ne ab illius anchora eodem in gurgite demergatur. Malorum enim ſermo & conſuetudo, facile ſi detur occaſio, aculeo & vnco ſuo animam figit ac detrahit.

32 Improborum colloquia & conſuetudinem fuge, & magna in tranquillitate verſabitur animus tuus.

33 In dedecus ac ludibrium incidit, qui non omnia opera ſua prudenter agit. Perfectos enim ac ſapientes Deus eſſe nos omnes iubet.

34 Niſi Sancti Spiritus igne vehementer inflammatum te ſentias, noli cogitationes aliorum audire. Duplici enim bello oppugnaberis. Nam cum eorū, quæ



## DE RECTA VITAE RATIO.

audiuimus, recordatione animæ nerui franguntur: Tum is, qui se se nobis subiecit, nisi vitia virtute superauerit, inimicus efficitur. Cum enim propter negligentiam in eadem peccata reciderit, eum, quem sibi magistrum & correctorem elegerat, ut aduersarium intuetur. At ille si prudens est, cuncta tradit obliuioni. Potest enim Deus illum rursus conuertere.

35 Quemadmodum, si quis domi columbam nutriat ea verò fenestram apertam inueniat, atque auolet, non statim ligno aut lapide obiecto fenestram occludit, sed milii, aut leguminum granula prudenter spargit, ut eam ad reuertendum alliciat. Sic multa indiget prudentia & experientia, qui cogitationum maculas studet abstergere.

36 Ita lege, ut ex lectione tua non ea solum, quæ ad dicendi facultatem & elegantiam pertinent, persequare, ne cor tuum feriat arrogantiae spiritus: Sed instar sapientis apiculæ, quæ mel ex floribus colligit, ex iis, quæ legis, animi medicamenta conquire.

37 Quemadmodum si pauper gloriæ cupidus sibi Regis nomen imponat, non propterea tamē est Rex. Sic & monachus, qui cum occulte comedat, ad fratrum mensam in ediam ac temperantiam simulat, non est virtutis studiosus, sed texit araneæ telā. Neque enim per viam Sanctorum incedit, sed per viam illorum, qui laudes hominum aucupantur, quos sic alloquitur Spiritus Sanctus: Dominus dissipabit ossa eorum, qui hominibus placent.

Psal. 52

38 Si mundo renuntiasti, quæ tua sunt, cura, ut optatam margaritam inuenias. Sunt enim qui vel militia relicta, vel diuitiis distributis mundo renuntiantes ex seculi vita recesserunt, sed dum propriæ inhærent voluntati, ceciderunt. Nihil enim grauius, quam a propria voluntate superari, & non ex diuinæ voluntatis præscripto vitam instituere. Hi cum se a vitæ negotiis quàm longissime putent discessisse, adhuc tamen

tamen in ipso vestibulo detinentur .

39 Filii Israel cum è ferrea seruitute liberati mare rubrum incolumes traiecissent, & eiusmodi munèribus & commodis fruerentur, in continenti naufragiū fecerunt, quia proprię voluntati voluerunt indulgere, & ex tanta multitudine duo tantum seruari sunt, qui diuina oracula non contempserunt, sed Dei altissimi consilium & voluntatem pie sancteq; obseruarunt.

40 Qui mundo nuntium remisissent, commune cū mundo nihil habent. Hi siue primo locentur loco, cum principes non sint, siue postremum in locum detrahantur, nihil commouentur. Qui vero de recta pietatis sententia dimoueri se sinunt, ad mundi voluptates facile declinant, nec pro virtute deinceps certamen subeunt, sed iugum abiicientes diligenter ædificant, quę recte quondam destruxerunt. Non aliter, quàm si virgo grauissima, quę sensus suos in thalamo studiosè custodiebat, abiecto pudore corrumpatur; Impudenter enim flagitia committit, Neque Deum, neque homines uerita. Attamen Dei manus non effugiet. Nam dies opera cuiusque declarabit. I. cor. 3. Igne enim explorabuntur.

41 Beatus, qui virtutem operibus profitetur ac prædicat. Virtutem enim verbis profiteri, & re ac factis virtuti contraria sequi salutem afferre non potest. Nec qui de modestia ac temperantia disserit, & flagitiosè viuit, præmium assequetur.

42 Animo ne perturberis, o amice Dei, cum voluptatum studiosos, ea, quę sensui iucunda sunt, uideris sine timore conlectari. Flos enim istorum scæter. At eorū, qui virtutes colunt, studia in luce splendent, & mira fragrant suauitate. Constans igitur esto in virtutis pietatisq; studio, vt ab illis etiam, qui fluxas voluptates diligūt, collauderis. Virtutis enim studiosos tacite beatos existimant, licet id aperte fateri nolint.

## DE RECTA VITAE RATIO.

- 43 Cum hominum corpora conspexeris artificio cōpta & ad fœdum amorem excitandum ornata, ea ne admireris, neque te cutis paulopost in cinerem dissoluenda nitor decipiat, sed tecum ipse cum gemitu psalle, Memento, inquit, Domine, nos esse puluerem. Homo sicut fœnum. Dies eius tanquā flos agri, sic efflorescit. Quoniam spiritus pertransibit in illo, & non subsistet, & non cognoscet amplius locum suum. misericordia autem Domini à seculo, & vsque in seculū supertinentes eum. Quod si feceris adiuuante gratia Dei, in hac pugna non capieris ab inimico.
- 44 Omni studio Deum ora, ut tibi perfectæ castitatis spiritū largiatur, quo Demonis insidias in nocturnis etiā illusionibus effugias. Ut si quis se à serpente inuadi & oppugnari perspiciat, aut ab aliquo facem ardentem iniiciente, is de loco in locum aufugiat, ne à fera, aut igne comprehendatur.
- 45 Quemadmodum sine labore ac studio nemo scientiam aut artem ullam pecunia consequitur, ita sine diligentia & patientia non potest ad perfectionem Monachus peruenire.
- 46 Quemadmodum reliquīs omnibus corporis membris caput antepone. Et si quis te vel lapide, vel fuste, vel gladio petat, cætera obiciis membra, ut ictum à capite repellas. Cum in eo potissimum vitam consistere non ignores: ita Sanctæ & eiusdem essentiae Trinitatis fidem, sine qua vitam, quæ vere vita sit, viuere nemo potest, rebus omnibus antepone.
- 47 Ex toto corde tuo spes tuas omnes in Domino sitas & locatas habe. Neque enim Dominus seruos suos in se sperantes unquā despiciet aut derelinquet. Decipere gestiebat Aegyptia Dei amantissimum Ioseph, & magno impetu ad finem sibi propositum contendebat. At pudicus adolescens Dei omnipotentis recordatione veluti rore animum suum perfundebat, ne impij amoris igne torreretur. Custodiebat autem



sensus suos, ne peregrinis cogitationibus locū daret, & impudicæ scēminæ captiuus fieret. Eam enim semper, vt mortis laqueum, aspiciebat. Quamobrē tentatione superata coronatus & Rex Aegypti factus est.

48 Decreuerunt homines impii Babylone aduersus animam piam insurgere, vt eam turpiter inquinaret. Sed illa cum Deum altissimum adiutorem haberet, improbos magno cum ipsorum dedecore superauit. Cumq; se beatam illā in iudicio sentētiis suis capite dānatos existimaret, ea ipsa re imprudētes in mortis sentētiā inciderunt. Neque. n. oculos Dei, qui semper vigilat, & omnia lustrat, illudi aut decipi potest.

49 Per viam angustam atque arduam incedamus, fratres charissimi, vt vera cum laude custodem habeamus ac defensorem Deum.

50 Margaritæ tutissimis atque intimis in locis conditæ conseruantur. Quisquiliæ autem & vilissima quæque vt finis & lutum in platæas proiciuntur.

51 Siquis in te maledicta cōiiciens exprobrere ea, quæ flagitiose cōmisisti, te ipsum potius, q̃ illū argue. Tu enim factis te dedecorasti ea patrans, quæ nūc audire non vis. Noli minis & iracundia illi silentiū impingere, sed te ipsum corrige, ne mala committas. Scelerū enim foetor te animæ tuæ proditorem esse significat.

52 A flagitiis & malis operibus te per pœnitentiam ablue & absterge, & contumeliæ atque infamiæ dedecus te non commouebit.

53 O tu, qui ad vitam aspiras, peccato resiste, & tentationis impetum ne reformida. Tentatio enim militem strenuum minime lædet.

54 Quæ per ignem transeunt, ignem non metuunt. Lateres crudi sunt fragiles & inualidi. iidem igne concocti tam validi fiunt, vt igni simul & aquæ resistant. Ac quemadmodum in vase fictili aqua, sic in fornace flamma continetur. Fornax autem ex lateribus constat.

DE RECTA VITAE RATIO.

55 Tu quoque fortis ac strenuus esto in tentationibus & tribulationibus, & voluptatum ardoribus obfiste, ne crudi lateris instar, pluuiæ guttis, quam videris habere, soliditatem amittas.

56 Opera tua ne putes recta, nisi à piis hominibus comprobentur.

57 Audi vocem Domini, vt opituletur tibi, manusq; suas aduersus eos, qui te affligūt, obiciat, & humiliet inimicos tuos. Psal. 80. Ibunt enim, vt illis cōminatur, secundum desideria cordis ipsorū in adinuenitionibus suis.

58 Omni studio propriæ resiste voluntati, & eorum monitis obtempera, qui Deū timent. & diuina adiuvante misericordia contēres Draconis caput. Quando autem sequeris voluntatem tuam, à perfectione abesse te scito quā longissime. Quantum vero abes à perfectione, tantum doctrina indiges ac disciplina.

59 Sustine afflictionem in Domino, vt lætitiā percipias. Laborem subi, vt mercedis fructum feras.

60 Lapidida lapidibus cedendis, & faber tundēdo ferro mercedem accipiet.

61 Qui bellum fugit, spolia non referet, & qui abhorret à disciplina, inter prudentes non habebit locum.

62 In sublime conscende & terrena cuncta despicias humilia & abiecta. Quod si è sublimi descenderis, quæuis domuncula dealbata tibi erit admirationi.

63 Omnibus in rebus prudentiam adhibe, qui pietatem colis. Hæc enim te tanquam in vehiculo gestabit, & multis è periculis eripiet, neque enim studiosos amantesq; sui quicquam ad aliorum perniciem aut loqui aut facere patietur.

64 Proficientis est; seipsum semper accusare, seipsum autem accusantis, alterum eosdem in errores incidentem minime iudicare.

65 Ex duobus illis servis decoctoribus, qui eandē ob causam in carcerē cōiecti sunt; ille rei ingratus damnatus est, qui in conseruū suū crudelitātē exercuit.

66 Eum, qui incidit in tentationem, irridendo, noli condemnare, sed assidue Deum ora, ne te in tētatōnem inducat. Cuius enim animus cogitationum turbine ac procella confusus perturbationibus cedit, is nec homines veretur, nec Deum timet. Quod si potens ac diues est, audacter mala committit. Sin imbecillus ac pauper contumacia & ipse sua impudenter in scelus & flagitium ruit.

67 Ne sis voluptatum studiosus, aut superbus. Audi sacrum prophetam clamantem: Exurgat Deus, & dissipentur inimici eius, & fugiant, qui oderunt eum à facie eius. Sicut deficit fumus, deficiant. Sicut fluit Psal. 67.  
cera à facie ignis, sic pēreant peccatores à facie Dei. Et iusti epulentur & exultent in conspectu Dei.

68 In cellula tua te contine, o monache, ibique prærationi cum animi summissione frequēter incumbe, quemadmodum tres illi pueri in camino ignis, & ne constituas te speluncam latronum faciens iniusta, ne in die iudicii cōfundaris, cū hominū arcana patefiēt.

69 Qui messis tempore piger est, domum suam lætitiæ minime cumulabit. Et qui in hac pietatis studiū & labores negligit, in altera consolationis iustorum expers reperietur.

70 Tempus horrendum ac formidandum nobis aduentat, fratres, cum ea, quæ in occulto & in tenebris gessimus, aperta ac manifesta omnibus proponentur. Væ animæ illi, quæ non habet adiutorem Deum.

71 Agite, fratres Christo charissimi, extremum vitæ diem nobis ante oculos proponamus. Cogitemus, quomodo dies nostros transegerimus. Stultus, qui cum stultis versatur, & in rebus inanibus vitam consumit. Beati, qui præclaram virtutis ac pietatis mercuraturam exercent.

72 Quemadmodum diues ventis secundis nāvigās, in stragulis sedet, & oculos sublimes tollit ad quæsum, satagunt coqui, ut epulas illi iucundæ parent,



## DE RECTA VITAE RATIO.

eircūstat turba satellitū. Repente vero coorta tempestate, mare turbatur, nauis confringitur, & ipse solus a fluctibus in insulam desertā & feris crudelibus plenam impellitur, vbi lugeat, & cōqueratur, & nemine exaudiente capillum faciemq; cōuellat, toto corpore cruciatur infœlix, & singulis horis mortem expectat. Qui præ rerum copia pauloante cuncta despiciebat, fame, ac siti, timoreq; conficitur, & nullus adest consolator. Idem nobis negligentibus contingit. Dum enim deliciis ac voluptatibus incumbimus, mors repente nos opprimit, & in loca horrenda detrudit, vbi peccatores omnes, qui Dominum suum nunquā non offenderunt, æternis cruciatibus torquebuntur.

73 Quo in metu versetur is, quem desertos in scopulos procella coniecit, vbi nullus est adiutor aut consolator, cuius facile est intelligere. Nos igitur, dum in tuto sumus, quanto terrore peccator afficiendus sit, cogitemus, cum in suppliciorum & cruciatuum locū coniectus fuerit.

74 Cor meū ingemiscit, & oculi mei lacrymas quarunt, sed peccatum mentem captiuam detinet, ne respiscens, amaris lacrymis Deum exorem, ne me proiciat in tenebras exteriores.

75 Domine, qui populum tuū e manu Pharaonis, & ex fornace ferrea liberaſti, eumq; per mare rubrum incolumē eduxiſti, nos item libera ab iniquitatibus nostris, vt in conspectu tuo, cum ad iudicandos viuos & mortuos veneris, gratiam inueniamus.

76 Dum in nobis sunt vires, Domino in cordis rectitudine seruiamus, vt nos, cum tentationes inuaserint, adiuuet, & magnis e periculis eripiat.

77 Deus eos, qui sibi corde puro seruiunt, gloria decorat incredibili, nullus enim glorię Sanctorum inuenitur finis.

78 Dei iussu Ionā prophetam cetus deglutiuit, & in ventre ceti tanquam in penu quodam seruabatur. Ad

## DE RECTA VITAE RATIO. 70

montium extrema descendit caput eius. Abyssus val-  
lauit eum, eterni terre vectes illum concluserunt. Ibi  
tamen supplex precabatur, ascendant, inquiens, de cor-  
ruptione vita mea. Domine Deus meus. Diuisit pro-  
fundum oratio eius, aerem scidit, ascendit in cœlum,  
& ad aures Domini peruenit, vel ipse potius Domi-  
nus, qui replet omnia, haud longè absuit ab homine  
ex animo supplicante.

79 Præcepit Dominus pisci, & prophetam euomuit;  
qui tanquàm e naui descendens ad prædicandum se  
contulit.

80 Acuunt dentes aduersus iustos peccatores. Ten-  
tationes ingruunt. Coronantur tamen homines pii,  
& confunduntur impii, qui contra Dei Sanctos mala  
cogitabant.

81 Heliam Thesbitem improba fœmina persequeba-  
tur. Dominus autem seruo suo per coruum victui ne-  
cessaria subministrabat. Peccatores verò grauis op-  
pressit fames.

3. Reg.  
17.

82 In curru igneo sublatus est Helias propheta. At  
impia Iesabel præceps e fastigio domus suæ est detur-  
bata, & in plateis ciuitatis deuorata est.

83 In cœni lacum coniecerunt impii Ieremiã pro-  
phetam, & pios eius sermones ferre non possent. Ho-  
rũ facinore audito Abimelec corpore quidẽ Aetiops,  
sed animo cãdidus, & fide cõspicius Regis iniquitatẽ  
incusauit, & pphetã eduxit, ac benedictionẽ inuenit.

4. Re. 9.

84 Insurrexerũt hostes in eos, qui semper Dei pro-  
phetas oppugnabant. Et Hebræorum populus permit-  
tente Deo venit in eorum potestatem. Hi cũ Dei pro-  
phetam aspexissent, vincula detraxerunt, & munera  
obtulerunt. Eum enim magna pietate præstantẽ viderant.  
Quemadmodum enim qui lucernã gestat, eos,  
qui adsunt, lumine illustrat, sic virtus passim circun-  
fert glorię splendorem.

85 Coniecerunt impii Daniele prophetam in

## DE RECTA VITAE RATIO.

lacū leonū, vt ab illis deuoraretur, ignorantes, id se in  
Dan. 14 propriam perniciem machinari. At Deus per Angelum sanctum, & per manum Abacue prandium misit seruo suo. Feræ autem videntes prophetam, prostratæ adorabant eum. Vis enim cœlestis obturauerat ora leonum, ne virum iustum offenderent.

86 Cum è medio ferarum eduxissent prophetā, obstupuerunt homines impii, videntes eum tanquam sponsū è thalamo facie splendida egredientem.

87 Iubente Rege adducti sunt viri illi, qui accusauerant Daniele, & in lacū leonum missi sunt ipsi, & filii, & vxores eorū, & nō perueherunt vsque ad pauimentum lacus, cum arripiētes eos leones omnia ossa eorum comminuerunt. Quamobrē omnes admirantes exclamarūt. Magnus es Domine Deus Danielis.

88 Hæc considerantes, dilectissimi fratres, operamur, vt tempore tentationum probati reperiamur. Ideo enim amicos suos tentari permittit Deus, vt eorum patientia & virtus exploretur.

89 Dum licet, Domino in timore, & recto corde, & bono animi proposito seruamus, ut cum tentationes aduenerint, opem ferat imbecillitati nostræ, nosq; victores declaret, & coronatos ducat in regnum suum.

### *De beatitudine, & miseria.*

BEATI, qui Deum amant, & propter amorem eius terrena cuncta despiciūt. Beati, qui dies noctesq; lacrimantur, quoniam ab ira ventura liberabuntur. Beati, qui sponte se summisle atque humiliter gerūt, quoniam extollentur. Beati temperantes, quoniam paradisi deliciis perfruentur. Beati, qui vigiliis, & piis exercitationibus affligunt corpora sua, quoniā gaudia cœlestia percipient. Beati, qui se ab improbis cogitationibus integros purosque conseruant, quoniam Spiritus Sanctus habitat in illis. Beati, qui Deum




ex toto animo magis, q̄ mundum diligunt, quoniam amici Christi reperientur. Beati, qui crucem suam libenter ferunt, & verè Christum sequuntur, quoniam ad cœlestem Hierusalem peruenient. Beati, qui lumbis præcinctis in veritate, & ornatis lampadibus suis diuinum sponsum expectant, quoniam simul cum ipso regnabunt in cœlo. Beatus, qui æterna illa bonæ mentis oculis semper contemplatur, quoniam illa consequetur. Beatus, cui iudicii dies ante oculos versatur assidue, quiq; operam dat, vt in illa die probatus inueniatur, quoniam læticia & gaudio incredibili afficietur. Beatus, qui vincit carnis voluptates, quoniam in extremo iudicio fiduciam habebit. Beatus, qui luet in terra, quoniam in cœlo lætabitur cum Angelis Dei. Beatus, qui propter Deum in hoc mundo laborat, quoniam laborum suorum fructus in cœlo percipiet. Beatus, qui non otiosus edit panem suum, sed ex laboribus manuum suarum, vt Apostolus Paulus, aliis etiam necessaria subministrat, quoniam in finu Abrahamæ conquiescet. Væ autem illis qui in peccatis perseverant, & pœnitentiæ tempus non agnoscunt, quoniam eos propediem æterno cum dolore, sed frustra pœnitebit. Væ illis, qui dicunt, dum iuuenes sumus, corporis voluptatibus indulgeamus: cum senes erimus, pœnitentiam amplectemur: quoniam in mortem repente tanquàm in laqueum incident, & spe sua miseri decipientur. Væ illis, qui sponte peccant, & cras, inquit, peccata relinquemus. Nesciunt enim quid posterior allatura sit dies, neque ea, quæ in medio nox est interiecta. Væ illis, qui cum bonum intelligant, manus dant malo: quoniam in die exitus ex hac vita, Angeli mali animas eorum excipient. Væ illis, qui prauis operibus suis proximo pariunt offendiculum: quoniam in die iudicii rationem etiam eorum reddent, quæ propter exemplum ab aliis male gesta fuerint. Væ illis, qui cum renun-

## DE BEATITVDINE

tiauerint mundo, rursus ad mundum redeunt : in eos  
 enim aratri similitudo torquebitur. Væ illis, qui car-  
 nis sequuntur voluntatem, & animæ curam abii-  
 ciunt: quoniam ipsorum vita & spes in terram dissol-  
 uetur. Væ qui totis viribus atque omni studio non  
 præparant se, vt in die iudicii legitimam habeant de-  
 fensionem. Væ illis, qui patientiam abiecerunt : quid  
 enim facient, cum eos Dominus inuiset. In hoc exi-  
 guo vitæ curriculo, fratres charissimi, omne studium  
 & diligentiam adhibete, vt pœnitentia & lacrymis  
 benignum clementemq; Dominum vobis concilie-  
 tis, vt vos ad se reuertentes suscipiat, & vitam largia-  
 tur. Salutis nostræ curam ne abiiciamus, ne ue mundi  
 voluptates consectemur. Sunt enim fugaces, ac bre-  
 ues, & studiosis ipsarum statim dolorem relinquen-  
 tes ad alios fugiunt. Omnis mundi gloria ex hoc lo-  
 co in alium migrat. Et nos nihil sequitur nisi pecca-  
 tum, & vltix peccati pœna. Nemo nobis opitulabi-  
 tur in illa hora, non amicus, non propinquus, non  
 alius quisquàm nisi pœnitentia, & virtutes pœniten-  
 tiæ comites, atque adiutrices, vera charitas, humili-  
 tas, obedientia, temperantia, & omnia denique opera  
 bona, quæ gesserimus ex voluntate Dei. Hæc ex hac  
 vita nos consequentur. Hæc aduersariis potestatibus,  
 quæ in ipso mortis articulo, nos corripere cona-  
 buntur, repugnabunt, Hæc nos addu-  
 cent ad præsentiam Christi Serua-  
 toris, vt eum cum patre &  
 Spiritu sancto collau-  
 demus in sæcula  
 seculorum.  
 Amen.

78

VITA SANCTI EPHRAEM  
per D. Gregorium Nyssæ Pótificem  
Magni Basilii fratrem grecæ  
scripta, in latinam versa.



PETRO FRANCISCO ZINO

*Veronensi interprete.*



ARCANA diuinis in Euange-  
liis similitudo me ad propo-  
situm dicēdi argumentū adhor-  
tatur, & linguam silentii freno  
inseruentem soluit, cogitatio-  
numque uias tāquam spatio-  
sos campos exæquat & parat,  
atque orationis currū ad iter  
arripiendum expeditū ac prō-  
ptū reddit, clara uoce hīsce quodammodo uerbis ex-  
clamans: Non accendunt lucernam, & ponunt eam  
sub modio, sed super candelabrum, & lucet omni-  
bus, qui in domo sunt. Quid autem ex his intelliga-  
tur, adiungit, dicens: Sic luceat lux uestra coram ho-  
minibus, ut videant opera uestra bona. No'ne igitur  
accusandi erimus, si præ ignauia silentio inuolueri-  
mus id, in quo celebrando ingentes animos sumere  
Dominus imperauit? Etenim cum huius diuini Pa-  
tris vitam veluti præclaram ac Sole splendidiorem fa-  
cem accenderit, nobisque declarandam proposuerit,  
non vult, ut eam taciti prætereuntes subter modium  
abscondamus, sed in sublimi Ecclesiæ uertice colloce-  
mus, ut omnibus, qui in hac orbis terrarum domo ver-



santur, eluceat, quique ob illam viderint, cœlestem patrem collaudent.

Quocirca paternum illius vinculum haud ita metuendum est, vt Domini præceptum contemnatur. Quin etiam laudationis initium inde sumendū fuit, licet nos in extremam orationis partem id reiecerimus. Res enim recte consideranti illud haud plane vinculum videatur, quod humanam gloriam aspernantem prohibeat laudibus exornare, aut certe vinculum ad soluendum facile, & obligatio eiusmodi, quæ ad id potius efficiendum amantes impellat. Etenim ex quibus ille laudes se vitaturum existimauit, interdicti vinculo conatus nostros euertens, ea nobis laudandi præbent occasionem. Nam cum singule ipsius præclaræ animi dotes materiam ad laudandum exhibeant, cum illud in primis, quod laudibus nō oblectatur. Volebat enim non videri, sed esse bonus. Ex qua quidem vel vnica re, etiam si nihil aliud laude dignum effecisset, collaudandus esset. Adeo enim se laudibus delectari dicebat, vt eo vinculo vituperationem ex illis proficiscentem obsignare voluerit & euitare. Hoc autem primum orationi nostræ stadiū pandit, & perspicue demonstrat metam, ad quam dirigamus cursum, ne temere progrediamur, ne uē feramur præcipites, sed per viam regiam incedamus, considerantes admirabilem Dei virum, non fuisse prohibiturum, ne laudaretur nisi se laudibus dignum conspexisset. Nullus enim nisi admodum insignis & admirandus, cum adhuc viuens maximis virtutibus excellat, memoriam sui obliuionis poculo obliterare posteros iubeat. Ac quemadmodum Paulus gratiæ prædicator, auspex Ecclesiæ, os Christi, quanuis dixerit: non sum dignus vocari Apostolus, non tamen propterea effecit, quominus Apostolus vocaretur. quin etiam quanto summissius de se ipse sensit, tanto maiorem gloriam est affecutus, sic Magnus noster

hic pater , quoniam se ipsum caute laudibus indignū iudicauit , iccirco deinceps dignius laudibus deprehendetur .

Cum igitur is nostrę sit Ecclesię mos & institutum , vt virtutis studiosi , propterea quod eius partes coluerint , coronentur , & illi potissimum , qui propter humilem de seipsis existimationem spiritu sublimes effecti sunt , cum Euangelium dicat . Qui se humiliat , exaltabitur , minime vituperandi , aut irridendi , aut condemnandi sunt , qui diuini huius Patris virtutes describentes , vitam ipsius nobis veluti spirantem atque animatam columnam erigunt . Quę autem diximus minime falsa esse sapiens auditor inspiciet , si vbi fuerit peroratum , varia illius virtutum genera colliget , ex quibus nos tanquam pretiosis ac diuersis lapillis atque auro distinctam coronam contextentes , optatum Christi Ecclesię munus offeremus . Gaudet enim illa se eiusmodi donis honestari , quando solennis memoria iusti celebranda occurrit . Quamobrem cum ita ferat circulus anni , vt hodie nobis collaudandus sit Ephrēm , fieri non potest , quin magno cum gaudio monumentum hoc & amoris pi- gnus suscipiat .

Ephrēm igitur ille celebrandus est , qui Christianis omnibus in ore versatur . Ephrēm Syrus , neque enim genus illius erubescimus , cuius moribus exornamur . Ephrēm , cuius vitę doctrinęq; splendor vniuerso orbi terrarum illuxit . In omni enim fere loco , qui illustratur a Sole , cognoscitur , atque illis duntaxat incognitus est , qui magnum Ecclesię lumen Basilium ignorant . Ephrēm notus ille profecto Ecclesię Euphrates , cuius aquis irrigata Christianorum multitudo , centuplum fidei fructum affert . Ephrēm fecunda illa Dei vitis , quę instar dulcium racemorum doctrinę fructus produciens , Ecclesię filios diuina charitate nutriēs explensq; recreat & oblectet . Ephrēm

bonus & fidelis Ecclesiæ dispensator, qui virtutum rationes conseruis æque distribuens, Dei familiā optime gubernat. Cuius quidem genus, & nobilitatem tum ab ipso partam, tum à maioribus susceptam, & parentum gloriam, & ortum, & educationem, & ætatis incrementum, & corporis formam, & fortunam, & artes, & cætera, quæ ab externis scriptoribus tanquam magni momenti in laudibus numerantur, nos in medium afferre superuacaneam ducimus. quandoquidem diuos homines non ex rebus eiusmodi laudandos suscepimus. Itaque licet ad hunc laudandum inde etiam abunoe nobis suppetant argumenta, non aliis tamen rationibus quàm quibus ipse viuendo docendoque illustrem se reddidit, orationis coronam connectemus. Veræ enim laudes consistunt in iis, quæ in nobis ipsis posita sunt & illis præmia debentur, quæ ex voluntate nostra proficiuntur. Earum vero rerum, quas recēsuimus, & vituperationes sunt falsæ, & laudes ineptæ.

Quomodo enim ex genere laudari velit, qui omnem mundi nobilitatem contemnit? & ex optimis optimis operibus dei filius fieri voluit? aut ob patriam se commendari patiatur, qui totum orbem ad se pertinere non censuit? quique vt hostilem in maioribus & parentibus materiam gloria dulcem efficeret, corporis affectionem, atque animale ipsam carnis tuniculam vt celerrimos ad virtutem cursus impediētem, plane conculcauit? Quomodo denique aut ex incremento corporeo, aut ex educatione, aut ex arte, aut ex aliis id genus huiusce vitæ studiis abiectis se decorari permittat, qui iam inde ab ipsa pueritia in diuinarum scripturarum meditatione educatus, & crescens, & ex perennibus gratiæ fontibus bibens ad mensuram ætatis Christi, vt Apostoli verbis vtar, peruenire contendit? Cum igitur sciamus magnum hunc nostrum patrem irridendis his laudibus, quibus



homines corpori dediti capiuntur, cumulari se nolle, ex propriis ipsum laboribus mediocriter saltem conabimur commendare. neque enim eam naturam habet oratio, ut supra vires intendatur. Quare dabimus operam, ut neque infantia impediti, quæ dicenda sunt, silentio prætereamus, neque per semitam a patrum institutis abhorrentem incedentes, a via regia discedamus, sed inter utranque percurrentes, orationem nostram temperemus.

Quæ sunt autem illa, quæ nobis ad laudationem eius contexendam subiecimus? actio nimirum & contemplatio, quas virtutum examen consequitur, fides, spes, charitas, pietas erga Deum, diuinarum scripturarum meditatio, animi corporisque munditia, assiduæ lacrymæ, vita solitaria, e loco in locum secessio, malorum fuga, doctrina perpetua, precatio continua, humicubatio, vitæque asperitas incredibilis, paupertas atque humilitas singularis, misericordia naturam humanam excedens, zelus diuinus in eos, qui rabie contra pietatem inueherentur, omnia denique, quibus homo ad dei imaginem insignitur. Hisce laudibus noster conspicuus est pater: agnoscit quæ dicimus: proprias esse prærogativas non ignorat: & hoc sermones ut nobis non sibi utiles non aspernatur. Siquidem vel tenuis de ipso commemoratio, studiosis est causa virtutis complectendæ. Hæc autem nos non aliunde didicimus, sed ex iis, quæ in variis ipse scriptis suis disseminauit, ex quibus ut sedula apis ex multis floribus spiritualem hunc fauum confecimus. Ac nobis quidem hæc conantibus non succensebit omnino. Quando sceleratum dæmonem, qui vel in extremo certamine multos supplantare solitus est, amplius non reformidat. Iam enim in tranquillum cœlitum portum peruenit, ubi nullas procelas metuit aut tempestates.

Quod igitur ad fidem pertinet, nulla ex parte pro-

cul à pietate declinans recte admodum sentiebat, id quod cum ex scriptis eius tum ex ecclesiæ de ipso estimatione cognouimus. æquè enim & falsam Sabellii confusionem, & insanam Arii diuisionem detestabatur. Sciebat autem, quo se pietatis fines extenderent. Sic enim vnā, non confusā, sacrosanctāq; trinitatem, & personarum numero diuidebat, & coniungebat vnitatem substantiæ, vt neque diuinitatis inopiam iudaice afficeret cōtumelia, neque deorum multitudinem more græcorum debaccharetur. Absurda autem Apolinarii opinione sic abhorrebat, vt omni cura eam ex omniū christianorum animis studeret euellere. Quinetiam fuitiles & effrænatas Anomiorum linguas multis tum argumentis, tum scripturæ testimoniis plane compescuit, maximeque vtilia ac diuina contra illos monumenta nobis reliquit. Siquis autem in Ephrem disputationum cum Nouato certamine velit eius audacissimi stragem videre, aduersarii casum aspiciat. Illic enim adeo superiores in ipso disputandi congressu doctoris nostri vires inueniet, vt hunc virum Pancratiastem, illum mollem ac nondum ætate firmatum puerum dicat. Nec vero eas solum, quæ vel tunc, vel ante exortē fuerant ex malitiæ semine zizaniorum hæreses, fidei rectitudine profligauit, sed quæ perniciose in posterum pullulare poterant, oculis propheticiis prospiciens præcidit. Omnia enim, quæ ab illo conscripta sunt volumina, demonstrationibus conferta sunt. Nunquam igitur hic veritatis filius ab ipsa veritate deflexit. Spem autem in Deo solo, in quo qui spes suas collocant, præmia reportant, defixam habuit. Quamobrem illud Psalmi in omni quibus factis & dictis vsurpabat: in ipso sperauit cor meum, & adiutus sum. Quoniam sperantem in Dominum misericordia circumdat. Et fiducia in Dominum monti Sion similem efficit, & summam beatitudinem intus possidentem cōstituit,

vt ex

vt ex ipsis prophetis discere possumus, cum Dauid dicat: Beatus vir, cuius est nomen Domini spes eius. Hieremias autem: Benedictus vir, qui confidit in Domino, & erit Dominus fiducia eius. & erit sicut lignum, quod transplantatur super aquas, quod ad humorem mittit radices suas, & non timebit, cum venerit æstus. Esaias vero: Dominus rex noster, ipse saluabit nos. Ecce Deus saluator meus, fiducialiter agā, & non timebo. cum Paulus etiam nos admoneat, dicens: Teneamus spei nostræ confessionē fidelis enim est, qui repromisit.

Hac igitur diuina & reposita spe enutritus Ephrēm, humana omnia contemnens, sempiternam gloriam quotidie desiderabat. At amorem erga Deum & proximum tam studiose seruauit, vt è vita decedens hæc diceret. æquum est enim, vt ipsa verba, quæ omni demonstratione potiora sunt, in medium proferamus. Nullo (inquit) modo in omni mea vita contumeliosus aduersus Dominum fui, nec sermo stultus egressus est e labiis meis. In omni vita mea neminem maledictis affeci, & omnino nullo cum homine christiano contendi. O beata lingua, quæ cum fiducia talem emisit vocem, quæ solis Angelis ob vitam ab omni materia mutationeq; remotam, maxime conuenit. Nobis autem carni seruientibus, haud ita congrua, & naturæ nostræ vires magis exuperans, quam vt facile factis exæquari possit.

Atqui, vt multum labores, vitas eorum explorans, qui virtutibus insignes extiterunt, nullum tamen huic simile puræ sinceræq; charitatis indicium inuenies. Nam si inter omnes virtutes charitas excelsit, hanc sic excoluit beatus Ephrēm, vt non alius magis ex patribus. Cæterum, quando digna suis quisque factis præmia est accepturus, ne patres patribus conferre videamur, hæc aliis considerata relinquemus. Neque verò hæc comparisonis causa diximus, sed vt



12. **V I T A**  
populus clare perciperet, nostrum, immo vero vni-  
uersæ ecclesiæ doctorem Ephtam, ad summum gra-  
dum in spiritali scala virtutum peruenisse.

Religionem autem in vera possessione sapientiæ comparauit, iuxta verba illa Iob: Ecce cultus Dei est sapientia, per illam, vt paulo ante, illius puritatem fidei describentes ostendimus, quemadmodum Beatus Paulus, in tertium cœlum ascendit, eternumq; sibi nomen & gloriam in ecclesia peperit. Sed diuinarum scripturarum meditatio huic ex lucerna Dauidica accensa est. In meditatione mea (inquit ille) exardescet ignis. Amor enim igne cœlestis contemplationis ipsum inflammans rerum sublimium incendium excitabat. Omnem enim & antiquam & nouam scripturam assiduo studio, vt quiuis alius, diligenter versauit, accurateq; ad verbum interpretatus est, & ab ipsa mundi procreatione vsque ad vltimum gratiæ librum quæ abdita arcanaq; erant, spiritus lumine adiutus, commentariis illustrauit.

Neque vero solum huius nostræ diuinitus datæ sapientiæ latices hausit, & aliis impertiuit, verum etiam istas, quæ ad recte ornateq; dicendi rationem, quæq; ad doctrinæ subtilitatem pertinent, artes & disciplinas, quatenus vtilis arbitratur, reiectis inanibus & stultis rebus, æquitatisq; lance actionem contemplationemq; ponderans exercuit. Animi autem corporisq; munditia, pro hominis natura, immo supra naturam humanam (est enim gratiæ donum) excelluit. Vere enim animo quidē imperabat, corpore autē splendide fulgebat, & perturbationum dominam circunferebat. Quod quidem ex insidiis, quæ illi (vt memorix proditum est) ab impudica muliere factæ sunt, confirmatur. Etenim quum ea velut esca malitiæ ad decipiendum eximium virum homicida Belial vsus esset, tantum absuit, vt quod sperabat, assequeretur, vt contra ipsum insidiatorem eam ipse pugnantem in

acſe conſtituerit. Nam cohortationibus, admonitionibus, & diuinarum rationum incantationibus conuerſam ad meliorem frugem perduxit. & ex incontenente temperatam, grauem ex petulanti, ex inquinatam puram reddidit.

Tam profluenteſ ac perpetuas eiꝯ lacrymas commemorare cogitanti, vere oboriuntur lacrymæ. Vix enim ſine lacrymis licet ipſius lacrymarum pelagus traicere. Nam vt omnibus hominibus ſine intermiſſione ſpiritum ducere proprium eſt, ſic Ephræm continenter lacrymas fundere natura inſitum videbatur. Nullus enim dies, nulla nox, nulla noctis, dieiq; pars, nullum breuiſſimi temporis momentum fuit, in quo non vigiles ipſius oculi lacrymis madidi cernerentur. Modo enim communes, modo priuatas, vt dicebat, abſurditates deplorabat. Suſpiriis autem oculorum flumina ſapienter inhibebat, aut ſuſpiria potius fluminibus oculorum excitabat. Et erat vtriuſque rei progreſſus admirabilis, cum alioquin vtrunq; alterius cauſa videretur. Profluebant enim ipſi lacrymæ, & cauſa multis erat incognita. Etenim cum illas tempus non auſſerret, ſed mutua quadam viciffitudine & lacrymæ ſuſpiria, & ſuſpiria lacrymas exciperent, alterutrius cauſa latitabat. Hoc autem perſpiciet quiſquis ipſius ſcripta perlegerit. Neque enim ſolum vbi de pœnitentia, de moribus, de bonis vitæ inſtitutis loquitur, ipſum lugentem inueniet, ſed etiam in ipſis laudationibus, quas plerique omnes hilaritate multa conantur aſpergere. Hic autem idem vbique fuit, & aſſidue lugendi munus ac diuitias expetiuit. Ex quo nunc etiam fere omnes ipſius ſermonum auditores, ad veram vitam amplectendam reuocat. Tantam eiꝯ lacrymis miſta vim habet oratio. Quis enim adeo duro lapideq; corde præditus eſt, qui verba eiꝯ exaudiens, non manſueſcat, & abiecta morum aſperitate, ſuis ipſius peccatis non doleat? Quis adeo ferus &

immanis, qui salutiferam eius doctrinam auribus percipiens non desinat tēpus, quod male contriuit? Quis tam crudelis & inhumanus, qui non simul ac verba illius melle dulciora gustauerit, benignus, mitis, & amabilis euadat? Quis a lacrymis abhorrens ita se voluptatibus dedit, quin paucis illius verbis auditis, remunerationem illam, quam pro antea vitæ ratione sumus accepturi, in memoriam reuocans, lamentetur & lugeat?

In rebus, quæ fieri nequeunt prouerbum illud usurpant: lapidi misericordiam persuades. Id tamen fieri posse nos experimento docti didicimus. Diuinus enim hic senex animos, quos ob prauam obstinamq; duritiem lapides dicas, emolliuit, fregit, tractauit, vt voluit quis eius de humilitate orationem legens, non omnem protinus de se existimationem & stultam arrogantiam deponat? Sequæ omnium abiectissimum fateatur? Quis legens ea, quæ scripsit de charitate, non sic inflammetur, vt ad omne subeundum periculum paratus sit? Quis versans illa, quibus virginitatem commendat, non se Deo castum corpore & animo conetur offerre? Quis ad mouens aurem orationi, qua iudicium, siue secundum Christi aduentum describit, non animo sic afficiatur, vt ad illud iudicium se sisti iam putet? metuque ita contremiscat, ac si contra se ipsum sentētia pronuntietur? Sic enim futurum illud Dei iudicium expressit, atque ante oculos posuit præclarus & diuinus hic vir, vt ad eius cognitionem nihil aliud, nisi vt res ipsa fiat, deesse videatur.

Cum igitur in eiusmodi cogitationibus de iudicio beatus ipse assidue versaretur, mundum effugit, & ea, quæ in mundo sunt. Procul autem recessit fugiens, vt scriptum est, & mansit in solitudine, sibi ipsi vacans & Deo, atque inde virtutum munera accipiens. Iam enim plane nouerat, qui solitariam vitam eligunt, &



turbulentis mundi perturbationibus & tempestatibus liberari, & in portum quietis & tranquillitatis peruenire, ubi consuetudine fruantur Angelorum, & mentibus sublimes, quoad licet, tollantur ad contemplationem Dei; Verum, quando spiritus illum monens ad multorum ædificationem ita disponebat, ut loca mutaret, non renitebatur sed obtemperabat. erat enim iussis mandatisque Dei, ut quiuis alius, obediens. Itaque patriam relinquere, ut diuinus ille Abraham, iussus, ad Edesenorum urbem accessit. Neque enim parerat, ut diutius sub terra sol abscondere tur. His autem de causis eo se contulit, ut & quæ illic sancta erant, inuideret, & sapientem aliquem virum alloqueretur, & cognitionis fructum aut caperet, aut impertiret.

Cum igitur ad ciuitatem peruenisset, & iam portam ingrederetur, loco sapientis hominis, quem optabat, sortum occurrit. Quamobrem cum præter expectationem in molestum illud spectaculum incidisset, spe sua deiectus oculos auertebat. At ipsum improba femina contentis oculis intuebatur. Cui vir sapiens, o mulier, inquit, dic mihi, cur me tandiu contueris? at illa prompte, quoniam ex te homine ego sum, tu vero me ne aspicias quidem, sed in terram ex qua sum ptus es, oculos defixos tenes. Eam sibi inexpectatam responsionem valde profuisse vir sapiens fatebatur.

Quapropter imminens Dei potentiam collaudauit, qui ea, quæ speramus, præter spem nobis largiri potest. Inde Cæsaream Cappadociæ diuino spiritu ductus ipsum os ecclesiæ auream illam doctrinæ lusciniæ Basilium vidit. Quem senex intuitus, cœpit multis faustis vocibus venerari. Nam perspicaci mentis oculo splendidam columbam dextero ipsius humero insidentem, & verba sapientiæ suppeditantem, eaque ipsum populo depromentem cernebat. Ex qua quidem graui columba edoctus ille, diuini huius pa-

tris peregrinationē intellexerat, eumq; esse Ephrēm illum Syrum cognouerat. Opportune igitur ambo mutua consuetudine fruebantur. Atque ita laboriosa illa peregrinatio Ephrēm non inutilis fuit.

Porro naturalis innocentia vitæ illi malorum fugam ostendebat, ex ea enim & meliora prospicere, & deteriora discebat euitare, & illas sententias ac rationes eligere, quæ puræ essent, quæq; ad capeſſendā honestatem conducere, & docendi vsū non impedirent. Abunde enim diuino ſeni datum est a Christo verbi talentum, quod cum ad mensas cordium multis exhiberet, ipsi tamen in primis profuit. Hæc autem ipse de se dixisse fertur. Sibi, cum primum excederet e tenera illa ætate pueritiæ, arcana eiusmodi visā contigisse. Ipsi enim iuxta linguam valde fructifera vitis oriri videbatur. Quæ quidem ita crescebat, vt vniuersum orbem impleret Omnes autem cœli volucres aduolantes eius fructibus vescebantur. At ipsa vitis quanto plures volucres fructus decerpentes excipiebat, tanto magis racemis abundabat. Illud præterea, quod ad ipsum pertineret, alius quidam se conspexisse testatus est. Nimirum Angelorum multitudinem e cœlo descendentem volumen intus forisq; conscriptum manibus continere. Sic autem diuinam illam aciem colloqui visam esse: Quisnam volumen hoc in manus accipiat? Atque hos quidem hunc, illos illum, alius alium ex præstantibus eo tempore hominibus respondisse. Deinde post omnium probationem subiecisse. Hi quidem sancti, & serui Dei sunt. Attamen volumen hoc in manus accipere nequeunt. Cumque multos, qui eo tempore viuebant, nominassent, neque vllus ex eis placuissent, ad extremum cōmuni consensu in eam sententiam conuenientes, dixisse: nullus volumen hoc potest in manus sumere præter Ephrēm. Tum cœlestes Angelos idem vidisse dicitur, Ephrēm volumen tradere, de nocteque sur-

gens ad Ecclesiam visum illud considerans contendit  
se. Auditoque Ephraem, qui tunc luculentam gratiaque  
refertam habebat orationem, quid visum significaret;  
intellexisse, Deumque laudasse, qui tam eximium di-  
cendi munus viro sancto largitus esset. Tantam enim  
sapientiae copiam illi tribuerat Deus, ut quavis ei  
suppeterent perpetui quasi verborum fontes, rebus ta-  
men explicandis non essent pares. Quod quidem non  
linguae tarditate, sed celeritate cogitationis accidebat.  
Lingua enim cogitandi vim aliorum exaequabat; sed  
tamen tardior erat, quam ut sententias ipsius assequere-  
tur. Itaque Magnus senex a Deo singulare eloquendi  
munus efflagitabat his verbis: Largire Domine, flu-  
mina gratiae tuae. Nam doctrinae abyssi linguam ab-  
sorbebat, ut sensa ipsius efferre non posset, cum mu-  
neri concionandi instrumenta ad dicendum idonea  
deessent.

Conciones autem illius nihil aliud nisi precatio  
interpellabat: precationem rursus conciones exci-  
piebat. Ex quo fiebat, ut cum in ea vicissim studia to-  
tus incumberet, assidue in rerum diuinarum contem-  
platione versaretur. Nam corpus quidem ipsum ine-  
dia temperantiaque domitum sic affecerat, ut rationi  
tanquam dominae obediens, non magis, quam si mortuum es-  
set, voluptatis vllum haberet sensum. Cumque ad ea,  
quae non conueniunt, obeunda immobile torperet, iis  
tamen, quae animorum saluti conducunt, exequen-  
dis robore praestaret. Quid? quod ne noctes quidem,  
somnia simulacris & imaginibus decipientes, ipsi virtu-  
tis cursum interrompebant? Etenim quem acceden-  
tes susceperant sobrium, recedentes vigilantem re-  
linquebant. Id nimirum agentem, ne manus princi-  
pis istius oppressum somno deprehenderet. Tantum  
autem temporis quieti concedebat, quantum transi-  
gendae vitae necessarium erat. ne sublata omnino natu-  
rali vicissitudine caro solutionem violentam patere-



tur. Sed somnum ab oculis cum alia multa discutebant, tum illud in primis, quod aspere & duriter vitam agens, & uariis modis corpus affligens, humi etiam cubabat. His enim potissimum rationibus somni affectio expelli consuevit. Paupertatem uero tantam seruabat, quantam audis Diuis Apostolis fuisse. Quocirca si quis hunc paupertatem colentium exemplar vocet minimè aberret a veritate. Dulcissimam profecto planeque beatam vocem illam tanquam paupertatis magistram hinc profecturus in cœlum nobis reliquit. Nec crumena (inquit) nec baculus, nec pera Ephrem unquam fuit. Nunquam aurum, aut argentum, aut ullam rem aliam possedi. Bonum enim Regem discipulis suis audiui dicentem in Euangeliiis: Nihil in terra possideatis. Quare nulla me rerum eiusmodi cupiditas cœpit. Glorię igitur pecunięque contemptor, & quę prestantiora sunt amans, ad Apostolos in eo cursu quod proximè accedere contendebat.

Quid commemorem animi submissionem ipsius atque humilitatem, cum ea virtus passim in omnibus eius sermonibus & scriptis se ab eo singulariter exultam fuisse quodammodo clamet? Quando enim ad arrogantię tumorisque lapidem offendit pes illius, qui lacrymis lacrymas inuitabat, & cinerem tanquam panem manducabat, & aspera iniucundaque vita (ut aiunt diuina illa verba) poculum cum fletu miscebat? Quique ab omni abhorrens humana gloria, cum in hac vita peregrinaretur, si a quopiam se laudari sentiebat, egre ferens, & alium alias colorem sumens, atque oculos in terram deiiciens, tenui sudore madebat, grauique silentio tanquam pudore linguam impediēte corripiebatur?

Cum autem ad beatam ac cœlestem illam vitam esset discessurus, vehementi quadam interdictione id ipsum prohibens dixit: Nulla Ephrem Carmina cecineritis, nullam adhibueritis laudationem. Ne me

pretioso cum vestimento sepeliueritis, ne ue priuatum corpori meo tumulum constitueritis. Mihi enim cum Deo conuenit, vt habitem cum peregrinis. Advena enim ego & peregrinus sicut omnes patres mei. Quemadmodum igitur aliarum virtutum, sic huius etiam egregia & perspicua habes indicia. Nam eorum quæ ad eleemosynam cōmiserationemque pertinent, hunc non effectorem modo, sed doctorem fuisse veritatis præscriptio, lexque confirmat. Etenim cum ex perfecta, quam amplexus fuerat, paupertate, nihil esset reliquum, quod egentibus daret, crebris tamen admonitionibus alios ad misericordiam incitando, eleemosynam impertiebatur. Erat enim profectò huius oratio, licet vultus eius non aspiceretur, veluti diuinitus fabrefacta clauis, quæ locupletum thesauros recluderet, & indigentibus necessaria subministraret. Sed aspectus ipsius Angelicus, idoneus erat, qui sine vlla oratione solus ad cōmiserationem intuentes commoueret. Tanta in eo tum simplicitas, tum mansuetudo, tum probitas cernebatur. Nullus erat tam impudens, qui nō ipsum intuens, rubore perfunderetur, seque ipso melior & modestior fieret.

Ac tametsi tam multa in hoc viro perfecta fuerunt, ne quis propterea putet ei absolutam rerum Ecclesiasticarum cognitionem defuisse. Neque enim illā eatenus tantum attigit, vt dicendo instituere alios posset. Sed tam pietatis instituta, quàm ea, quæ illis aduersantur, planè percepit. Illa vt populum erudiret, hæc vt Hereticos coargueret. Bono enim zelo in eas pietatis inimicas feras mouebatur. Nam sermone quodam, qui ad nos etiam non scriptis sed fama peruenit, ex quo cum veritatis fuisse studiosissimum facile intelligi poterat, Apolinarium leuem, immò dementem, & insanum appellabat, qui res nouas moliens, multa iniqua piæque scripturæ aduersantia duobus libris comprehensa è ventre eructans temere loqueretur. Eos autè

libros, cuiusdam sceminae, quam in deliciis habuisse dicebatur, custodiendos tradiderat. Quae cum magno Ephraem comperta essent, eiusdem opinionis se esse simulans, ad sceminam, quae libros seruabat, accedit. Qui sit, & quam fausta illi est solitudine apportet, aperit, & id genus alia fortasse adiungens, tandem supplicat, ut praceptoris scripta sibi publicae utilitatis gratia praebeat, ut nobis, quos tunc haereticos appellabat, obsistere facilius posset. Quibus verbis capta mulier, eumque vnum ex illis, qui Apolinarii partes tuerentur, existimans, libros exhibuit, orans, ut eos sibi celeriter redderet. At magnus hic Iacob fatuum supplantans Esau, & flagitiosa illa primogenita capiens, sapienter oppressit. Nam piscis glutino vniuersos illinens, folium folio ita coniunxit, ut cum vna pars ab altera prauehementi vinculo seiungi non posset, in vnicam tabulam singuli libri redacti viderentur. Atque ita eos mulieri, quae commodauerat, restituit. Illa verò artium eiusmodi, utpote mulier, imperita, cum speciem ipsorum extrinsecus saluam aspiceret, quid intus esset, diligentius intueri neglexit.

Cæterum dies haud ita multi praeterierant, cum orthodoxis quibusdam defertur diuinus senex, qui Apolinarium acciuisset, & cum illo sermones contulisset. Itaque in iudicium vocatus, impiis illius fretus libris ad diem statutum venit. ac dicere quidem pro se, cum senectute iam confectus esset, recusauit, petitque, ut ipsi libri proferrentur, ut ex illis respondere posset, & contradicere. cum igitur delatoris, socii frementes in medium libros attulissent, inueteratus ille dierum malorum iniustitiae iudex, vnum ex illis in manus sumens, explicare conabatur. Verum cum glutino vinctus non cederet, ad mediam eius partem aperiendam aggressus est. quam quidem eodem modo conglutinata reperit. Quamobrem sua ex priore libro frustratus spe, ad alterum accessit, quem quidem totum adeo



connexum intuitus, vt aperiri non posset; tanto rubore suffusus est, atque ita animo perturbatus, vt ex illo confessu discedens, consilii inopia hærens & exanimatus, in morbum inciderit, eamque ignominiam rægre tulit, vt haud procul abfuerit, quin mortem oppeteret.

Ac pietatis quidem zelo talis fuit Magnus noster Pater & Doctor Ephræm. Alias enim mansuetum ac mitem se præbens, cum nulla pugnandi necessitas esset, alias acerbum & grauem, cum fidei periculum immineret, omnia sapienter pro ratione temporis administrabat. Ex hoc enim zelo non minus, quam ob multa ieiunia, & lacrymas, & perpetuas preces laudandus est, atque haud scio, an ob id etiam magis, quod hæc in eo vno concludebantur, ille ad communem etiam vtilitatem pertinebat. Sicut autem verum eximii venatoris specimen est, cum bellicosas feras insequitur: & boni gubernatoris virtus ostenditur, in aduersa tempestate: Medici sapientis in difficilibus morbis: strenui militis in ipso pugnae discrimine: sic pietatis religionisque studiosum virum graui pericula difficultatesque declarant, cum & se, & alios ex insidiis eximit. Nullum profecto virtutis genus est à veteribus excultum, in quo non hic etiam excelluerit. Quapropter animum eius vtilitate, dulcedine, iucunditate manantem fonti, omni aquarum copia fluenti similem possumus dicere: aut prato diuersis & odoratis floribus splendenti: aut cælo variis stellarum luminibus distincto: aut Paradiso, quem audis fuisse in Edem, innumerabili decorato fructiferarum arborum multitudine: (ita tamen vt serpenti improbo exiliique authori nullus in hunc aditus pareat.) aut siquid aliud pulchrum iucundumque multis diuersisque bonis natura cohonestauit, talem beatum Magni Ephræm animum, multis vndique virtutum generibus exornatum existima. Semper enim

V I T A

vir admirandus in eam curam incubuit, vt perfectum & absolutum virtutum omnium chorum possideret, & quibus reliqui singulis præstiterunt, ea omnia solus ipse consequeretur.

Nam vt sacerdos, eum, qui inter iustos primus numeratus est, Abel. imitatus, nō ex gregibus ouium, neque ex adipe sacrificia Domino obtulit, sed sine sanguine rationabile obsequium vitæ puritate sacrificauit, ea re tantum dissimilis Abel, quod à scelerato homicida interfectus non fuit, sed inimici Dæmonis laqueos vitans, superatis insidiis ad vitam, quæ nullum finem est habitura, sicut ille, peruenit. Enos autem sic æmulatus est spem, vt non modo Domini Dei sui nomen inuocauerit, sed alios etiam, vt illud inuocarent, edocuerit. Enoch vero vt similis esset operam dedit, non admirabilem eius è terra in Paradisum secessum, sed e materiæ perturbatione in spiritum transitione imitando. Noe quoque similis exitit, non exiguam in arca lignea generis conseruationem, sed propriam animi incolumitatem vndique procurans, vt vitæ procellas tutò subterfugiens, nullam virtutis iacturam faceret. In multis etiam Abrahæ fuit imitator, atque, vt fidem, mansuetudinem, & amorem erga Deum taceam, in eo potissimum, quod quemadmodum propriam terram & cognationem ille, sic Ephrem mundum effugit, & in corpore suo vnigeniti sacrificium expressit, se dedicans Deo, & ea membra mortificans, quæ sunt super terram. Isaac autem propter mortem, quā sponte tranquilloque animo subire paratus erat, non tamen inferente patre. Quinetiam quotidie, vt Apostolus, corpore quidem fructum, quod ad propositum pertinet, percipiebat, spiritu autē vivebat Deo propter castum corporis tanquam in ariete sacrificium; Iacob verò, Esau, idest hæreseum parentem supplantando, & primogenita, recta videlicet Eccle-

sæ decreta, accipiendo, similis fuit. In eo præterea, quòd non scalam à terra ad cœlum vsque pertingentem, sed prælongam ignis columnam, pulchriorem mysterii profunditatem indicantem vidit. Quodq; discipulis hic, vt ille filiis, e vita discessurus, benedictiones, distribuit, quas qui pronus excipiebat. Magni illius Iacob esse arbitrabatur. At Ioseph similitudinem maxime quidem expressit integritate corporis & castitate, sed multo magis, quòd quemadmodum ille triticum, sic iste verbum communicauit, nec non in multis Mosis per similes fuit.

Fugit enim hic quoque Pharaonem Diabolum, & habitauit in solitudine, & Deum vidit, quatenus contemplatione videri potest. Et res admirandas effecit, & doctrina se populo ducem ac magistrum præstitit. Et Aegyptios decepit, diuitias eorum surripieus, libros nimirum Hæreticorum, de quibus triuphausit. & falsum ac potui minime accommodatum infidelitatis mare diuisis, populumque, fidelium vtique multitudinem traiecit. & pharaonis exercitum impiam calumniatorum progeniem oppressit. Et Amalec in fugam vertit, siquem Hæreticorum hoc nomine velis appellare. recte christiani que viuendi legem à Deo accepit, & nobis omnibus tradidit. Tabernaculi exemplar in monte vidit, non Mosis, sed horrendi illius futuri iudicii. Sacerdotes constituit, de sacrificio leges & præcepta tradens. Aquam eduxit e petra, dum corda lapidea ad fundendas lacrymas inducit. cœlesti pane, quemadmodum ille, abunde populum aluit, charitatis sermones nobis proponens, per quos animi maxime confirmantur, & ad sumendum cum fiducia diuinum & sacrum panem, qui pro salute nostra e sinu patris huc venit, accenduntur. Coturnices fidelibus exhibuit, docens, vt per Dei recordationem sese tollant in cœlum, & quæ illic pulchra sunt, contemplantur. Et



hac quidem rationes si quę Pater hic grauitęr gessit, cum rebus gestis priscęrum conferre volueris, illis nullo modo inferiorem inuenies.

Siquidem, vt Iesus Naue, Iordanem etiam diuisit, cum clausas benignitate diuinitus manus patefecit. populoque terram non abiectę huius promissionis, sed regni cęlestis distribuit. Ab infantia, vt Samuel, dicatus est Deo, diuinamque vocem audiuit. Vt Elias, sacerdotes turpitudinis vituperauit. Ignemque diuinum rationis sacrificio, non semel sed sæpius deduxit, & igneo virtutum curru, non in æthera sed in cœlum sublatus est. Vt Elisæus, duplicem spiritus gratiam acquisiuit. Vt prophetę, diuinę visionis copia donatus est. Atqui ratio ipsa me mouet, vt hunc vel cum illo, quo nullus inter natos mulierum exitit maior, audeam comparare. cum illo inquam, qui inter legem & gratiam medius fuit. Nam hic, quem admodum præcurzor ille, solitudinem coluit, & ad hunc item factum est verbum Dei. Et prece pœnitentiam docuit. Vt Paulus autem vas electionis, multas tentationes sustinuit. & pœnitentię semina, vt ille fidei, diligenter sparsit. Sed quid oportet hunc sigillatim cum sanctis conferre, cum eius recte factis plenus sit orbis terrarum? Longior autem oratio est superuacanea, cum ipsa opera appareant. Nam multitudo verborum fidem infirmat, quasi virtutes non satis ex rebus ipsis declarentur, sed egeant orationis auxilio. Quamobrem operæpretium erit, vt, quod suauissima voluptate animos nostros afficiet, admirabilem eius ex vita exitum exponamus.

In cœlum igitur iam profecturus diuinus hic vir illis, qui aderant, imperabat, ne corpus suum pretiosa veste ornatum sepelirent. Quod si quis amantior sui aliquid eiusmodi cogitasset, mutato in melius consilio, id ipsum, quod honestandę sepulturę decreuisset, pauperibus daret. Vnus igitur eorum, qui ade-

rant sane quam nobiles, cum magni pretii vestimentum parasset, quo diuini senis corpus indutum afficeret sepultura, neglecto, quod audiuerat, mandato magisque pium & pauperibus præferendum honorem, quem ipse cogitauerat, iudicans, vestimentum pauperibus dare distulit. Quare protinus à malo dæmone percussus, quod mandato non obtemperasset, acerbissimas pœnas dabat, seq; ante lectulum, in quo vir sanctus iacebat, ore feruentes spumas agens dilaniabat. Cui clementissimus senex, quidnam, inquit, o homo, vt in hoc periculum coniicereris, admisisti? At ille imperio senis excitatus, quanuis eius menti dæmon tenebras offudisset, occultum, quod inerat non obediendi ipsius mandato consilium aperuit. Tum vir humanissimus confitentem cōmiseratus, manuum impositione & precatione ab affectione illa hominem liberauit, & in pristinum restituit sanitatis statum, atque eum sic allocutus est. Perfice, homo, quæ dudum promisti.

Hoc igitur facto miraculo, cum iam vitæ finis instaret, eos, qui aderant, multis admonitionibus ad amandam & colendam virtutem cohortatus, vt postrema eius declarat oratio, ad tranquillum æterni regni portum enauigauit, sanctaq; ac Deo grata accessione, beatorum numerum, qui ab initio seculi fuerant, cumulauit. In cœlestibus enim tabernaculis anima illius consedit, vbi sunt ordines Angelorum, vbi Patriarcharum populi, vbi chori Prophetarum, vbi sedes Apostolorum, vbi gaudium Martyrum, vbi piorum lætitia, vbi Doctorum splendor, vbi celebres primogenitorum cœtus, vbi puræ lætantium voces. In sacrum illum locum, vbi sunt ea bona, in quæ desiderant Angeli prospicere, felicissima sanctissimaq; beati clariq; Patris Ephrêm anima peruenit. Existimo autem, cum in cœlum ascenderet, singulas virtutes, quas in hac vita coluerat, præcedentes, res illas recō-

ditas & pulcherrimas, quę mortalibus oculis cerni non possunt, ostendisse, omniumq; præstantissimam charitatem ad eam accedentem dixisse. Aspice, chara anima, quam tibi pulchritudinem cõparaui, simulq; delicias demonstrasse. Mox accurrentem humilitatē sic allocutam: Vide, anima dilecta Deo, qualem ego tibi locum ornaui. Tum reliquas omnes sigillatim enarrasse, ostendisseque præmia, quę iam inde, cum ab ipsa in corpore colerentur & exercerentur, in posterum acquirebant. o decantanda atque imitanda peregrinatio. o mors non indigens lacrymarum. o separatio coniunctionem optatam concilians. o transitio, cuius non pœnitet transeuntem. o funus nullam molestiam afferens. Nam dum mores illius admiramur, consolationem accipimus. Aliorum enim hominum mors iis, qui relinquuntur lacrymarum causam præbet, sanctorum autem, lætitiā celebritatemq; conciliat. Neque vero dicenda est mors, sed transitus, & ad meliora demigratio.

Hęc tibi, Patrum optime Ecclesięque Doctor, munera laudum afferimus, non ea quidem pro dignitate, neque indigenti tibi. Quam enim gloriam afferre queat oratio, quę laudati meritis superatur? Sed ob viuentium potius vtilitatem. Quandoquidem bonorum & præstantium virorum laudationes, vt stimuli & faces animis admotę, vehementer homines ad rectius viuendum incitant & inflammant. Hanc autem laudandi prouinciam alacrius cepimus, quim multis aliis rationibus adducti, præter vitę doctrinęque famam, toto terrarum orbe vulgatissimam, tum cura illa, quam in homine eiusdem nominis liberando adhibuisti. is enim nos ad hoc onus subeundum impulit, qui à posteris Ismael in bello captus, & procul a patria diu commoratus, cum ad eam reuerti cuperet, & viam commodiorem ignoraret, admirabili ope tua rationem ad salutem aptam inuenit, & quod optauerat,

est



est consecutus. Nam cum in maximum vitę discrimē adductus esiet. Quoniam omnes vię barbarorum copiis interclusę tenebantur, te nomine tantum inuocauit, dicens: sancte Ephrem, adiuua me. atque ita tuto periculorum laqueos euasit, mortemque neglexit, & inopinatam salutem assecutus, patrię auxilio tuo munitus, præter spem redditus est. Quapropter ad hæc dicenda audacter aggressi tuas laudes impuris labiis attingere non veriti sumus.

Qua quidem in re si haud ita multum defecimus, id ope tua nos assecutos fatemur, tibi que acceptum ferimus. Sin dignitate tua longē inferiores nostrę sunt laudes, te quoque (quanuis audacius hoc dictū videri possit) in causa fuisse dicemus, qui & viuens & defunctus, modestię humilitatisque studio, te collaudare volentes impedis. Attamen, siue hoc, siue illud sit, nos pietatis officio pro viribus satisfecimus: teq; id nobis minime succensurum, neque tui amantissimos auersurum, sed æquo libentique animo filiorum balbutientium laudes suscepturū speramus. Tu vero diuino assistens altari, vitęque principi ac sacrosanctę vna cum angelis sacrificans Trinitati, omnium nostrum recordare, nobis que peccatorum veniam impetra, vt sempiterna regni cœlestis beatitudine perfruemur in Christo Iesu domino nostro, cui gloria in æternum. Amen.

EX HYSTORIAE  
ECCLESIASTICAE  
NICEPHORI CALLISTI  
LIBRO NONO,



*Ioanne Lango Interprete.*



ADEM HAC ætate & Ephræm Syrus præclarus fuit, qui quidem longo interuallo omnes præcessit. Hic Nisibin patriam habuit, & in monachorum Philosophia exercitatus, breui tantum in lingua Syrorum, quum quidem eam prius ab aliis non didicisset, neque specimen aliquod aut spem, talem eum fore, præbuisset, profecit, vt cum pietatis exercitio ad summum contemplationis peruenerit, tum splendore, facilitate & suauitate verborum, nec non densitate & grauitate sententiarum, etiam præclarissimos quosq; Græcorum, qui eloquentia antiquitus excellissent, superauerit. Etenim si quis illorum Græca scripta in Syrorum fortè aut aliorum peregrinam linguam transferret, & florentem illam Græcorum ornamentorum gratiam, decentemq; nitorem, & fucû verborum detraheret, illicò quoque adsestitiis coloribus deficientibus, sententiarum obscuritas sese prodebat. At Ephræm lôge alia erat oratio. Nam quâ eo adhuc superstite, atque etiam defuncto, postea libri eius in Græcam linguam conuerterentur, non longe admodum a propria & natiua decedebant virtute. Mirum

quidem auditu est, eundem & Græce, & Syriace legi.  
 Quam ob causam magnus ille & oratione & virtute  
 Basilii, qui Cappadocum metropolim episcopatu  
 suo exornauit, summopere virum est admiratus, eun-  
 demque eruditionis nomine beatum censuit. Vt tan-  
 ti viri tam certo testimonio manifestum sit, comuni-  
 ter quoque a Græcis, qui tum clarum in eloquentia  
 obtinuerunt nomen, præstantissimū omnium Ephræm  
 iudicatum esse. Vox sane Basilii talis, nō temere pro-  
 lata esse existimanda est. Dicitur autem diuinus E-  
 phræm trecentas versusum myriades conscripsisse. Et  
 paulo post. Qualis igitur is sermone fuerit, vel ex  
 hoc ipso coniicere licet. Vita verò ei valde exacta, &  
 bonis operibus spectata fuit. Quietem etiam multo  
 studio est sectatus. Et propter morum castitatem tan-  
 topere calumnias deuitauit, vt fere a conspectu mulie-  
 ris prorsus abhorruerit. Fertur sane, quum mulier  
 quædam nulla prorsus vitæ disciplina, & pudore nul-  
 lo, in angusto admodum loco ei obuia facta, siue con-  
 sulto veluti virum tentatura, seu ab aliis, vt hoc face-  
 ret, mercede conducta, oculos sine intermissione in eū  
 coniiceret, increpans, in terram eam prospicere iussis-  
 se, illamque respondisse: Sed quomodo tandem terrā  
 ego intuear? quum æquius sit te eam respicere, qui ex  
 ea conditus sis, quā me ortum ex te habentem, pro-  
 indeque recte te respectantem. Quod mulieris verbum  
 ille admiratus, deinde scripto mandauit. Atque id Sy-  
 ri in primis memoratu dignum ex illius rebus esse  
 censent. Et primū quidem is sæpe ira victus est: pos-  
 teaque aut monasticæ philosophiæ incumbere cœ-  
 pit, nunquam cōmotus esse visus est. Atque aliquan-  
 do, cum dies multos pro cōsuetudine sua ieiunio tran-  
 segisset, & minister tempore cibum ei afferret, accidit,  
 vt is ollam frangeret. Ephræm vero pudore iuxta &  
 timore correptum illum videns: Bono, inquit, esto ani-  
 mo. Quandoquidem enim obsonium ad nos venire



renuit, nos age ad id accedamus, & ad ollæ fragmenta  
 confidens comedit. Enim vero vt vana etiam gloria su-  
 perior fuerit, inde liquido patebit. Designabatur vr-  
 bi cuidam Episcopus, & iam qui eum ad electionem  
 abducturi erant, adueniebant. Ac ipse statim eo cogni-  
 to, in forum progressus, veluti mente captus indeco-  
 re gradiebatur, non satis honeste vestem post se tra-  
 hens, & quæ venalia erant, surripiens, propalamque  
 comedens. Sic ille mentis impos existimatas, electio-  
 nem effugit. Et tantisper dum alius episcopatum reci-  
 peret, occultans sese, latuit. Plurima sane & alia me-  
 moratu digna, & qui de eo conscriptus est liber, &  
 prouinciales eius, Romani simul, & Syri de eo refe-  
 runt, quæ cuius cognoscere est procliue. Vnum illud  
 sane quàm memorabile historiæ huic inserere visum  
 est, quod ab eo ante obitum est gestum. Fames ingens  
 Edessenorum urbem premebat: atque ipse, qui mul-  
 tos annos non fuerat domo progressus, tum philoso-  
 phandi studio aliquantum intermissio, prodiit: & in  
 homines locupletes, qui sic turpiter rerum necessaria-  
 rum inopia ciues suos pereuntes despicerent, acriter  
 est inuectus, arguens eos, quòd animarum cura negle-  
 cta, studium omne in corpore fouendo collocarent. il-  
 li autem integritatem & paupertatem viri obseruan-  
 ter veriti, minime id sic esse affirmarunt: facile enim  
 & promptum eis esse, indigentibus facultates distri-  
 buere: deesse saltem, qui in eo ministerio, pro eo at-  
 que deceret, fidelem se præberet, omnesque lucro in-  
 hiare, & talia fœdè in quæstum suum vertere, dixerunt.  
 Tum Ephræm: Ego verò, inquit, qualis vobis esse vi-  
 deor? & illi, Honestus atque bonus, respondere: & ta-  
 lis prorsus, qui opinioni, quæ de eo fertur, vita ipsa re-  
 spondeat. Itaque, ille ait, paratus sum omnibus hac  
 in re inferuire. Et multo ab eis sumpto argento, tre-  
 centas parauit mensas: & in publicis porticibus eos,  
 qui fame affecti erant, acceptos, diligenter & benigne

souit : aduenas quoque, & alios qui inopia affligeren-  
tur, humaniter curauit, idq; tantisper fecit, dum fa-  
mes ibi est grassata. Ea vero dela pſa, ipſe ad philoſo-  
phia ſuæ officinam reuerſus, ibi paucos poſt dies  
vita eſt deſunctus. In eccleſia clericij miniſterium  
ſumpſit. Vita autem monaſtica per celebris, ex æquo  
cum iis, qui epiſcopatu doctrina, & vitæ ſanctitate  
clari ſunt, laudatur. Hæc pauca ex multis, quæ ab  
Ephræm recte pieq; facta ſunt, diximus. Res nanque  
eius omnes ſi pro dignitate earum exponere nos opor-  
teret, aut etiam aliorum, qui tum in eodem philoſo-  
phandi genere elaborarunt, vt ſcilicet eorum quiſ-  
que vixerit, & quali morum inſtituto uſus ſit, qualis  
ipſe fuit, ſcriptore eſſet opus.

F I N I S.

Errata      sic      corrigenda.

Car. 11. a. v. 8.	Beatus ter	Beatus, ter
car. 12. a. v. 15.	Infœlix	Infelix
car. 13. b. v. 24.	mendaciis	mendacis
car. 17. b. v. 15.	ornamente	ornamenta
car. 17. b. v. 36.	spoliatus, est	spoliatus est
car. 18. a. v. 18.	Christianissimi	Christi amicissimi
car. 19. a. v. 31.	ostendet	ostendit
car. 21. b. v. 34.	ad	ab
car. 22. b. v. 9.	speculum animæ	speculum, animę
car. 24. b. v. 36.	homine	hominem
car. 27. a. v. 12.	imparatum	imparatam
car. 31. a. v. 34.	compellentem	compellantem
car. 31. b. v. 2.	certificati	testificati
car. 36. a. v. 27.	posuit	profuit
car. 38. a. v. 27.	addibent	adhibent
car. 41. b. v. 3.	ab	ad
car. 43. a. v. 30.	mœrentibus	merentibus
car. 44. a. v. 34.	sua non sunt	sua sunt
car. 44. b. v. 17.	Amocum	amicum
car. 45. b. v. 6.	Quin	qui
car. 46. b. v. 16.	sordidus	sordibus
car. 46. b. v. 20.	conspectu	conspecto
car. 50. a. v. 26.	confusus	confusos
car. 51. b. v. 4.	quidem	quidam
car. 52. a. v. 15.	pœnitus	penitus
car. 53. b. v. 19.	est is	estis
car. 54. a. v. 9.	Dominus, Iesus	Dominus Iesus
car. 54. b. v. 6.	slendidis	splendidis
car. 55. a. v. 22.	poema	pœna
car. 55. a. v. 24.	scite	scito
car. 59. a. v. 6.	operan	operam
car. 59. b. v. 17.	metrias	nutrias
car. 60. a. v. 17.	completemini	complectimini
car. 61. a. v. 30.	iudicis	iudices



car. 64. b. 7. 36. ignavius  
car. 66. a. 7. 16. calumnis  
car. 69. a. 7. 1. male  
car. 71. b. 7. 10. illos  
car. 71. b. 7. 21. dimittit

ignauus  
columnis  
mala  
illos  
demittit

Reliqua benignus ipse Lector emendabit.

## REGISTRVM.

A B C D E F G H I K L M.

Omnes sunt quaterniones, præter M,  
qui est duernio.

V E N E T I I S.

APVD FRAN. RAMPAZETVM.

M D L X I.



INSTRUMENT  
DEPOSEMENT  
JURY  
JURY  
JURY

INSTRUMENT  
DEPOSEMENT  
JURY  
JURY  
JURY

INSTRUMENT DEPOSEMENT JURY

INSTRUMENT

INSTRUMENT

INSTRUMENT DEPOSEMENT JURY

INSTRUMENT

INSTRUMENT DEPOSEMENT JURY

INSTRUMENT







4-3-4



